


Lukri Né Kena



Wagi: Lukri Né Kena Portions

Lukri Né Kena
Wagi: Lukri Né Kena Portions
Luk long tokples Wagi long Niugini

copyright © 2016 Wycliffe Bible Translators, Inc.

Language: Wagi

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 11 Nov 2022 from source files dated 29 Jan 2022
6967869f-9588-59ed-91d2-0158edb59705

Contents

| | |
|---------------|---|
| LUK | 1 |
|---------------|---|

LUK

Né Ura Koptak

Lukri Né ge danah wénih Luk qe yan. Nug ge dokta am Grikrer. Nug danah nusgur am danah lawardı Tiwur pi dosi qe ole olag meře mérigri né ene yan. Tiwurdi Né os ge wénih Aposel qe ole Luk nug yan. Lukri Né e owa ge Luk Yesus kerdi wan ewa urıyan qeri yan: Nug oun os gattu owa de qe mariko peko buliko ow Tiwurdi uhribak éurdigri urıyan (19:10). Yesus danahas kunum asilag kug owari buliko diardigri urıyan (2:10; 2:30-32; 3:6; 24:47). Né Kena enewa, ig Yesusri o mousak hipunin danahas dilag nie qe ewqétu (6:20; 7:22; 14:11-13; 21:1-4). Ig nug o mousak as dilag qe ewqétu (né ene sillah 7:11-17; 8:2-3; 10:38-42; 13:10-13; 21:1-4; 23:27-31). Am nug o mousak nir nounu dilag qe ole ewqétu (né ene sillah 8:41-42; 54-55; 9:38-42; 9:46-48; 18:15-17).

Lukri Né Watiak

1. Né digumak (1:1-4)
2. Le Luarak danah Yon memnak am Yesus ole (1:5—3:20)
3. Yesus kekuak diguman (3:21—4:13)
4. Yesus Galili kekuan (4:14—9:50)
5. Yesus kekolle Yerusalem atan (9:51—19:27)
6. Kuha usih qe owa Yerusalem keř ban (19:28—23:56)
7. Yesus buliko fou meko asko am begur gumarko wanan (sapta 24)

Né Digumak

¹ O danah naři Tiofilus, danah kuřum la os ag tatam keř keř ig gamnigwa beko atan qeri né ene yeg. ² Ag né qe danahas ig mariweg duet qe sillah ole yeg. Danahas qe digumakwa Yesus keř keř sew amlagwa peg qe, dimba ag Tiwurdi Néri kuak danah beg. ³ Da Luk

da né qe digumakwa arereg ban qe peko kepařko kouturin. Qeri da ole né ene keř keř kunum ban qe dimlamurko yarildi kena elle qe yin. ⁴ Danah naři Tiofilus, na né ismireg qe, né meře qe doka ot mourdig.

Le Luarak Danah Yon Memnakri Né

⁵ Sén qewa Herod* nug king delle Yudia gumewew, prist† os wénih Sakaraia daré. Nug pris ameg Abiya qewari, am nug waw Elisabet ole a olele pris Aron fuřuh. ⁶ A olele Nařinahri Řo am Né ole kunum dimlamurdap, qeri ge Tiwur a danahas mangunah qere piatan. ⁷ Gam a keinmanah am a nir kawa, keřdi Elisabet nug owa nir kawa. ⁸ Sén os pris ameg Sakaraia nug daré ole qe asilag sén kekuakri dewew ge, deř os pris Sakaraia nug Tiwur nohwa kekuan. ⁹ Pris ag koulagwa wenlag ker masawa yeksi tourweg ge, Sakaraia wénih ban. Wénih bew ge, nug keprurweg Tiwur Lougwa noko ker ahu os kew kas muřdig kena ole Tiwurdi mandigri nuan. ¹⁰ Ker ahu os kew kas muřdig kena be ole qe nug manewew ge, danahas kunum dimdim qagleksi unuqoreg. ¹¹ Sén qewa Tiwurdi doup Sakaraia gumurko doko, qařew ker ahu os muřdig kena ole ařelle dian qe séku kenariwa sirko dian. ¹² Dewew ge, Sakaraia aminko doup qe peko ge, nug wawtuřko ole fařan. ¹³ Gam Tiwurdi doup amegwa anan. “Sakaraia, na aw fařwen. Tiwur unuqorak nasip duan. Na wat Elisabet nug nir danah memanko mirdig, am na nir qe wénih Yon katař. ¹⁴ Geisah nug dow, na ot gamag naři asdig. Am nug durig qeri danahas la kuřum ole olag gamag asdig. ¹⁵ Keřdi nug Tiwur nohwa danah wénih ole darig. Nug wain am le gagrag la qe ole ospi lew, am nug anig owa niewew, sén

* 1:5 1:5 Herod ene Herod king dewew Yesus katleg ole qe memeg. † 1:5 1:5 Tiwur am danahas ole gamlagwa Tiwurdi ofa mak danah

qewa ole Koulli Gun nug ole wit-tew dessa omaldig. ¹⁶ Nug anuqko Israel danahas kuřum omlarew ag olag buliew asilag Nařinah Tiwur gumdeksi dolag. ¹⁷ Profet† Elaisa gagragsak morew kekuan qe sillah Yon Nařinah noh oko anuqko attig. Atewew ge, nug sew nir memelgar ole ag olag usih nirig. Am nug danahas Tiwur nohwa tapewnak sési qe omlarew olag buliew Tiwur o nie sillah diakri dahmelag. Qewa ge, nug sew Nařinah uřirigri qeri danahas olag bawressi dalag,” eko anan. ¹⁸ Sakaraia Tiwurdi doup kořmoran, “Da qe areg ol meře mérig? Keřdi da wal ole i keinmanah am i nir ole makri sén erřtan.” ¹⁹ Tiwurdi doup nug kořewa oko anan, “Da doup Gebrel. Da Tiwur nohwa deina ole. Nug da meřilew nasip né kena ene oko na amenwa andildi uřiyém. ²⁰ Na doka koutor. Gei ole na né kařdew né ospi mariwen, keřdi na dasil né ot meře pi mé. Na dawew atew nir nasip dow am bulika né maririp. Da keř aném qe sén nusig morakwa bérig.” ²¹ Sén qewa danahas Sakaraia dimdim bérigri ameg méksi dessi dahmak kuřum og. “Aregri Tiwur Lougwa gun awen owa wagannah de?” ²² Sén nug dimdim ban ge, nug né mariakri olele kawa. Ag nug Tiwur Lougwa kowol os pian ge, nug ewegwa ih sew peksi olag mouran, keřdi nug né kařdan. ²³ Nug pris kuakri sén nusig qe malako ge, buliko lougwa atan. ²⁴ Qe dimba ge, waw Elisabet o ole meko, nug kalam tanig ole qe louw ih daré. ²⁵ Elisabet anan, “Nařinah dasil o niew, nug sew da nir ole mein. Géri danahas nolagwa uřa nak dorém ge, nug sew kawa man.”

Yesus Memnakri Né

²⁶ Kalam 6 qere Elisabet nirdi weiewew, Tiwur doup nusig wénih Gebrel qe meřorew taun nagur wénih Nasaret qewa atan. Taun qe Galili atu owa de. ²⁷ Tiwurdi

doup nug Tiwurdi né oko as magun os danah ole ospi weiyes ole qe dowata atan. Nug danah os wénih Yosep king Dewit fuřuhwari qeri féq orřweg. As magun qe wénih Maria. ²⁸ Tiwurdi doup nug gumurko atko amegwa anan, “Maria, na kena te dana? Tiwur nasip o nařinie. Tiwur na ole dasa.” ²⁹ Maria doupri né qe doko wawtuřko katat qew ge dahman, “Keř digurinah né ene ané.” ³⁰ Gam Tiwurdi doup anan, “Maria, na aw fařwen. Tiwur nasip o nie. ³¹ Geisah na ot ole meka nir danah os memanka am nug wénih Yesus katař. ³² Tiwur sew nug binag nařie ole bérig am nug wénih Tiwur Karannah Bega éksi anlag. Nařinah Tiwur sew nug king beko alag dugiah Dewit king daré sillah darig. ³³ Nug Yakop fuřuh gumarelle king sansan darig. Kingdom nusig ge ospi kawa mew,” eko anan. ³⁴ Maria Tiwurdi doup amegwa anan, “Da danah ole ospi weiyer gam, aregnah kowol qere dagnéwa bérig?” ³⁵ Tiwurdi doup kořewa oko anan, “Koulli Gun neko na tonirew gagragsak Tiwur Karannahri na qanřirdig. Qeri nir gunnah na memandip qe wénih Tiwur Bega éksi anlag. ³⁶ Na doka koutor. Na liap Elisabet ole nug keinmanah, nug owa nir kawa éksi andéw, gam gei nug kalam 6 qere nirdi weiyer, géri nug nir ole darig. ³⁷ Keřdi Tiwur nug keř os sakri ane ge, qe mou bérig.” ³⁸ Maria Tiwurdi doup kořewa oko anan, “Da Nařinahri kuak as, na né anam qe sillah bar.” Qere anew ge, Tiwurdi doup nug munurko atan.

Maria Elisabet Perig Atan

³⁹ Qe dimba wagam ole kawa, Maria bawarko usihri teko Yudia atu owa taun os qoukuwa, Sakaraia Elisabet ole des qewa atan. ⁴⁰ Atko Sakaraia lougwa wanew Elisabet peko sumdew ge, Maria ole Elisabet

† **1:17** 1:17 Tiwurdi né oko mariak danah

sumdan. ⁴¹ Sumdewew ge, nir Elisabet owa nian qe ole kawqan. Koulli Gun Elisabet wittew dessa dahmak moran. ⁴² Elisabet qalko Mariari anan, “Tiwur na as la kunum e’arak wittak kena miran, am Tiwur nir na otwa nie qe wittak kena moran. ⁴³ Da ol gamagnah ase, ke’rdi Na’inah dasil anig peir’digri u’riyé. ⁴⁴ Na sum’ram qe dueppi ole nir da olwa ene gamag asew kawqé. ⁴⁵ Tiwur na wittak miran, ke’rdi na nug anan qe beko mou murdigri ot me’re man,” eko Elisabet Maria anoran.

Mariari Kasi

⁴⁶ Maria anan, “Da ol dahmak ole kunum Na’inah morko binag meina. ⁴⁷ Da Tiwurdi ol gamag na’i ase, ke’rdi nug da hipunin dasil noh uwindi seko buliko wi’ran. ⁴⁸ Da Tiwurdi kekuak as sam, gam nug da dahmi’rko koutoran. Qeri gei digumak am dimba dimba ole danahas anlag, ‘Tiwur as qe wittak kena moran,’ éksi anlag. ⁴⁹ Ke’rdi Tiwur Gagragsak Digu, nug dagrowa kowol danah sakri kawa qe sew ban. Nug wénih gunnah. ⁵⁰ Nug sew danahas nug fa’ursi ole qe ag alalgar dugialgar ole ag nusig o duak owa dalag. ⁵¹ Nusig gagragsakwa kowol danah sakri kawa qe san. Nug sew danah ag agégé binlag meg qe kum qétiég. ⁵² Nug king binlagri seréw qe dilag gagragsak sew kawa meweg, am danah binlag kawa sam daréw qe sew ag nug nohwa na’i beg. ⁵³ Nug danahas ke kawa qe ke kena nusigwa begaran am sew danahas kehlag ole qe ewlag sam qere ateg. ⁵⁴⁻⁵⁵ Nug kuak nir nusgur Israel danahas kehnanan. Ke’rdi nug Abraham am algur dugiahur ole o duak nusig owa sansan diakri né fagqan qe dahmorko, ig alangar dugiagar agop ole qere sérig,” eko Maria Tiwur binag man. ⁵⁶ Maria nug Elisabet ole kalam kiam sillah dessa, am buliko kawagwa Nasaret

atan. ⁵⁷ Elisabetri nir memnak sén dow ge, nug nir danah memnan. ⁵⁸ Nug gému ole asilaswari am leilti ag Elisabet nug Na’inahri o duak na’i owa dian qe dueksi, u’riweg nug ole a’rié olag gamag asan. ⁵⁹ De’ 8wa ge nir féru gone kot’rakri sén dew, ag u’riyeg. Ag memeg Sakaraia wélqorlagri seg. ⁶⁰ Gam nir anig anaran, “Kawa, nir wénih Yon kata’rnig,” eko anan. ⁶¹ Anew ge, ag Elisabet anoreg, “Asilag atérwari ounté os wénih qere ole kawa.” ⁶² Am ag Sakaraia nir wénih oun kata’rdig qe dolagri ewlagwa nug perigri kowol seg. ⁶³ Seweg ge, nug keke os morweg yarigri ewegwa ih sew uksi morweg ge, “Nug wénih Yon,” yew peksi dorlag nan. ⁶⁴ Sén qewa ih Sakaraia nug ko’ré koptew digumeko né mariyelle Tiwur binag suman. ⁶⁵ Danahas a’rié daréw ole qe né qe kunum duessi wawtu’reg. Yudia atu kunum qoukuwari danahas ag ole kowol qe neihwah marieg. ⁶⁶ Danahas kowol qeri né duessi olag meweg te meweg new ge aneg, “Nir ene ke’r danahnah bérig?” éksi aneg. Ke’rdi Na’inah eweg§ Yon dowa dian.

Sakaraiari Kasi

⁶⁷ Koulli Gun Yon memeg Sakaraia wittew des, géri nug Tiwurdi né qe oko marian. ⁶⁸ “Na’inah Israel isanig Tiwur binag ménig. Nug danahas nusgur kehnardigri u’riko kege’r asilgar ewlagwari buliko diaran. ⁶⁹ Tiwur kéhnigak danah os gagragsak na’i ole ignéwa mew u’riyan. Nug Na’inahri kuak danah king Dewit fu’ruh. ⁷⁰ Algu Tiwur sew profet gun ag nusig né qe uksi marieg. ⁷¹ Nug danah qe gagragsak na’i ole ig kéhnigrigri mew u’ririg. Nug isanig kege’r am danahas are ag ig nouni dahmigi ole qe ewlagwari buliko wigrig. ⁷² Tiwurdi o duak ig alangar dugiagar ole deg am nug titwanak gun qe doug ospi katian.

§ 1:66 1:66 “Na’inah eweg Yon dowa dian” digu ge Na’inahri gagragsak Yon dowa dian.

⁷³ Tiwur nug alnig dugianig Abraham dowá né qe fagqan. ⁷⁴⁻⁷⁵ Nug ig kegeér isangar ewlagwari wigrigri né fagqan. Qeri ig pi fařhut, nug nohwa onig kunum morettu sansan mangu weiyettu gun dettu nug binag ménig. ⁷⁶ Am nir dasil Yon, na geisah Tiwur sew na Tiwur Karannahri profet éksi aniřlag. Keřdi na Nařinah noh oka anuřka atenna ih nusig ořdip. ⁷⁷ Na danahas nusgur anardip: Nařinah hipunin asilag kusuřko buliko diardig. ⁷⁸ Keřdi Tiwur isanig o duak naři nie, qewa ge kem be sillah Nařinah kéhnigrigri saw kappari uřirig. ⁷⁹ Danahas gattuwa dasi am mousakri fařakwa dasi qe agop sonřelle nug ih ismigew Tiwurdi maror ihwa atnig,” eko anan. ⁸⁰ Nir qe dahmak am o mourak kena ole kena man. Nug atu meřak danah kawawa daré, gam dimba Israel danahas gumarko wanan.

2

Maria Yesus Memnan

¹ Sén qewa Ogastus nug Rom atu qe kunum dilag king delle, nug ró os man: Danahas kunum atu qewa daréw ag wenlag yalagri ró qe man. ² Kurinius nug Siriari kuri danah naři delle ge, wenlag yakri ró qe diguman. ³ Am danahas kunum ag kawlag awen awen wenlag yalagri aseksi ateg. ⁴ Géri Yosep nug ole Galili owa taun Nasaret qewari am Dewitri taun Betlehem Yudia atu qewa atan. Keřdi nug Dewit fuřuh. ⁵ Nug Maria ole ařié wenlas yalasri ates. Maria nug Yosep uřigri fég ořwak dewew am Maria nir uřigri sén unaka dewew ole ates. ⁶ A Betlehem qewa dessa ge, Mariari nir memnak sén duan. ⁷ Sén qewa nug nir danah memnan. Nug ge nir anřakri. Maria nir qe lamen nařiwa saputko ge, doř dilag kelak awen qewa awen bawarko mew

nian. Keřdi ró danah niakri lo qe ambew ag awen ole kawa.

Sipsip Gumarak Danah Tiwurdi Doup Ole

⁸ Sipsip gumarak danah ag Betlehem kaw qe mourak awen gisgař olewa sipsip asilgar gumareksi tuřan qewa deg. ⁹ Tiwurdi doup nug ag gumarko gamlagwa now ge, Nařinahri kamsahlak sonařko talilaran. Talilarew, olag nařinah fařan. ¹⁰ Am Tiwurdi doup nug ag anaran, “Ag aw fařweg. Da asilag né kenanah os oko uřiyém. Né qe sew danahas kunum olag gamag naři asdig. ¹¹ Gei deř ewa Dewitri taunwa as os nir danah memanko maré. Nir qe hipunin noh asilag owegri seko buliko diarak danah am nug Nařinah Kristus.* ¹² Ag nir qe peksi olag mourdigri ge kowol os ere pelag: Nir anig nug lamenwa saputko doř dilag kelak awenwa mew niewew pelag,” eko anaran. ¹³ Tiwurdi doup nug né qe mariko malwew ge, usihri saw karan Tiwurdi doup ameg naři doweg qagleksi Tiwur binag sumessi kasi iřeg. ¹⁴ “Tiwur karannah nug kamsahlak gun olewa de. Am danahas wanwa Tiwur asilag o nie ole qe ag maror nusig owa dasi.”

Sipsip Gumarak Danah Yesus Pelagri Ateg

¹⁵ Sén Tiwurdi doup ag minareksi saw karan atweg ge, sipsip gumarak danah qe ag agégé né marieg. “Ig Betlehem atektu Nařinah anigé ole am keř bé qe penig.” ¹⁶ Géri usihri atessi ge, Maria Yosep ole am nir yu qe doř dilag kelak awenwa niewew mariareksi piareg. ¹⁷ Ag nir qe peksi ge, nir qeri né dueg ole qe danah la os taun qewari ole amlagwa aneg. ¹⁸ Danahas ag né qe dueksi dahmak lanah qere og. ¹⁹ Gam Maria keke kunum béksi ateg qe owa ih dewew dahmak naři oré. ²⁰ Am sipsip gumarak danah olag gamag

* **2:11** 2:11 Kristus ge Mesaia. Tiwur danahas nusgur buliko diardigri danah tořoran.

asewew Tiwur binag karan sumessi am binag messi bulieksi ateg. Keŕdi ag keke kunum Tiwurdi doup anan qe sillah amlagwa peg am doulagwa dueg.

Yesus Memeg Anig Ole Oksa Tiwur Lougwa Ates

²¹ Deŕ 8wa Yosep Maria ole nir yu féru gone kotrák sén dow ge, wénih Yesus katrés. Nug anig o ole pi mak Tiwurdi doup wénih qe moran.

²² Sén a Mosesri Ŕo yakwa gun kowol qe dimlamdeksa malweksa ge, a nir oksa Yerusalem Tiwur Lougwa Tiwur ewegwa melasri ates.

²³ Naŕinahri Ŕo yakwa de ge, “Nir memeg anig ole nir danah anqakri memanas qe Tiwur ewegwa melas.”

²⁴ Am Maria ofa oko Tiwur murdigri qe ole ses. Keŕdi Tiwurdi Ŕo yakwa ane, “Kuhŕil naŕi aŕit kawa ge, kuhŕil nounu masiksik fou kena mak aŕit os pris mores.”

Simion Tiwur Binag Man

²⁵ Sén qewa, danah os wénih Simion Yerusalem qewa daré. Nug Tiwur nohwa mangu weiré am Tiwurwa ih daré. Nug Tiwur Israel kug asilagwari buliko diardigri qe ameg meré. Koulli Gun nug ole darap. ²⁶ Koulli Gun sew nug duan ge, nug Naŕinah dowari Kristus uŕiyew peko tatam am mousdig.

²⁷ Koulli Gun sew nug Tiwur Lougwa teko qewa dewew, Yosep waw ole Ŕo yakwa ane qe dimlamdeksa nir asilas Yesus oksa qewa tes. ²⁸ Simion nir qe oko momowa oŕako Tiwur binag sumko anan. ²⁹ “O Naŕinah, na atu kunum gumna ole, na né faggen ge, na sewe nasip kuak danah da ol marorwa mousko attil. ³⁰ Keŕdi da amelwa danahas buliko diardigri danah uŕiyan qe piém. ³¹ Na nug keprurka bawwurka mewe uŕiyan. Qeri danahas kuŕum atu kunumba nug pelag. ³² Nug Yuda danahas

kawa la qe am danahas naspar Israel dilag ole Tiwurdi kamsahlak gun ole oko uŕirig,” eko anan. ³³ Nir memeg anig ole Simion nirdi anan qeri dorlas nan. ³⁴ Simion wittak marko am nir anig Mariari anan. “Nir ene Israel danahas kuŕum sew tolalag am gagrag dalagri ole am nug Tiwurdi ih ismardigri toqoran. Gam danahas kuŕum nug dimorlag. ³⁵ Qeri danahas kunum dilag dahmak olagwa nie qe ambo mérig am na otwa qoum yako qetko attig,” eko anan. ³⁶ Am as profet os wénih Anna. Nug Fanuel aŕeg am Aser ater qewari. Nug keinmanah am nug gému ole nug oksa makaŕ 7 qer dessa, gému mousan. ³⁷ Géri nug gehŕas dew uŕiyew makaŕ 84 qer ban. Nug sansan tuqan kémun ole Tiwur Lougwa noko Tiwur binag mérigri kurdelle am unuqordé. ³⁸ Sén qewa ih nug Yosep Maria ole am nir asilas ole gumarko doko nir qeri Tiwur kena sam eko anan. Anelle ge, nir qe Yerusalem danahas kug owari buliko diardigri ameg meg qe anaran. ³⁹ Yosep waw Maria ole Tiwurdi Ŕo yak de qe dimlamdeksa kuak kunum malweksa ge, a kawlas diguwa Nasaret, Galili atu qewa bulieksa ates. ⁴⁰ Nir asilas qe gagragsak ole kena man. Nug dahmak kena ole ban am Tiwur wittak kena mordé.

Nir Nag Yesus Tiwur Lougwa Dian

⁴¹ Makaŕ dorog Yesus anig memeg ole a Yerusalem Nanŕurak Deŕdiŕ mallenwa attap. ⁴² Sén nug makaŕ 12 qer dewew ge, ag koulag qe dimlamdeksi Yerusalem mallenwa ateg. ⁴³ Sén mallen qe kawa mew, nug anig memeg ole bulieksa kawlagwa atepes ge, nalas Yesus nug Yerusalem qewa dian, gam a qe pi dues. ⁴⁴ A danahas ole aŕié atsi essa deŕ usih ge ates. Deŕ oswa ge a digumeksa Yesus mariessa asilaswari am leilti koŕmares. ⁴⁵ Sén

† 2:41 2:41 Nanŕurak Deŕ ge Yuda dilag mallen os. Sén Yuda danahas Isip darew qe, mousak nir danah anqakri nanŕaran qe dahmorakri sén.

nug ospi peksa, a nug marilasri bulieksa Yerusalem ates. ⁴⁶ De' kiam qewa, a nug Tiwur Lougri ka' owa Tiwurdi Néri duak marak danah qe olagwa dewew pes. Nug ag né marieg qe doko ge ko'rmaman. ⁴⁷ Ag kunum ole nusig duak marian qe am ko'rmak buliko noh man qe ole dueksi dorlag nan. ⁴⁸ Sén anig memeg ole nug peksa ge, a ole katat aqatan. Anig anoran, "Nir dasil, na kerdi i qere sitam? Na memen am da ole i dahmak na'ri nasip ollu mariyirah," eko anan. ⁴⁹ Nug a ko'rmatan, "A kerdi da mariyirsa? A pi te dosa da Mem Lougwa deina?" eko anan. ⁵⁰ Gam nug né anatan ge, a olas ospi mouran. ⁵¹ Yesus nug a dimlamatew bulieksi Nasaret ateg. Nug anig memeg ole ko'rlas dimlamurdé. Gam Maria nug ke' ke' beko atan qe owa ih dahmelle daré. ⁵² Yesus nug dahmak kena ole kena man. Tiwur am danahas ole nusig olag gamag asdé.

3

Le Luarak Danah Yon Né Kusuan

¹ Maka' 15 owa Taiberias nug Rom atu qe kunum dilag king daré. Pontius Pailot nug Yudia wan atu qe gumdé, Herod Antipas nug Galili atu qe gumdé, am kamag Filip nug wan atu arit Ituria am Trakonitis ole gumatdé. Am Lisantias nug Abilene wan atu qe gumdé. ² Anas am Kaiafas ole a pris* dilag kuri darap. Sén qewa Sakaraia nag Yon atu meirak danahas kawawa dewew, Tiwurdi Né nugrowa uriyen. ³ Yon nug atu le na'ri Yordan mourak qe kunumba weiyelle né kuswelle danahas dilag anan. "Tiwur hipunin asilag kusurigrigri ge, ag olag buliew le luak os." ⁴ Qe sillah profet† Aisaiari Né yakwa algu anan, "Danah os atu meirakwa qalko ururig. 'Na'rinah uririgri ih bawres. Ih mangu

mores. ⁵ Ollu kunum meglares am qouku nounu am qouku wagé wagé qe ole kunum mangu marweg urémqes. Ih mériak qe kunum mangu mares, am ih goto goto qe bawres. ⁶ Danahas kunum Tiwur asilag kugwari buliko diardig qe pelag,' " eko anan. ⁷ Danahas ameg na'ri Yon le luardigri gumdeksi ateg. Atweg ge, Yon anaran, "Ag mat nou bégur. Oun anew ag Tiwurdi uhríbak uririgri unaka de qe érdeksi kum atsi? ⁸ Ag me'nenah olag buliew pe, mou kena qe seweg bar. Am ag agégé 'Ig Abraham fu'ruh,' éksi aw anweg. Da ag anarina, Tiwur qar nisi ene oko sew Abraham fu'ruh belag olele. ⁹ Palangis qe ker kuardigri ifil diglagwa bawrak de. Ker are os mou kena ospi niweg pe, kuarko kewba tou'ardig," eko anan. ¹⁰ Yon qere anew ge, danahas ku'rum ag ko'rmoreg. "Am ig aregnah sénig?" éksi aneg. ¹¹ Yon ko'rlagwa oko anan. "Danah siot arit ole ge os ge danah siot kawa ole qe morar. Am danah oun nug ke ole ge nug ole qere ih sar." ¹² Takis wak danah os ole le luarakri Yon gumdeksi uriyeksi ko'rmeg. "Duak marak danah, am ig ge aregnah sénig?" ¹³ Yon ko'rlagwa oko anaran, "Ag qarég takis wakri anak qe ih mangu os am aw qe é'urweg," eko anan. ¹⁴ Fan danah os ole ko'rmoreg. "Am ig ge areg sénig?" Yon ko'rlagwa oko anaran, "Ag danah aw keigarweg fa'areksi qarég marweg. Am ag danah aw yago' mareksi qarég oweg, ag kuak asilag noh mangu olag gamag asakwa os," eko anan. ¹⁵ Danahas ag Kristus‡ ameg méksi daréw, géri ag dahmak ku'rum og. Qewa ge ag kunum olagwa ih ere dahmeg. "Yon nug Kristus qenan te?" éksi dahmeg. ¹⁶ Géri Yon danahas kunum ko'rlagwa oko anan. "Da lewa ih le luarina, gam geisah

* 3:2 3:2 Tiwur am danahas ole gamlagwa Tiwurdi ofa mak danah † 3:4 3:4 Tiwurdi né oko mariak danah ‡ 3:15 3:15 Kristus ge Mesaia. Tiwur danahas nusgur buliko diardigri danah toqoran.

danah os da eřlak nug gagragsak ole uřirig. Da danah kena kawa am nug fég gařa darér kusqakri olele kawa. Nug Koulli Gunwa am kew ařikwa luardig. ¹⁷ Danah qe nug iřil kekuakri bawré de. Nug darweh owa reis mou ge, kepařko qagulko nug lougwa mérig. Gam reis gařa ge kew pi qouse ole qewa mandig,” eko anan. ¹⁸ Yon nug né la kuřumba danahas doulag patelle am Né Kena ole kusuan. ¹⁹ Gam sén Herod atu qe gumewew, Yon Herodri hipunin uřa kopatko gařa moran. Keřdi nug kamag waw Herodias kařurko am nug hipunin la kuřum os ole san. ²⁰ Am Herod nug hipunin nusig la os qe tuřurko sew kuak danah nusig Yon uksi kalabuswa yaneg.

Yon Yesus Le Louran

²¹ Sén Yon kalabuswa pi atak delle danahas kuřum le luarelle, Yesus ole le louran. Le lourak qe oko malako unuqorewew saw matlan. ²² Saw matlew ge, Koulli Gun kuhřil sillah Yesus dowanew am Tiwur fag saw karandi anan. “Na nir dasilnah. Da nasip ol mouse am ol gamag ase,” eko anan.

Yesus Algur Wenlag

²³ Sén Yesus makař nusig 30 keke gere dewew, kekuak nusig diguman. Danahas dahmeg ge nug Yosep nag éksi aneg. Yosep nug Heli nag. ²⁴ Am Heli nug Matat nag, am Matat nug Liwai nag, Liwai nug Melki nag, Melki nug Yanai nag, Yanai nug Yosep nag. ²⁵ Am Yosep nug Matatias nag, am Matatias nug Amos nag, am Amos nug Nahum nag, am Nahum nug Esli nag, Esli nug Nagai nag. ²⁶ Nagai nug Mat nag, Mat nug Matatias nag, Matatias nug Semen nag, Semen nug Yosek nag, am Yosek nug Yoda nag. ²⁷ Am Yoda nug Yoanan nag, Yoanan nug Resa nag, Resa nug Serubabel nag, Serubabel nug Sialtiel nag, Sialtiel nug Neri nag. ²⁸ Am Neri nug Melki nag, Melki nug Adi nag, Adi nug Kosam nag, Kosam

nug Elmadam nag, am Elmadam nug Er nag. ²⁹ Am Er nug Yosua nag, Yosua nug Elieser nag, Elieser nug Yorim nag, Yorim nug Matat nag, Matat nug Liwai nag. ³⁰ Am Liwai nug Simion nag, Simion nug Yuda nag, am Yuda nug Yosep nag, am Yosep nug Yonam nag, Yonam nug Eliakim nag. ³¹ Am Eliakim nug Melea nag, Melea nug Mena nag, Mena nug Matata nag, am Matata nug Natan nag, am Natan nug Dewit nag. ³² Am Dewit nug Yesi nag, Yesi nug Obet nag, Obet nug Boas nag, Boas nug Salmon nag, Salmon nug Nason nag. ³³ Am Nason nug Aminadap nag, Aminadap nug Atmin nag, Atmin nug Arni nag, Arni nug Hesron nag, Hesron nug Peres nag, Peres nug Yuda nag. ³⁴ Am Yuda nug Yakop nag, Yakop nug Isak nag, Isak nug Abraham nag, am Abraham nug Tera nag, Tera nug Nahor nag. ³⁵ Am Nahor nug Seruk nag, Seruk nug Reu nag, am Reu nug Pelek nag, Pelek nug Eber nag, Eber nug Sela nag. ³⁶ Am Sela nug Kainan nag, Kainan nug Arpaksat nag, Arpaksat nug Sem nag, am Sem nug Noa nag, Noa nug Lamek nag. ³⁷ Am Lamek nug Metusela nag, Metusela nug Inok nag, Inok nug Yaret nag, Yaret nug Mahalalel nag, Mahalalel nug Kenan nag. ³⁸ Am Kenan nug Inos nag, Inos nug Set nag, Set nug Adam nag, Adam nug Tiwur nag.

4

Nou Memeg Yesus Qepian

¹ Yesus Yordan le minko atew, sén qewa Koulli Gun nug owa olele morew dessa Yesus omalko atu meřak danah kawawa atan. ² Omalko atew ge, Yesus deř 40 gere dewew, nou memeg* qepian. Am sén qewa Yesus nug kité ospi lan, géri deř qe malwew ge nug laké qan. ³ Qew ge, nou memeg Yesusri anan, “Na Tiwur Bega daka pe, qar ene anwe ke buliar,” eko anan. ⁴ Anew ge, Yesus anan, “Tiwurdi

* 4:2 4:2 Satan

Né yakwa ane, ‘Danahas kewa ih fou pi dasi,’ ” eko anan. ⁵ Anew ge, nou memeg Yesus omalko atu goukuwa teko usihri Yesus wan atu kunum ismuran. ⁶ Ismurko anan, “Da na gagragsak mirwi wan atu e kunum gumdip am da séwi binam nañi ole darip. Keñdi keke ene kunum ge da mirak. Qeri da danah os murdildi ge da murdil. ⁷ Qeri na da nolwa duk noka binal mérip ge keke kunum nasip darig,” eko anan. ⁸ Yesus koñewa oko anan. “Tiwurdi Né yakwa ane, ‘Na Nañinah nasip Tiwur ih binag me am kallowa da,’ ” eko anan. ⁹ Anew ge, nou memeg Yesus omalko Yerusalem atko sew Tiwurdi Lo koñgo karannah qewa tew anoran. Na Tiwur Bega daka pe, olka wanap no. ¹⁰ Keñdi Tiwurdi Né yakwa ere ane, “Tiwur doup nusgur anew na dahmireksi koutorlag.” ¹¹ Ag ewlagwa na urwirlag géri na fén qar ospi yew, eko anan. ¹² Anew ge, Yesus koñewa oko anan, “Tiwurdi Né ane, ‘Na Nañinah Tiwur nasip aw mena pewen,’ ” eko anan. ¹³ Nou memeg nug ih kuñumba Yesus qepian malako ge, Yesus munurko am sén os qeperigri ameg man.

Yesus Kuak Nusig Galili Diguman

¹⁴ Sén qewa Koulli Gundi gagragsakwa Yesus buliko Galili atu qewa atko dian, am nug neihwah atu ge kunumba tualan. ¹⁵ Nug Yuda dilag binag mak lo kuñumba danahas Tiwurdi Néri duak mardé. Danahas kuñum nug binag sumdéw.

Yesus Kawag Diguwa Né Kusuan

¹⁶ Yesus nug nir nagurwa delle kena man ole kaw Nasaret qewa atan. Am nug Sabatwa sansan seré sillah Yuda dilag binag mak lo owa noko, Tiwurdi Né ewqerigri asan. ¹⁷ Asew ge, binag mak lori kuak danah profet Aisaiari Né yak qe nug moreg. Morweg kolako ge, né os ere anko yak qe mariko peko ewqan.

¹⁸ “Nañinahri Koulli ge dagnéwa de. Keñdi nug da danahas o duak agop Né Kena kusurildi kurulwa goñen gogoñko toqifan. Tiwur nug da Né Kena qe kuswelle danah kalabuswa qagrakwa dasi qe da séwi kusqak olagri am danah amlag gañu qe séwi bulieksi aminlagri meñrew uriyin. Tiwur nug da danah kug owa dasi qe séwi kusqak olagri meñrew uriyin. ¹⁹ Am sén uriyew, da Nañinah danahas nusgur buliko diardigri né qe kusurildi meñrew uriyin.” ²⁰ Ewqeko malako ge, Yesus Né yak qeko buliko kuak danah qe morko, am nug Né digu kusurigri dian. Dewew ge, danahas kunum Yuda dilag binag mak lowa deg qe amlag atew nug keñ eko anew dolagri kittureksi deg. ²¹ Am nug digumeko Né ewqan qe kusuan. “Gei Tiwurdi Né ewqewi ifil duéw ene meñenah bé,” eko anan. ²² Danahas kunum dueksi nug binag sumeg. Ag nug koñewa né kenanah ban qeri dahmak kuñum ossi am aneg. “Danah uni Yosep nag, gam areg?” éksi aneg. ²³ Qere anweg ge, Yesus anan. “Meñenah, ag geisah nun né dasil ene anlag. ‘Dokta, na nagégé férun sewe pasaorar. Kowol are na Kapernaum sewe ig duet ole qe ih na kawan diguwa ewa ole qere se,’ éksi aniñlag.” ²⁴ Qere anañelle anan, “Da meñenah amlagwa anina. Profet nug kawag diguwari danahas ag nug pi sumursi. ²⁵ Am da ag amlagwa anina. Elaisari sénwa saw megalko gu kawa makañ kiam am kalam 6 qere laké nañi Israel atu kunumba nian. Sén qe as qehñas kuñum Israel daréw. ²⁶ Gam Tiwur nug Elaisa mew Israel as qehñas usih os kéhnurdigri pi atan. Nug Elaisa mew Sarefat Saidon† atu qewa as qehñas os kéhnurdigri atan. ²⁷ Qe sillah sén profet Elisari sénwa Israel danah kuñum lepra wañe ole daréw. Gam olagwa Elisa danah usih os wañe nusig qe pi sew kawa man. Gam

† 4:26 4:26 Sarafet kaw am Saidon atu ge Yudia atu kawa. ‡ 4:27 4:27 Siria ole Yudia atu kawa.

Naman Siriarer† qe ih sew pasao-
ran,” eko anan. ²⁸ Qere anew ge,
danah Yuda dilag binag mak lowa
deg ole ge né qe dueksi olag uhri
nounah ban. ²⁹ Uhrilag bew aseksi,
Yesus berweksi kawlag qoukuwa de
qe dougwa waneg. Waneksi qouku
sékuwa béwa touřweg nurigri qere
seg. ³⁰ Gam qer seppeg, nug buliko
gamlagwa wanko ole ih nusig oko
atan.

Yesus Koulli Nou Geřdan

³¹ Dimba ge, Yesus Nasaret minko
noko Galili atu qe owa Kapernaum
qewa atan. Qewa atko ge, Sabat deř
oswa ge Yuda dilag binag mak lo
owa danahas Tiwurdi Né ismaran.
³² Ismarew ge, ag nusig né qe dueksi
dahmak kuřum og, keřdi né nusig
ge gagragsak am kuakri wittak ole.
³³ Am danah os féruwa koulli nou
ole Yuda dilag binag mak lowa qewa
dian. Nug qalko urwan. ³⁴ “Ei!
Yesus Nasaretre, na ig keř sigripri
urıyam? Na sewe ig paral ménigri
te urıyam? Da na duirina. Na Ti-
wurdi Gun Danah,” eko uruko anan.
³⁵ Uruko anew ge, Yesus koulli nou
qe gagrag anoran. “Na torka danah
qe pařoka beka eit.” Qere anew
ge, koulli nou danah qe pařwurko
beko atelle, touřew danahas no-
lagwa atko qewew beko atan. Gam
nug gurak ospi moran. ³⁶ Danahas
kunum dořlag new, ag agégé né
marieksi aneg. “Uni ge keř nénah?
Nug kuakri wittak ole am gagragsak
olewa koulli nou né mare. Qeri
ag dueksi ole pařwureksi atsi,” éksi
aneg. ³⁷ Qewa ge, Yesus neihwah
Galili atu kunumba tualan.

Yesus Pita Numia Sew Waře Pasaoran

³⁸ Yesus Yuda dilag binag mak lo
qe minko danah os wénih Saimon
lougwa atan. Qewa ge Saimon
numia féru gagrak nařinah doko
niewew, Yesus waře qe sew pasaur-
digri anoreg. ³⁹ Géri nug wanko duk
noko delle waře gařa morew ge, as
qe waře pasaoran. Pasaorew ge, as

qe usihri asko ke asilag bawardigri
dian. ⁴⁰ Kem nowew ge, danahas
leilgar waře digu kowol kowol ole qe
diaressi Yesus dowa urıyeg. Urıweg
ge, nug danahas kunum waře asi-
lag usih usih qere feřlag ořwelle
kunum ole sew pasaoreg. ⁴¹ Am
qe ih kawa, koulli nou danahas
kuřum pařwaressi atessi ole Yesusri
urweg, “Na Tiwur Bega!” éksi
aneg. Gam nug gařa marew kořlag
qamteksi né ospi marieg. Keřdi ag
dueg ge nug Kristus. ⁴² Kuagřewew
ge, Yesus awen os danah kawawa
unuqurdigri atan. Atew ge, dana-
has nug marieksi atessi peg. Peksi
ge, nug minarko atewri dagoreg.
⁴³ Gam nug anan, “Da Né Kena Ti-
wur danahas nusgur dilag king delle
gumare né qeř kusuwi kaw lalawa
ole dolag. Keřdi da kuak qe sérildi
anew urıyin,” eko anan. ⁴⁴ Qewa ge,
nug Né Kena kuswelle, Yuda dilag
binag mak lo kuřumba Yudia atu
owa weiré.

5

Yesus Nug Béğur Digumeko Di- aran

¹ Deř os Yesus Genesaret le koře
kawa řanwa asko dewew, danahas
kuřumnah nug Tiwurdi Né mariew
dolagri omoreksi deg. ² Deppeg
nug řanwa kuh arıt os deppes pi-
atan. Sén qewa, kaké wak danah ag
kuh minatweg deppes usu isaressi
deppes piaran. ³ Yesus nug olko
kuh oswa tan, kuh qe Saimonri.
Teko Saimon kuh nakok bitlew řan
minko lewa nurigri amegwa anan.
Now ge, Yesus kuhwa delle danahas
doulag patan. ⁴ Nug doulag patko
malako ge, Saimonri anan. “Kuh
palniwe nagur le gamagwa wanew,
usu kaké wakri pařwarweg nos,”
eko anan. ⁵ Anew Saimon kořewa
oko anan, “Danah naři, ig tuřan
usu touřehut kuagré, gam kaké ospi
wam. Gam na anam qeri usu buliko
pařwarwi nolag,” eko anan. ⁶ Qere
séksi ge, kaké kuřumnah diarweg

usu tatařlag seg. ⁷ Qere sew ge, leilgar kuak usih kuh oswa deg qe dolagri ewta qarweg, duksi kehnařweg beřweg. Beřwarweg beweg ge, kuh ařit olele kaké yanweg ambew, torieksa lewa nolasri ses. ⁸ Sén Saimon wénih os ge Pita qere peko ge, unaka Yesus féřwa gatewa yako duk noko ge anan. “Nařinah, da hipunin danah. Qeri na da pařwilka eit,” eko anan. ⁹ Keřdi nug leigur kunum ole kaké huhak diareg qe peksi dorlag nan. ¹⁰ Saimon leikuř Yems, Yon ole Sebedi békuř qe a ole dorlas nan. Géři Yesus Saimonri anan, “Na aw fařwen. Na gei digumak danah diardip,” eko anan. ¹¹ Qere anew ge, kuh beřwatweg řanwa tewes, ken kunum mineksi ge, Yesus dimlamdeg.

Yesus Danah Os Lepra Waře Ole Sew Pasaoran

¹² Sén os Yesus nug taun oswa dewew, danah os féřu kunum lepra waře ole qe gumurko duan. Nug doko Yesus peko ge, gatewa yako duk noko Yesus nuqurko anan. “Nařinah, na ot sew pe, na da féřulwa waře ene sewe kena mar,” eko anan. ¹³ Anew ge, Yesus eweg tiorko danah qe féřuwa meko anan. “Da ol de. Waře nasip pasaorar,” eko anew ge, usihri lepra waře qe mundan. ¹⁴ Qe dimba, Yesus danah qe gagrag anoran, “Na danah os amegwa awnah anwen. Mosesri Řo yakwa ane qe sillah atka féřun pris* os ismurena am doř os oka mor. Qeri danahas kunum dolag na waře nasip sew pasaoran,” eko anan. ¹⁵ Gam Yesus neihwah qe atu kuřumba tualan. Tualew dueksi ge, danahas nusig né dolagri am waře asilgar kusuqko mardigri kuřumnah uřiyeksi qagleg. ¹⁶ Gam Yesus sén kuřum minarko atko awen danah kawawa delle unuqordé.

Yesus Danah Eweg Féř Mousak Ole Sew Pasaoran

¹⁷ Deř os Yesus danahas doulag patelle dewew, Farisi os am Mosesri Řo duak danah ole qewa deg. Ag kaw kuřumbari Galiliri Yudiari am Yerusalemri ole uřiyeg. Am Tiwurdi gagragsak waře danah sew pasaorakri qe Yesus dowā dian. ¹⁸ Sén qewa danah os ag danah eweg féř mousak ole os qařqařwa méksi maweg. Ag maweksi lo owa nuksi Yesus nohwa melagri seg. ¹⁹ Gam danahas kuřumnah, géři awen amban. Ambew ge, waře danah qe uksi owa nolagri seg, gam ih ospi peg. Géři qařqař ole maweksi lo kořgowa teg. Téksi ge, lo kořgo siřeksi oře qewa qařqař ole pařoweg now danahas gamlagwa Yesus nohwa meg. ²⁰ Meweg ge, Yesus olag meře mak qe peko anan. “Lal, hipunin nasip kusqém,” eko anoran. ²¹ Anew ge, Řo duak danah am Farisi agégé né kuřum marieksi aneg. “Danah uni nug kér danah qeri Tiwur pihlure? Danah ounté la os hipunin kusuqřigri olele kawa. Qe Tiwur nugé nusig kuak,” éksi aneg. ²² Yesus asilag dahmak qe duan, géři amlagwa anan, “Ag keřdi olagwa dahmak qere usi? ²³ Keř né andil qe kug kawa? ‘Hipunin nasip kusqém,’ te kawa ‘Na aska wei,’ eko andil qe te kug kawa? ²⁴ Gam ag ere dolag. Tiwur nug Danah Bega wan enewa hipunin kusuqřigri kepařko kuakri wittak moran,” eko anan. Yesus buliko ge danah eweg féř kunum mousak ole qe amegwa anan. “Na aska qařqař nasip oka mouka ole louw eit,” eko anoran. ²⁵ Anew ge, usihri danah qe nolagwa asan. Asko qařqař nug nian ole qe oko mouko, Tiwur binag sumelle lougwa atan. ²⁶ Qeri danahas kunum dorlag new Tiwur binag sumessi am ag Tiwurdi gagragsak fařdeksi aneg. “Igei kowol founah os piam,” éksi aneg.

Yesus Liwai (Matiu) Keřran

* 5:14 5:14 Tiwur am danahas ole gamlagwa Tiwurdi ofa mak danah † 5:27 5:27 Wénih os ge Matiu.

²⁷ Qe dimba ge, Yesus atko takis wak danah os wénih Liwai† takis wak lowa dewew pian. Peko ge, amegwa anan, “Na doka da dimlamir.” ²⁸ Qere anew ge, Liwai keke kunum minelle asko Yesus dimlandan. ²⁹ Dimba ge, Liwai nug lougwa Yesusri ke nafi san. Sew ge, takis wak danah kurum am danah la os ole a ole ninaqireksi dessi ke qe leg. ³⁰ Gam Farisi am Ro duak danah Farisi dilag ag dougwa piareksi deg qe aseksi Yesus begur agop ne ne kurum marieg. “Ag takis wak danah am hipunin danah la ole ke am le ole ospi lelew sillah,” eksi aneg. ³¹ Anweg ge, Yesus amlagwa anan, “Danahas ware kawa ge dokta dow pi atsi. Gam danahas ware ole qe ih dokta dow atsi. ³² Da danahas mangu diardildi pi uriyin. Gam da hipunin danahas anwi olag bulirigri uriyin,” eko anaran.

Kurniak Kowoldi Yesus Kormoreg

³³ Sen qewa, danah qe Yesus ere amegwa aneg. “Le Luarak danah Yon begur ge sen kurum kurdessi unuqursi. Am Farisi begalgar ag ole qere sesi. Gam na begpar ge qere ospi sesi ag ke le ole lési,” eksi aneg. ³⁴ Géri nug ne tonak ene anaran, “Danah os as owew, ag nug leigur ke gun marlag olele te? Sen nug qe ole deppeg, kawa. ³⁵ Gam dimba geisah danah qe uksi atlag, géri nug foula leigur ole pi daweg. Sen qewa ge, leigur qe ke gun melag,” eko anaran. ³⁶ Yesus nug ne tonak os anaran. “Danah ounte nug lamén fou ge parilko saréh nagur os oko am lamén alag ore pi titie. Am danah os qere sérig ge, nug lamén fou qe sew nou mérig. Am lamén saréh fou qe lamén alag qe ole amnak usih kawa. ³⁷ Am danah ounte os nug wain fou bawrak le witakri dor gaia alagwa pi yane. Am danah os qere sérig ge, wain fou dor gaia parilko wain wanwa gogordig. Am wain fou dor gaia le witakri qe ole sew

nou mérig. ³⁸ Danah nug wain fou ge dor gaia fouwa ih yanar. ³⁹ Am danah nug wain alag tatam le ole ge, nug wain fou bawrak qeri ospi sew. Nug ane, ‘Wain alag ge kena,’ ” eko anan.

6

Sabat Derdi Kormak

¹ Sabat der oswa Yesus begur ole reis dar owa nuksi ateg. Atessi ge, nug begur reis qieksi ewlagwa mou oroleksi damqeksi leg. ² Qere seweg ge, Farisi os piareksi kormareg, “Sabat derwa qere sakri ge gun, gam ag kerdi qere sew,” eksi kormareg. ³ Yesus Farisi korlagwa oko anan, “Ag Dewit danah nusgur ole lake aqarew seg qeri, Ne yak nie ge ospi te ewqeksi dosi? ⁴ Dewit Tiwur Loug owa noko, Tiwur nohwari ke beret qe wan. Beret qe gun, danah balbal kunum dilag kawa, pris* dilag mangu. Gam Dewit nug beret qe leko am danah nusgur qe ole marew leg. Ag Ne yak qe ospi te ewqeg?” ⁵ Yesus buliko anaran, “Danah Bega nug Sabat der gume,” eko anaran.

Yesus Sabat Derwa Kekuan

⁶ Sabat der oswa Yesus nug Yuda dilag binag mak lowa noko danahas Tiwurdi Néri duak maran. Am danah os eweg kenari mousak ole qewa dian. ⁷ Ro duak danah am Farisi os ole ag ker ihwa os Yesus yagor morlagri ih marieg. Géri ag Yesus Sabat derwa ware danah kusqarew pelagri karéordew. ⁸ Gam Yesus asilag dahmak qe iril duan. Doko ge, danah eweg mousak ole qe amegwa anan. “Aska danahas gamlagwa sirka da,” eko anaran. Géri danah qe asko sirko dian. ⁹ Dewew ge, Yesus kormaran, “Ag dosi ge, kowol are ge Ro dimlamdak? Ig Sabat derwa danah kowol kena te sarnig, kawa ig gurak te marnig? Ig danah kena dalagri te kehnarnig, kawa ig danah sarhut paral te

* 6:4 6:4 Tiwur am danahas ole gamlagwa Tiwurdi ofa mak danah

melag?” eko kořmaran. ¹⁰ Nug anew weiyew danah kunum piarko ge, danah qe anoran. “Ewen tior,” eko anoran. Anew danah qe qere sew ge, eweg sew buliko pasaorko koutoran. ¹¹ Gam ag uhřilag bew ge, ag Yesus aregnah sorlagri qe ag ageágé marieg.

Yesus Aposel 12 Qere Kepraran

¹² Qe dimba sén os ge, Yesus Tiwurdi unuqurdigri qoukuwa tan. Teko ge, tuqan usih qe unuqorelle dewew kuagrán. ¹³ Kuagrėw furuwa ge, nug bėgur anew qagleg. Qagulweg ge, nug 12 qere keprarko ag wenlag aposel† maran. ¹⁴ Os ge wėnih Saimon, Yesus wėnih Pita katran. Am Endru, nug Saimon kamag. Yems am Yon ole. Am Filip, Batolomiu ole. ¹⁵ Matiu am Tomas ole. Am Yems nug Alfius nag. Am Saimon, nug Silot danah ameg qewari. ¹⁶ Am Yudas, nug Yems nag. Am Yudas Iskariotrer, nug dimba geisah Yesus kegeř ewlagwa mėrig.

Yesus Danahas Doulag Patelle Am Kusqaran

¹⁷ Yesus Bėgur 12 ole nuksi ge, nug wanko wan urėmba asko dian. Nug bėgur kuřumnah ole deg. Am danahas kuřumnah Yudia atu kunumbari am Yerusalem taun qewari am Tair, Saidon ole řanwari qe kunum ole deg. ¹⁸ Ag nusig né dolagri am nug ferlagwa waře kusuqrigri ole uřiyeg. Danahas koulli nou sarew nou marak ole ge, Yesus kusqaran. ¹⁹ Yesusri gagragsak wanko danah kunum kusqaran, qeri danahas kuřumnah nug fėru ořalagri seg.

O Duak Danah Olag Gamag Asdig

²⁰ Yesus nug bėgur piarko delle anaran, “Danah ag gei o duak dasi, ag olag gamag asar. Kerđi Tiwurdi kingdom ge asilag. ²¹ Danah ag gei lakė dasi, ag olag gamag asar. Kerđi dimba Tiwur sew ag kutuk ospi meweg. Danah ag gei kunnessi

dassi, ag olag gamag asar. Kerđi dimba ag imlag. ²² Ag Danah Bega dimlamdepeg, qeri sėksi danah ag kegeř maressi uksi uksi aqsi am geřaressi am wenlag seweg nou mew ge, ag olag gamag asar. ²³ Ag asilag qere seweg pe, ag sén qewa gamlag asakwa olessi des. Kerđi qe noh asilag saw kappa ge nařinah. Algu alalgar profet† dilag ole qere serėw. ²⁴ Gam danah kehlag ole ag kug os pelag. Ag keke sew olag kena diakri iril oweg olele moran. ²⁵ Danah gei ke lėksi koutursi, ag kug os pelag. Ag dimba lakė aqardig. Danah ag gei imsi, ag ole geisah Tiwurdi uhřibak pelag. Dimba ag olag nou mew kuanak naři selag. ²⁶ Ag danah kunum binlag sumbeg ge, ag kug os pelag. Algu alalgar profet darmak dilag ole qere serėw,” eko anaran.

Kegeř Asilgar Dilag Olag Mousar

²⁷ Yesus doulag patelle anaran. “Gam ag né dasil dosi ole ag anarina. Ag kegeř asilgar dilag olag mousar. Danah os kowol nouni sarweg ge, ag kowol kena sares. ²⁸ Ag danah os wittak nou marweg ge, ag Tiwur kořmorweg wittak kena marar. Am danah nouni sarweg ge, ag asilag unuqores. ²⁹ Danah os na siwen leis ge korew pe, leis ole buliwe korar. Am danah os lamen nasip ow ge, minwe kasuk nasip qe ole war, aw gagansi owen. ³⁰ Am danah os na kekeri kořmirew ge, na mor. Am danah os nasip keke ow ge, na buliko mirdigri wagė meka aw sewen. ³¹ Danah la ag kowol kena sarlagri olag nie qe sillah, ag ole qere sares. ³² Ag danah asilag olag mouse ole qe dilag ih olag mousew pe, oun ge ag danah kena eko anardig? Hipunin danah ag ole danah are asilag olag mouse ole qe dilag ih olag mouse. ³³ Am ag kowol kena danah os asilag sėsi ole qe dilag ih seweg pe, oun ge ag danah kena eko anardig? Hipunin danah ole ag

† 6:13 6:13 Danah os Yesus nugėgé toqarko meř arew kekuak nusig sėksi ateg ole qe. Aposel ge Yesusri meř danah. † 6:23 6:23 Tiwurdi né oko mariak danah

kowol qere ih sési. ³⁴ Am ag danah keke marsi qe noh marlagri olele duessi marweg pe, oun ge ag danah kena eko anardig? Hipunin danah ole ag hipunin danah leilgar keke marsi qe ag keke noh olele bulieksi marlagri duessi marsi. ³⁵ Gam ag keger asilag dilag olag mousar am ag nouni aw sarweg. Ag keke mareksi am noh olagri aw dahmeweg. Ag qere seppeg ge, ag noh na'ri mardig am ag Tiwur Karannah bégur dalag, kérdi nug danah nou am danah keke marew kena sam éksi pi ansi qe ole nouni pi sare. ³⁶ Ag danah dilag olag duar, Memlag Tiwur o duak nie ole qe sillah."

Ag Leilgar Aw Keprarweg

³⁷ "Ag danahas dilag kowol nou aw kepréssi am nou arweg. Qere seweg ge, Tiwur ole asilag qere sérig. Ag danahas kowol nou asilag noh olagri aw anweg. Qere seweg ge, Tiwur ole asilag qere sérig. Ag danah os nouni sarweg ge, hipunin asilag kusuqqeg, Tiwur ole asilag hipunin kusuqrig. ³⁸ Ag danah la qe keke mares am Tiwur geisah ag keke mardig. Geisah Tiwur keke yanew ambeko letewew mardig. Ag keke gane danah marsi qe sillah Tiwur ag ole mardig," eko anaran. ³⁹ Anko ge, Yesus né tonak os ole amlagwa anan. "Danah os ameg ga'ru nug ameg ga'ru lia omaldigri olele te? Kawa, geisah a olele tolweksa mo'wa nolas. ⁴⁰ Sulnir nug duak nusig duak morak danah nusig pi érde. Sulnir are nug duak morak danah nusig dowari duak kunum oko malako ge, duak morak danah nusig qe sillah bérig. ⁴¹ Areg na liap amegwa kinkak nagurnah de qeri aminna? Gam na amenwa ker masa na'ri de ge, pite dahmorna? ⁴² Na nagégé amenwa ker masa na'ri de ge pite penna am areg liap anorna, 'Lal, da na amenwa kinkak nagurnah de ge u'ril seiná.' Na darmak ga'ranwa ih Tiwur dimlamdak danah! Na tatam na nagégé amenwa ker masa na'ri ge oka, amen kena mew aminka

koutorka ge, na kinkak nagurnah liap amegwa de qe u'ripri olele."

Ker Am Mou Ole

⁴³ "Ker kena nug mou kena nie. Qe sillah ker nou nug mou nou nie. ⁴⁴ Danah ag ker mou tatam peksi ge, ker qe kena te, ker qe nou te ge ag dosi. Danah ag gu'raw mou darér qoum olewari pi usi. Am ag peipé mou ker nagurnah qoum olewari pi tuqsi. ⁴⁵ Danah kena nug dahmak kena ku'rum owa nie. Qeri nug kowol kena se. Qe sillah danah nou nug dahmak nou ku'rum owa nie. Qeri nug kowol nou se. Kérdi nug dahmak nou owa ambak nie qe, ko'rewa bew ane."

Lo Fuakri Kowol A'rit

⁴⁶ "Kérdi ag dasil 'Na'rinah, Na'rinah,' éksi ansi, gam ag da ko'el ospi dimlamursi? ⁴⁷ Danah os da gumirko doko, am da fal doko dimlamurdig ge, da kowol nusig qe mariwi ag dolag. ⁴⁸ Nug danah os lo fuan qe sillah. Tatam ge, nug mo' pesorko oko, wandor lagko kétum qeko koutorko ge lo fuan. Dimba le kue neko lo qe yepian, gam qiakri olele kawa. Kérdi nug fuko koutoran. ⁴⁹ Am danah nug da fal doko pi dimlamde ge, nug danah os mo' oko, wandor diguwa kétum pi qak lo fuan qe sillah. Géri dimba lo qe le kue neko yepew ge, qiko neko ole kadurko nou meko koutoran," eko anaran.

7

Yesus Fan Kuriri Kekuak Nir Sew Pasaoran

¹ Sén Yesus nug danahas né gene marko malako ge, nug Kapernaum taunwa atan. ² Qewa ge, Romdi fan kuri danah nug kekuak nir os ole daré. Kuak nir qeri o na'ri nire ole qe wa're meko mousdigri malwak nian. ³ Fan kuri danah nug Yesus qewa dian né qe doko ge, nug Yuda dilag kuri danah me'arew ateg. Ateksi ge, Yesus amegwa anweg u'riko kuak nir nusig qe sew wa're

pasaordigri anoreg. ⁴ Yesus dow a teksi gagragnah ere aneg, “Danah qe kenanah. Na kéhnurdipri olele-nah. ⁵ Nug ig Yuda isanig o niew binag mak lo isanig fuan.” ⁶ Géri Yesus ag ole ateksi, fan kuri danah qe loug mourak waneppeg ge, nug leigur os meřarew Yesusri né uksi ateksi ere aneg. “O nařinah, na aw kekuak naři sewen. Na da loul owa neripri olele kawa, keřdi da danah kenanah kawa. ⁷ Qeri da duina ge, da na gumirko wanakri olele kawa. Na qere denna am né ih anwe, dasil kekuak nir waře pasaorar. ⁸ Keřdi da ole danah wénih ole kekuak miře qe kallowa deina. Am da ole fan danah os da kallolwa dasi. Am da usih os amegwa anina, ‘Na eit,’ eko anwi ge, nug ate. Am da la amegwa anina, ‘Na doka,’ eko anwi ge, nug do. Am da dasil kekuak nir qe amegwa anina, ‘Na kekuak ene se,’ eko anwi ge, nug qe se.” ⁹ Sén Yesus né qe doko ge, danah qeri o meře mak peko wawtuřko ole o gamag asan. Asew ge, nug buliko danahas ameg naři dimlamdeg qe anaran, “Da ag anarina. Israel olagwa danah usih os o meře mak ere ole ospi pégin.” ¹⁰ Qe dimba, fan kuri danah leigur meřarew ateg ge, bulieksi louw uřiyeksi, kekuak nir qe iřil sew pasaoran peg.

Yesus As Qehřas Nag Os Mousew Buliko Qaqran

¹¹ Nagur dimba Yesus taun os wénih Nain qewa atan. Nug bégur am danahas ameg naři qe ole nug dimlamdeg. ¹² Nug atko taun ihřam naři qe mourak wanewew ge, danah mousak os mawessi dog. Danah mousak qe anig nug nag usih qe ih ole am nug as qehřas. Danahas ameg naři taun qewari asessi as qe ole ařié dog. ¹³ Nařinah nug as qe peko ge, o naři dow, nug as qe amegwa anan. “Na aw kuanwen.” ¹⁴ Qere anelle ge, unaka wanako danah mousak nian ole qarqar qewa eweg man. Eweg mew ge, danah qarqar maweg qe asessi

depppeg, Yesus anan. “Nir geir, da anirina, na as,” eko anan. ¹⁵ Anew ge, danah mousak qe buliko asko delle ge, digumeko né marian. Yesus nir qe parwew anig dow wanan. ¹⁶ Géri danahas kunum fařeksi nou méksi Tiwur binag meg. Ag aneg, “Profet naři os onigwa bé. Tiwur danah nusgur kehnardigri uřié,” éksi aneg. ¹⁷ Danahas Yesusri né qe Yudia wanwa am atu lala talilorak nie qe kunumba mariweg tualan.

Yesus Am Le Luarak Danah Yon Ole

¹⁸ Yon nug bégur ag keke kunum dueg am peg qe nug amegwa anweg, nug békuř ařit urwatan. ¹⁹ Nug Nařinah ere kořmorlasri anew ates. “Na enan te Tiwur uřiripri anan, kawa ig danah la te ameg ménig?” ²⁰ Sén danah ařit qe Yesus dow a teksa ge, amegwa anes. “Le Luarak danah Yon anew i na kořmirnitti gumdekrú uřiah. Nug ere ané, ‘Na enan te Tiwur uřiripri anan, kawa ig danah la te ameg ménig?’ ” eksi kořmores. ²¹ Sén qewa ih Yesus danahas kuřum waře digu digu ole sew pasaoreg am koulli nou danah feřlagwari kuřum geřaran. Am danah amlag gařu ole kuřum sew amlag kena mew bulieksi amneg. ²² Am danah ařit qe amlaswa anan, “Bulieksa ateksa Yon keke piap am duap ole qe amegwa anes. Amlag gařu ge bulieksi aminsi, félag mousak ge bulieksi weisi, lepra danah ge feřlag buliko pasaore, doulag itwak ge bulieksi né dosi, danah mousak ge bulieksi assi, am o duak danah ag Né Kena dossi. ²³ Am danah os o meře mak gagrag dewew da pi dimiřdig ge, Tiwur nug wittak murdig.” ²⁴ Danah ařit Yonri né oksa uřies ole qe mundeksa atwes ge, Yesus digumeko danahas amlagwa Yonri anaran. “Ag awen danah kawawa keřnah pelagri Yon gumdeksi ateg? Ag ulas qawer os ořwew ulle qe te pelagri ateg? ²⁵ Kawa ge, ag keř qewa pelagri ateg? Ag danah bala kena ole te

pelagri ateg? Kawa, danah bala kena kena mési am danah kehlak ole qe king lougwa dasi. ²⁶ Gam ag ke' pelagri ateg? Ag profet te pelagri ateg? Yo, da amlagwa anina. Nug profet la kunum é'arak. ²⁷ Danah Yon eneri ih Tiwurdi Né yakwa ane. 'Da dimba geisah me' danah dasil méwi atko na nom oko anuqko nasip ih bawardig.' ²⁸ Da ag amlagwa anina. Yon nug danah wanwa dasi qe kunum é'arak. Gam danah nug Tiwurdi Kingdomwa nagurnah de qe nug Yon é'radak," eko anaran. ²⁹ (Danahas kunum takis wak danah ole Yesusri né dueksi olag usihwa "Tiwur ge mangunah," éksi dahmeg. Kerdi ag atweg Yon le luaran. ³⁰ Gam Farisi am Mosesri Ró duak danah ole Tiwur ag ih ismaran qe dimoreg, kerdi ag Yon le luarak mineg.) ³¹ Yesus buliko anaran. "Da ke' né tonakwanah os danahas geiri ismardil? Kowol asilag ge aregnah? ³² Ag nir nounu sillah. Kaw gam-agwa dessi nir nounu la ur'waressi dasi sillah. 'Ig asilag dum dum yaltu ge, ag kasi sak minéw. Am ig ginanig kuktu irtu, gam ag kuanak minéw,' éksi ansi. ³³ Le Luarak danah Yon nug ur'iyam am nug ke wain ole ospi leré. Qeri ag aneg, 'Koulli nou nug féruwa de.' ³⁴ Danah Bega ur'iyam, nug ke wain ole lewew, ag ansi, 'Danah ene pes. Nug ke wain ole narinah lelle de. Nug takis wak danah am hipunin danah ole liam patak dasi,' éksi ansi. ³⁵ Gam danahas Tiwurdi duak usi ole kowol asilagwa ismigi ge, duak qe keke me'énah," eko anan.

Hipunin As Yesus Féq Go'énwa Wa'wuran

³⁶ Farisi os nug Yesus ole ke lelasri anew ge, Yesus Farisi qe lougwa atko ninaqirko dian. ³⁷ Hipunin as os taun qewa daré. Nug Yesus Farisi qe lougwa ke lelle dian né qe doko ge, nug go'én murdig kenanah ole siné ambak oko ur'iyam. ³⁸ Sén nug wanko Yesus dimugwa féq mourak kunnelle dewew ge, amri gogo'ko

noko Yesus féq lourew ge, kuri ur'ugwa ur'tian. Ur'tielle ge féq kis morko go'énwa féq wa'wuran. ³⁹ Farisi Yesus nug lougwa ur'iyam ole qe, kowol qe peko ge, owa ih anan. "Danah uni nug profetnah wen, nug as uni ke' as nugnéwa eweg me qe dolo am nug as qe hipunin as qe ole dolo." ⁴⁰ Géri Yesus nug danah qeri dahmak doko ge, amegwa anan, "Saimon, da né os ole na amenwa andildi." Anew ge, Saimon anan, "Aria, duak marak danah, né nasip ge an." ⁴¹ Yesus anan, "Danah arit os ateksa danah qarég ole qe dowan waneksa qarég os anwes matan. Danah os ge anew 10,000 kina moran am danah os ge anew 100 kina ih moran. ⁴² Danah arit qe qarég qe buliko morakri olele kawa, géri danah nugnéwa qarég os ole qe nugégé kug asilas qe duew doug katian. Qeri danah arit qe olaswa oun nug danah qe o kunum ole murdig?" ⁴³ Saimon anan, "Arté, danah qarég nar'i wan ole qe." Yesus amegwa anan, "Né noh nasip qe mangu." ⁴⁴ Am Yesus buliko as qe peko delle ge, Saimon amegwa anan. "Na as ene pena te? Da na lout owa ném, am na da fél isdilri le ospi miram. Gam as ene ge nug amriwa fél uhru oko am kuri ur'ugwa ur'tié. ⁴⁵ Na da kis ospi miram. Gam sén da owa ném am ur'iyew geisah e patak as ene da fél bulibuli kis moré. ⁴⁶ Na ig kounigwa da kurilwa oliw go'én nagur ospi wa'wuram, gam as ene go'én murdig olewa da fél wa'wuré. ⁴⁷ Qeri da na amenwa anina. Nug o narinah mire, qeri da hipunin nusig kurumnah kusqém. Gam danah os nug hipunin nagur se eko ane qe kusuqwi ge, nug o nagur ih mire." ⁴⁸ Qe dimba Yesus as qe amegwa anan, "Hipunin nasip kusqém." ⁴⁹ Danah nug ole ke lessi deg qe agégé nug ko'morew wane morew duak séssi aneg, "Danah ene ounnah qeri nug hipunin kusqé?" ⁵⁰ Yesus as qe amegwa anan, "Na

dasil ot meře mé qewa buliko wirém! Na aska ot kenawa ih eit," eko anan.

8

As Os Yesus Dimlamdessi Weiyeg

¹ Qe dimba nagur os dessi ge, Yesus taunwa am kappa ole weiyelle Tiwurdi Né Kena kusuko anan. "Tiwur danahas nusgur dilag king delle gumardigri sén uřiyé." Nug Béгур ¹² qe am as os ole aříé ateg. ² As qe tatam Yesus koulli nou feřlagwari geřaran am waře ole deppeg sew pasaoreg. Os ge wénih Maria taun Makdalari. Tatam Yesus koulli nou ⁷ qere féruwari geřaran. ³ Am Yoana, nug gému Kusa ge Herod loug qeri kuakri kuri danah. Susana am as la kuřum os ole ateg. As qe ag asilag kekewa Yesus béгур ole kehnareg.

Danah Ke Sařeg Tourakri Né Tonak

⁴ Danahas kuřumnah taun lalawari uřiyessi Yesus dowa qagleg. Qagulweg ge, Yesus né tonak os amlagwa anan. ⁵ "Danah os atko dara ke sařeg touran. Nug touřelle atewew ge, ke sařeg os ihwa tolweg. Tolwessi neweg ge danah tapareg am kunum é diareksi lareg. ⁶ Am ke sařeg os ge wan qarqar olewa tolweg. Tolweksi qařa beg, gam wan qe le ole kawa, géri ke qařa wagam kawa ole meřeg. ⁷ Am ke sařeg os ge meř qoum ole gamlagwa tolweg, géri aříé béksi meř qoum ole ke qařa tonarweg meřeg. ⁸ Gam ke sařeg os ge wan kenawa tolweg. Ag béksi mou kuřumnah nieg. Mou ge ¹⁰⁰ eřdak qere." Yesus qere anko ge uřuko anan, "Danah oun os doug né duakri ole dew pe, né ene doko koutorar." ⁹ Yesus nug béгур né tonak qe diguri kořmoreg. ¹⁰ Géri nug anan, "Tiwurdi Kingdomri duak qe algu lariak daré, gam gei nug sew ag duak lugmak qe dosi. Gam, danahas lala qe duak lugmak qe da né tonakwa anarina. Qeri Né yak qe mou béřig. 'Ag aminsi gam ospi

peweg. Am né qe dosi gam digu ge olag ospi mourew,' " eko anan.

Ke Sařegri Né Tonak Digu

¹¹ Yesus anaran, "Né tonak ene digu ge ere, ke sařeg ge Tiwurdi Né. ¹² Ke sařeg os ge ihwa tolasi, qe ge danah né dosi gam dimba nou memeg doko né qe olagwari o. Keřdi nug qere sew ag olag meře pi mew ge, hipunin asilag noh ospi éřurweg. ¹³ Am ke sařeg os wan qarqar olewa tolweg ge, danah né qe dueksi uksi olag gamag ase. Gam ag ke qařa diři wan kunuk pi no sillah. Qeri ag olag meře mak sén kutuk ih de, gam qepiak uřiyewew ge, ag tolasi. ¹⁴ Am ke sařeg os meř qoum ole gamlagwa tolasi qe sillah ge, danah né dossi gam ag sén kuřum asilag kug kowol kowolri dahmési, ag wan ewa keřlag ole am o gamag asakwa dalagri, dahmak qe Tiwurdi Né tone. Qeri ag olag meře mak mou ole kawa. ¹⁵ Am ke sařeg wan kirag olewa tolwe qe sillah ge, danah olag kena am dahmak mangu ole Tiwurdi Né dueksi gagrag ořwessi, am ag olag meře mak gagrag dewew mou kuřum nisi."

Lam Wa Kallowa Pi Tonsi

¹⁶ Yesus buliko né marian. "Danah os lam kamutko wawa pi tone am qařqař kallowa pi me. Kawa, nug karan eisew nie. Qeri danah lo owa nuksi ge, sarmer qe pelag. ¹⁷ Keř keř lugmak dasi ge, dimba Tiwur ambo méřig. Am keř keř tonak ge, dimba qe ole ambo mew dolag. ¹⁸ Qeri dosi koutores. Danah are nug né doko ořwe ge, Tiwur sew nug o mourew geisah naři qere murdig. Gam danah are nug né pi duelle 'da duina,' eko ane ge, nug nagur os due qe Tiwur buliko kařurdig," eko anan.

Yesus Anig Am Kamgur Ole

¹⁹ Sén qewa Yesus anig am kamgur ole pelagri uřiyeg. Gam danah kuřumnah qagleg, qeri ag nug gumdeksi unaka wanakri olele kawa. ²⁰ Danah os Yesus anoran,

“Na anin am kampar ole peirlagri dimdim ewa aséw dasi.”²¹ Yesus buliko anaran, “Da anil am kamlar ge danahas Tiwurdi Né dueksi am dimlamursi ole qe,” eko anan.

Yesus Ulas Naři Anew Toran

²² Deř os Yesus bégur dilag anan. “Doweg, ig le koře kawa séku leis uwa atet.” Qere anew ge, kuh oswa olessi téksi ateg.²³ Kuhwa atessi ge, Yesus usameg new nian. Niewew ge, ulas gagrag le koře kawawa bew, le koř koř naři qeko kuhwa noko ambew kug naři owa deg.²⁴ Yesus bégur gumdessi wanessi qağressi aneg. “Danah naři, Danah naři, ig torinigri sétu.” Géri Yesus asko ulas kořkoř uhři naři ole gařa matew tores. Torwes ge, le ameg mousko nian.²⁵ Yesus bégur dilag anan, “O meře mak asilag arewa de?” Gam ag fařessi dahmak kuřum uksi agéagé aneg. “Danah ene oun? Nug ulas le ole gagrag anatew, né nusig dimlamdap,” éksi aneg.

Yesus Koulli Nou Danah Os Féruwari Gerđan

²⁶ Yesus bégur ole kuhwa ateksi Gerasa waneg. Atu qe Galili le koře kawa nie qe séku leis de.²⁷ Yesus kuh minko pitiyewew, danah os féruwa koulli nou ole taun os owari nug Yesus gumurko duan. Sén welah nug lamén ospi tagré am louw ospi daré, nug matmatwa ih nire.²⁸⁻²⁹ Sén kuřum koulli nou danah qe pi pařwurdé. Danah kuřum nusig sansan amneksi koutordéw, am nug sen darér olewa qağdédw. Gam nug sen darér ole qe tatřardé. Koulli nou souorew awen danah kawawa atté. Danah qe Yesus peko ge, qalko urwelle unaka féğwa wanwa qere tolwan. Tolwew peko ge, Yesus koulli nou danah qe pařwurdigri gagrag anoran. Qeri nug fag gogwa uruko anan, “Yesus, na Tiwur Karannah Bega. Na keřdi dagrowa uriyam? Da gurak aw mirwen.”³⁰ Yesus kořmoran, “Na wénim oun?” Eko anew am nug anan, “Ameg naři.” Keřdi koulli nou

kuřum nug féruwa nog.³¹ Koulli nou qe qağleksi urweksi Yesus bulibuli kořmoreg. “Na ig aw geřigwe moř aminweg atko kutuk mewa nuhut.”³² Fo kuřum qouku nagur os qewa ke lessi deg. Qeri koulli nou qe ag Yesus dowa qağleksi urwessi aneg. “Na ig minigwe fo uni feřlagwa wanet.”³³ Am Yesus anew koulli nou ag danah qe mundeksi fo feřlagwa waneg. Fo qe gueksi waneksi béwa tolweksi le koře kawa qewa nuksi le léksi mouseg.³⁴ Fo gumarak danah ag kowol qe peksi kum atessi taunwa am kaw lalawa ole mariweg tualan.³⁵ Géri danahas ag keř ban qe pelagri taun pařweksi ateg. Ateksi Yesus dowa waneksi ge, danah koulli nou pařwureksi ateg qe, dahmak qaorew am lamén tako Yesus nohwa ninapiřko dewew pessi fařeg.³⁶ Danah os keke qe amlagwa peg ole ge, ag danahas la danah koulli nou ole dewew Yesus areg sew kena man qeri mariweg dueg.³⁷ Géri danahas kunum Gerasa atu qewari Yesus minarko attigri sinanah anoreg. Keřdi ag olag nouninah fařan. Géri Yesus buliko attigri kuhwa olko tan.³⁸ Danah koulli nou pařwureg ole qe Yesus nuqurko anan, “Da na ole atnit,” eko anan. Gam Yesus anew buliko atewew ge anoran.³⁹ “Na bulika kawanwa atka, Tiwur keke kunum nasip san qe mariwe dues.” Géri danah qe taun kunumba atko danahas amlagwa Yesus keke kunum san qe kusuko marian.

Yesus Nir Asin Mousak Qaqran Am Waře As Sew Pasaoran

⁴⁰ Yesus buliko le koře kawa séku leis atew ge, danahas kunum nug felqoreg. Keřdi ag kunum nug ameg méksi deg.⁴¹ Sén qewa danah os wénih Yairus nug Yesus gumurko wanan. Nug Yuda dilag binag mak lo osri kuri danah. Nug Yesus nohwa gatewa yako gagrag nuquran. “Na da ole loulwa atnit olele te?” eko kořmoran.⁴² Keřdi nug nir as usihnah ole am nug makař nusig

12 keke qere qe mousdig malwak nian. Géri Yesus wanko atewew ge, danahas ameg nañi duksi nug omorweg ateg. ⁴³ Am as usih os nug makañ 12 qere as dilag wañe qe ole daré. Am nug kéhu kunum dokta agop malwan. Gam danah ounté os sew wañe nusig ospi pasao-ran. ⁴⁴ As qe Yesus dimugwa doko, Yesusri lamén noh orwew ole wañe nusig usihri kawa man. ⁴⁵ Yesus koñman, “Oun da urwilé?” Eko anew, kunum aneg. “Ig kawa, ig kawa.” Éksi anweg Pita anan, “Danah nañi, danahas ameg nañi na omiressi qataoréw dasi.” ⁴⁶ Gam Yesus anan, “Ounte da urwilé. Keñdi da gagragsak dasil os pañwilko atew dahmorém.” ⁴⁷ As qe duan ge, nug lugumdigri olele kawa. Géri nug sahréle Yesus nohwa doko wanwa duk noko, danahas kunum nolagwa nug keñdi Yesus dowa eweg man qe kopatko amegwa anan. “Wañe dasil ge usihri sew pasaoré.” ⁴⁸ Yesus as qe anoran, “Nir dasil, na dasil ot meñe mé qewa na férun sew kena mé. Na aska ot kena ih dewew eit.” ⁴⁹ Yesus né marielle dewew, Yuda dilag binag mak lori kuri danah Yairus qe lougwari meñ danah os uríyan. Uríko ge, Yairus anoran, “Na añen ge íñil mousé. Na duak marak danah aw kug morwen.” ⁵⁰ Gam sén Yesus qe doko ge, Yairus amegwa anan, “Na aw fañwen. Na dasil ot meñe mew, geisah añen séwi kena mérig.” ⁵¹ Yesus nug Yairus lougwa atko ge, nug danah la os minarew nug ole lo owa pi nog. Gam Yesus nug, Pita, Yon, Yems, am nir as qe memeg anig ole ag ih owa nog. ⁵² Danahas kunum nir as qeri masiepeg ge, Yesus amlagwa anan. “Ag aw masiweg. Nir qe pi mousé, nug usnie,” eko anan. ⁵³ Anew ge, ag dueg nir qe íñil mousan, qeri ag nug imdeg. ⁵⁴ Gam Yesus lo owa noko nir qe ewegwa oráko qalko anan, “Nir dasil, na as.” ⁵⁵ Anko malwew,

nir qeri koulli buliko féruwa uríyew foumak oko usihri asan. Yesus amlagwa anan, “Ag ke os morweg lar.” ⁵⁶ Nir qe memeg anig ole dorlas new ole fañes. Gam Yesus gagrag anatan. “A ounté os aw keke eneri amegwa anwes,” eko anan.

9

Yesus Bégur 12 Qe Kekuak Maran

¹ Yesus Bégur 12 qe urwarew dog. Doweg ge, nug koulli nou kunum geñarlagri am wañe kowol kowol ole kusqarlagri gagragsak am kuakri wittak ole maran. ² Am nug Né Kena “Tiwur king delle danahas nusgur gumardigri” qe kusulagri am wañe danah seweg pasaorlagri ole anew ateg. ³ Yesus amlagwa anan, “Ag weiyakri sénwa kité os aw oweg. Ag durqak sokét, baram, ke, qarég am siot añit os aw oweg. ⁴ Ag lo arewa diarweg nuksi pe, ag qewa ih dessi ole taun qe mineksi ates. ⁵ Gam danahas ag fel pi qaressi diareksi loulagwa pi atweg pe, ag taun qe mineksi atessi ge félagwari usuñ qeqlessi ates. Ag kowol qe peksi ge, kowol nou asilag qe olag mourdig.” ⁶ Géri Yesus Bégur ateksi kaw kunumba weiyessi, Né Kena kuswessi am wañe danah atu kunumbari seweg pasaoñeg.

Herod Yesusri Katat Qan

⁷ Herod Antipas nug Galili dilag king. Nug Yesus Bégur ole kuak seg qeri né doko katat qan. Keñdi danah os ge aneg, “Le Luarak danah Yon buliko siran.” ⁸ Am os ge aneg, “Elaisa gumarko duan.” Am la os aneg, “Profet* os algunah mousan qe buliko siran.” ⁹ Géri Herod anan, “Da anwi Yon fag íñil kotreg. Gam danah qe ounnah nusig kuak am kowol ole mariweg duina?” eko anan. Géri nug Yesus perigri dahman.

Yesus 5,000 Danah Ke Maran

* **9:8** 9:8 Tiwurdi né oko mariak danah † **9:10** 9:10 Danah os Yesus nugégé toqarko anew kekuak nusig séksi ateg ole qe. Aposel ge Yesusri meñ danah.

10 Yesusri aposel† bulieksi ufiyeksi keke kunum seg qeri nug amegwa marieg. Qe dimba ge, nug omlarew, danah la minareksi ag agé kaw os wénih Betsaida qewa ateg. 11 Gam danahas dueksi ge, nug dimlamdeksi ateg. Ag nugnéwa atweg ge, nug felqarelle Tiwur king delle danahas nusgur gumardigri né qe kuswew dueg. Am danah os waře ole qe sew pasaořeg. 12 Kem noko tueh manew ge, Béгур 12 qe duksi Yesus amegwa aneg. “Na danahas anwe atares. Ag kaw naři am kaw nounu unaka dassi qewa ateksi niak awen am ke lakri os ole maries. Awen ig datu ole ene ge danah kawa,” éksi aneg. 13 Anweg ge, Yesus buliko anaran, “Ag agégé ke mares.” Gam Béгур 12 qe aneg, “Ig ke kuřum ole kawa, beret tanig ole am kaké ařit ole ih de. Ig atektu danahas ene kunum dilag ke daren te méktu marnig?” 14 (5,000 danah keke qere qewa deg.) Yesus nug béгур amlagwa anan, “Ag danahas amlagwa anweg, qaglak ameg 50, 50 qere qagleksi des.” 15 Yesus nug anan sillah, béгур né nusig dimlamdeksi anweg danahas kunum ninapiřessi deg. 16 Yesus beret tanig ole am kaké ařit qe ole oko saw karan amnelle kena sam elle keru unuqoran. Malako ge, temelle béгур danahas agop panilagri maran. 17 Géři danahas kunum ke léksi olag orwew ge, ke big big minareg qe Yesus Béгур diareksi kaleg 12 qere yanareg.

Pita Né Kopatko Yesus Ge Kristus Eko Anan

18 Deř os Yesus béгур ole dessi am nug nugé kepařko unuqorewew, am béгур gumdeksi doweg kořmaran. “Danahas dasil ge oun éksi ansi?” 19 Nug béгур aneg, “Os ge Le Luarak danah Yon éksi ansi. Am os ge Elaisa éksi anirsi. Am la os ge profet

† 9:20 9:20 Kristus ge Mesaia. Tiwur danahas nusgur buliko diardigri danah toqoran. § 9:23 9:23 Ker mawanak mouko dimlamdak digu ge, nugégé nusig sak am o mourak dimorko am kug mawelle Tiwur dimlamdakri kowol.

os algunah mousan qe buliko siran éksi ansi.” 20 Anweg ge, Yesus béгур kořmaran, “Gam ag ge dasil oun éksi ansi?” Pita anan, “Na Tiwurdi Kristus†, Tiwur danahas nusgur bulika diardipri toqiran.” 21 Géři né qe danah os amegwa anwegri Yesus béгур gun qaran.

Yesus Mousko Am Buliko Asdigri Anan

22 Am Yesus amlagwa anan, “Meřenah, danah Bega geisah gurak kuřum morlag. Kuri danah am pris dilag anqak danah ole am Mosesri Ro duak danah ole geisah nug dimoreksi, am qeweg mousdig. Gam deř kiamba ge buliko sirdig.” 23 Anko ge, buliko danahas kunum anaran, “Danah os da dimlamirđigri dew ge, nug nugégé nusig sak am o mourak ole qe dimorko, am ker mawanak nusig deř dorog mouko ge da dimlamřar. § 24 Danah os nug nugégé nusig sak am o mourak ole dimlamurko ge, nug foumak ospi ow. Gam danah os nug da dimlamřelle mousko ge, foumak oko sansan darig. 25 Am danah nug wan kénih ole delle mousew ge, keke qe ospinah kéhnurweg. 26 Am danah os dasil am né dasildi ura new pe, sén Danah Bega nug nusig kamsahlak gun olewa am Memegriwa am Tiwurdi doup gun dilagwa uririg ge, danah qeri ura nérig. 27 Da ag amlagwa meřenah anina. Danah os ewa aséw dasi ge, geisah ag pi mousak, Tiwur king delle danahas nusgur gumarewew pelag,” eko anan.

Yesusri Kamsahlak Gun Ole Béгур Peg

28 Yesus né qe anko malwew, deř 8 keke qere atew ge, nug unuqurdigri Pita, Yon am Yems ole diarew qoukuwa teg. 29 Nug unuqorelle dewew ge, nug kitru ge buliko sonřewew am nug féru bala

qe ole ampír sillah sonrán. ³⁰ Usihri danah arít Moses Elaisa ole kamsahlak gun olewa dowes nug ole né marieg. ³¹ Yesus nug wagam kawa Tiwurdi Né dimlamurko olele morko Yerusalem mousdigri danah arít qe ole marieg. ³² Pita leikuír arít qe ole amlag kug morew nilag seg. Gam sén amlag fou mew ge, danah arít qe am Yesus ole aseksi kamsahlak gun ole qe owa deppeg piareg. ³³ Danah arít qe Yesus mundeksa ateppees, Pita Yesus amegwa anan. “Danah naíri, ig ewa dalom ge kena. Ig laklak kiam os sénig, os nasip am os Mosesri, am os Elaisari.” (Pita nug o pi mourak né qe anan.) ³⁴ Nug né qe anewew ge, fur os doko tonarew owa dessi olag faíran. ³⁵ Tiwur fur owa anan, “Ene nir dasilnah. Da nug algu toqurin. Ag nug fag duessi dimlamdes.” ³⁶ Tiwur né qe anko malwew ge, ag Yesus nugé dewew peg. Am bégur ag sén qe keke peg qeri né ospi marieg, asilag dahmakwa ih dian.

Yesus Nir Os Koulli Nou Ole Sew Kena Man

³⁷ Deír qe dimba ge, Yesus am bégur kiam qe ole qoukuwari noppeg, danahas ameg naíri uríyeksi Yesus ihwa peg. ³⁸ Am danah os danahas ameg naíri qe olagwa uríwan, “Duak marak danah, na da nal ene peripri nuqrina. Da nir danah usihnah enan ih. ³⁹ Koulli nou os nir qe owa now ge, gelelle ole usihri atko kauírko kawqelle sihíru newew nie. Koulli nou qe nir ofer ospi paíwe, am féru sew nounah me. ⁴⁰ Da na begpar koulli nou ene geíurlagri nuqarin, gam ag sakri olele kawa.” ⁴¹ Géri Yesus anan, “Danahas geiri, ag olag meíre mak ole kawa am olag ge mangu kawa. Sén gane da ag ole dettu olag meíre mérigri amlag méril?” elle ge anan, “Nir nasip oka ere do,” eko anan. ⁴² Nir nag qe Yesus gumurko dowew ge, koulli nou qe touféw atko wanwa qeko kawqelle

nian. Géri Yesus koulli nou qe nir qe paíorigri gaíra morko geídan. Geírurko nir qe sew kena mew ge, buliko memeg moran. ⁴³ Géri danahas kunum Tiwurdi gagragsak qe peksi dorlag nan. Danahas qe Yesus keír keír kunum san qe peksi dorlag new seppeg, nug bégur anaran. ⁴⁴ “Né andil seiná, ene dossi koutores! Danah os Danah Bega kegeír ewlagwa mérig,” eko anan. ⁴⁵ Gam bégur ag né qe olag pi mouran. Tiwur sew né digu qe larian, qeri ag olag ospi mouran. Am ag Yesus né qeri koímorakri faíreg.

Oun Nug Naíri?

⁴⁶ Yesus bégur ag koíragwa ih oun nug naíri asilag qeri kareg. ⁴⁷ Yesus dahmak asilag qe doko ge, nir nag os oko doko nug dianwa man. ⁴⁸ Meko ge, nug amlagwa anan. “Oun os nug da wénilwa nir nag ene sillah oko dahmore ge, nug da dahmíre. Keírdi nug dasil o meíre me qeri qere se. Am oun nug da wíre ge, nug Tiwur da anew uríyin qe o. Géri oun ag kallolagwa de qe, nug naíri.” ⁴⁹ Yon anan, “Danah naíri, ig danah os na wénimba koulli nou geíarew pektu anurhut minan. Keírdi nug ig ole pi weitu.” ⁵⁰ Gam Yesus anaran, “Ag nug aw dagorweg. Oun nug ag kegeír pi mare ge, nug ag leilag,” eko anan.

Samaria Yesus Kawlagwa Nuakri Mineg

⁵¹ Yesus wan minko saw kappa attigri sén durmurew ge, Yesus o kunum morko ole Yerusalem attigri atan. ⁵² Am nug danah os meíarew anqeksi kaw os Samaria qewa keke dalagri am ke lelagri qe kunum bawarlagri ateg. ⁵³ Gam danah kaw qewari ag dueg ge nug Yerusalem attigri atan qeri Yesus uksi loulagwa atakri mineg. ⁵⁴ Yesus békuír Yems Yon ole, a né qe dueksa anes. “Nafinah, na ot niew pe, i kew saw karandi anhuír aírelle neko danah uni arárdig!” eksi anes. ⁵⁵ Gam Yesus buliko arít qe gaíra

matan. ⁵⁶ Qe dimba ge, Yesus bégur ole kaw lawa ateg.

Yesus Dimlamdakri Kowol

⁵⁷ Ag ihwa ateksi ge, danah os Yesusri anan, “Na arewa attip ge, da na dimlamirwi ole atnit.” ⁵⁸ Yesus danah qe kořewa oko anan, “Qé déguř ag wan ořewa nisi am é ag teřlag ole. Gam Danah Bega nug ge niakri lo ole kawa.” ⁵⁹ Nug danah la os amegwa anan, “Na doka da dimlamir,” eko anan. Gam danah qe anan, “Nařinah, na minwe tatam ge da atko mem mousan suhumko am dimlamirdil,” eko anan. ⁶⁰ Yesus danah qe amegwa anan, “Danah mousak qe minwe agé agé mousak leilgar qe suhmares. Gam na atka Tiwurdi Kingdomri* Né kusu.” ⁶¹ Am danah la os Yesusri anan, “Nařinah, da na dimlamirdil. Gam tatam na minwe da louw atwi ke séktu léktu ewlag ořako am na dimlamirdil.” ⁶² Gam Yesus danah qe anoran, “Danah palangis digumeko tořelle am sansan nug buliko dimugwa amne ole qe, nug Tiwurdi Kingdom owa kekuakri olele kawa,” eko anan.

10

Yesus 72 Danah Nusgur Kekuak Marew Ateg

¹ Dimba ge, Nařinah nug Bégur 12 qe am danah la os ole keprarko 72 danah qere anew awen are nug attigri ole qe kunumba ařit ařit nug noh uksi anqeksi ateg. ² Nug ere eko anaran, “Ke lep kuřum nie, gam ke lep qe tuřakri kuak danah kuřum kawa. Qeri ag dar memegri unuqorweg nug sew kekuak danah la os ateksi dar nusigwa ke lep tuřlag. ³ Ag ates! Da séwi ag sipsip nagur sillah qé déguř olagwa atsi. ⁴ Ag asilag qarég yanakri sogot am keke yanakri baram aw oweg, am félag gařa la os ole aw diarweg. Am ag ihagwa danahas piareksi ge, aw félag yeksi né marweg. ⁵ Ag danah os diarko lougwa now ge, ere tatam

anares, ‘Tiwur o maror ag ole dalag.’ ⁶ Am lo qe memeg o kenawa diarew pe, Tiwurdi kena sak lo qewa darig. Gam pi diarew pe, Tiwurdi kena sak lo qewa pi dew buliko agrowa durig. ⁷ Ag lo qewa ih deppeg keř marlag ge, lessi des. Keřdi kekuak danah nug kekuak nusig qe noh urig olele. Ag lo oswari am oswa aw weiweg. ⁸ Ag taun oswa noweg, felqareksi diareksi am keř ke bawresi marlag ge, ag les. ⁹ Ware danah os taun qewa dalag ge, ag seweg ware pasaorar. Am ag Tiwurdi Kingdom* agrowa uřiyé unaka de qe anweg dues. ¹⁰ Gam ag taun oswa noweg fel pi qarweg ge, taun qeri ihwa aseksi dessi anes. ¹¹ ‘Ig féniğwa usuř asilag taunwari de, qe ag pelagri qeqalhut ne. Gam ag dahméksi koutores: Tiwur danahas nusgur dilag king delle gumardigri sén unaka de.’ ¹² Da ag amlagwa anina, Tiwurdi uhřibak deřwa geisah Tiwur Sodom kaw kug moran qe eřdak ag kug naři pelag. ¹³ Korasin am Betsaida ole ag olag duak! Ag geisah kug naři pelag. Keřdi da mirakel os agnéwa sein qe Tair Saidon ole selem ben, ag algu olag bulilo. Ag asilag hipunin qeri nouni dueksi neko aqarew am usuř luessi dessi olag bulilo. ¹⁴ Gam Tiwurdi uhřibak deřwa Tair Saidon ole kug olas qe eřdak ge ag olag. ¹⁵ Am Kapernaum, ag te os Tiwur ag binlag karan sumdig? Kawa. Ag ole Tiwur touřarew nuksi paral melag,” eko anan. ¹⁶ Am Yesus buliko anaran, “Oun os nug asilag né dorig ge, nug dasil né due. Am oun os nug ag dimardig ge, nug da dimire. Gam danah da dimire ge, nug Tiwur anew da uřiyin qe dimore,” eko anan.

72 Keuak Danah Bulieksi Uřiyeg

¹⁷ 72 danah qe bulieksi uřiyeksi olag gamag asakwa aneg. “Nařinah, ig na wénimba anektu, koulli nou geřarhut né dueksi ateg.” ¹⁸ Géri

* **9:60** 9:60 Tiwur danahas nusgur dilag king delle gumare. * **10:9** 10:9 Tiwur danahas nusgur dilag king delle gumare.

Yesus kořlagwa oko anaran, “Da Satan saw karandi ampiř sillah usihri tolwewew pégin. ¹⁹ Ag dues. Da ag mat am kappiép ole qarlagwa tapeksi ořollarlagri gagragsak marin. Am kegeř asilagri gagragsak kunum qe seweg kéwsi kawa mérigri gagragsak marin. Qeri ag kité ospi sarew nou meweg. ²⁰ Gam koulli nou ag kořlag dimlamdeg qeri ag aw olag gamag asew. Ag Tiwur saw kappa iril wenlag yan qeri olag gamag asar.” ²¹ Sén qewa Koulli Gun nug sew Yesus o gamag asew anan, “Mem, na wan saw oleri Nařinah. Da binam sumina. Keřdi na keke ene duak danah dowegri sewe larian, gam danah nir nounu sillah ge ismaren. Meřenah, Mem na ere séripri ot nian ole qe sen. ²² Mem gagragsak am keke kunum ole da ewelwa man. Tiwur Bega ge oun qe ounté ospi due, gam Mem ih due. Am Mem ge oun qe ounté ospi due, gam Bega ge due. Am danah are da keprarko ismarin qe ag ole Mem dossi.” ²³ Géři Yesus buliko bégur ih dolagri anan, “Danah keke ag pesi ole qe pesi, qe ag olag gamag asdig. ²⁴ Da ere anarina keřdi ge, algu profet am king kuřum ole keke ag gei pesi ole qe pelagri seg, gam ag pi peg. Am né ag gei dossi ole qe dolagri seg, gam ag ospi dueg,” eko anan.

Samaria Danah Kenari Né Tonak

²⁵ Deř os Řo duak danah os asko Yesus sew perigri seko kořmoran. “Duak marak danah, da areg seko ge foumak sansan diakri uril?” ²⁶ Géři Yesus kořewa oko anan, “Mosesri Řo yakwa keř eko ane? Na dona ge areg?” ²⁷ Géři danah qe anan, “Řo ane: Nařinah nasip Tiwurdi ot mousew, ot kunum ole, kitton ole, gagragsak nasip kunum ole am dahmak nasip kunum ole Tiwur mor. Am na nagégé nasip ot mouse qe sillah liapri ole qere ot mousar.” ²⁸ Géři Yesus danah qe kořewa oko

anan, “Na meře anam. Na qere seka ge, foumak owe Tiwur ole sansan dalas,” eko anan. ²⁹ Gam danah qe nug da mangu elle qeri Yesus kořmoran. “Am oun ge da lial?” eko kořmoran. ³⁰ Am Yesus amegwa anan, “Danah os Yerusalemri noko Yeriko atewew, yawsen danah ihwa ořweksi féřu balla nusig kunum urdeksi keke nusig kunum kařdeksi, mouraweg ameg tařiew niewew ateg. ³¹ Niewew ge, prist danah os ih qe dimlamurko noko nug danah qe peko ge, ih séku leis wanko nanřurko atan. ³² Qe sillah, Liwaiř danah os ole qere noko peko, nug ole ih leis wanko nanřurko atan. ³³ Gam Samaria danah os ih unari uriko danah qe nianwa doko qere peko ge, o duan. ³⁴ O dow ge, nug danah qe gumurko wanko isiwa gořen am wain ole gogřew now isi witan. Malako ge, danah qe sumew donki nusigwa tew oko řo lo oswa atko qewa meko guman. ³⁵ Kuagřew ge, qarég silwa ařit ipko řo lo gumak danah qe morko anan. ‘Na danah ene dahmoreppe da buliko uriko ge na qarég gane tourdip qe noh méřil,’ eko anan.” ³⁶ Am Yesus Řo duak danah qe kořmoran, “Danah kiam ene na dona ge danah are ge yawsen danah mourweg ole qe lia?” eko kořmoran. ³⁷ Kořmorew ge, nug kořewa oko anan, “Danah o dow kéhnuran ole qe.” Géři Yesus danah qe anoran, “Na ole atka qere ih se,” eko anoran.

Yesus Mata Maria Ole Piattig Atan

³⁸ Yesus bégur ole Yerusalem atlagri atessi kaw oswa waneg. Yesus kaw qewari as os wénih Mata qe lougwa atew, Mata felqoran. ³⁹ Nug mageg os wénih Maria, qe Nařinah fégwa delle né marian qe duelle dian. ⁴⁰ Gam Mata ge ke bawrakri sik nou qan. Géři nug doko Yesusri anan, “Nařinah, da magel

† 10:31 10:31 Tiwur am danahas ole gamlagwa Tiwurdi ofa mak danah ‡ 10:32 10:32 Pris kéhnurak danah am nug Liwai fuřuh

ene minřew kekuak dagé seina, qe na areg dona? Na anwe nug ole da kéhniřar,” eko anan. ⁴¹ Gam Nařinah anoran, “O Mata, na keke kuřumrinah ot sik qew ot nou me. ⁴² Gam keke usihri qe na kutuk. Qeri Maria nug keke kenanah kepařko se. Am ounté os nug keke kepré qe pi kařdew,” eko anoran.

11

Yesus Béğur Unuqorakri Ismaran

¹ Deř os Yesus awen oswa unuqoran. Sén nug unuqorko malwew ge, nug bega os anoran. “Nařinah, Le Luarak danah Yon béğur unuqorakri ismaran sillah, ig ole ismig.” ² Géri Yesus anaran, “Sén ag unuqoressi ge, ere anes: ‘Ig Mémnig, na wéhnim gun ole karan sumnig. Na uřika king denna danahas gumardip. ³ Na ig deř dorog ke mig. ⁴ Ig ole oun nouni sige qe kuspektu dohut dounig katie qe sillah, hipunin isanig kusuqka mig. Am ig aw pařwigwe qepiakwa tolahut.’ ” ⁵ Am Yesus béğur dilag anan. “Olagwa usih os tuřan tugamag lia lougwa atko qařurko kořmurdig. ‘Lal, beret kiam os miřdip olele te? ⁶ Keřdi da lial os weiko uřiko loulwa dué. Gam da ke nug morakri ole kawa.’ ⁷ Géri danah lo owa ge andig, ‘Na da aw kekuak miřwen. Ihřam iřil maném, am da nir dahlar ole niak awenwa nitu. Da asko keke mirakri olele kawa.’ ⁸ Da ag anarina. Nug lia qeri nug asko keke ospi morew. Gam nug pi fařak kořmurdig qeri nug asko keke qe murdig. ⁹ Qeri da ag amlagwa anina. Ag kořmeweg, Tiwur ag mardig. Mariweg ge, nug ismardig. Ag ihřam qouqou orweg, nug ihřam matuldig. ¹⁰ Qeri oun os Tiwur kořmurdig ge, nug urig. Oun os maririg ge, nug ismurew perig. Am oun os ihřam qouqou orew ge, nug ihřam matulko murdig. ¹¹ Oun os nug nir memeg ge, nir kaké murdigri kořmew ge, mat nou os murdig te? ¹² Am maru

owah murdigri kořmew ge, kappiéř os oko murdig te? ¹³ Qeri hipunin danah ag ole nir keke kena marlagri qe dueksi koutursi. Am Mem saw kappari danah are kořmési ge meřenah Koulli Gun mew uřirig,” eko anan.

Yesus Belsebul Ole

¹⁴ Deř os Yesus danah os koře kunum féruwa koulli nou qe sew koře kunum daré qe geřdan. Geřdew atew ge, danah qe né buliko mariew danahas peksi dorlag nan. ¹⁵ Gam olagwa danah os ge aneg, “Nug koulli nou dilag kuri Belsebulri* gagragsakwa koulli nou geřare.” ¹⁶ Am olagwa danah la os Yesus mirakel os sérigri kořmoreg. Keřdi ag nug meřenah Tiwur dowari te uřiyan qe pelagri kořmoreg. ¹⁷ Gam Yesus nug asilag dahmak qe doko ge, amlagwa anan. “Danah kaw usihwari ag kopatweg ařit patew fan selag ge, geisah kaw qe paral mérig. Am danah os ag ater usihwari ag kopatweg ařit patew fan selag ge, geisah ater qe kawa mérig. ¹⁸ Am Satan leigur ole kopatweg ařit patew fan selag ge, gagragsak nusig kawa mew ag paral melag. Ag ansi ge da Belsebulri gagragsakwa koulli nou geřarina, qeri da ere anina. ¹⁹ Da Belsebulri gagragsakwa koulli nou geřarwi pe, asilgar danah ge oundi gagragsakwa koulli nou geřarsi? Qeri asilgar danah ih qewa ismigsi ge ag darmési. ²⁰ Gam da meře Tiwurdi gagragsakwa koulli nou geřarwi pe, Tiwur danahas nusgur gamlagwa king delle gumardigri agrowa uřiyan.” ²¹ Am Yesus né tonak os anaran. “Danah os gagragsak ole nug fan sakri keke bawarko loug kařiah wite ge, keke nusig kunum kena dasi. ²² Gam danah gagragnah os beko fan seko éřurko ge, fan sakri keke kunum gagrağ qore qe urig. Am nug keke kunum urig qe danah la agop

* **11:15** 11:15 Koulli nouri kuri am nug nou memeg Satan

panirig. ²³ Oun nug da lial kawa ge, nug dasil keger. Oun nug da pi kéhniřew sipsip qaglarřu ge, nug sipsip lamarew pihřauri,” eko anaran.

Koulli Nou Buliko Uřiye

²⁴ Yesus anaran, “Sén koulli nou danah os féruwari géřurweg doko atko ge, atu meirakwa sik oko dari-gri awen mariko weiye. Am nug awen os pi peko ge, ane. ‘Da lo minko uřiye qewa buliko attil,’ eko ane. ²⁵ Géri nug buliko atko danah qe owa lo qe kinkak ekařko bawarko koutorak pe. ²⁶ Peko ge, nug atko am koulli nou la nug erđak nounah 7 qere diarew uřiye qewa dasi. Géri danah qe tatam dian qe éřurko ole nounah me,” eko anan. ²⁷ Yesus né qe anewew, as os danahas ameg naři qe olagwa uruko anoran, “As na mémnirko ouma mirelle begran ole qe nug o gamag ase.” ²⁸ Gam Yesus anan, “Danah areg Tiwurdi né dueksi dimlamursi ge, ag olag gamag asak nařiwa dalag,” eko anan.

Yesus Mirakel Sew Pelag Aneg

²⁹ Sén danahas kuřum qaglessi omorweg ge, Yesus anaran, “Danahas geiri ag olagwa sak nouninah ambak. Ag da mirakel séwi pelagri kořmési. Gam da mirakel usih ospi séwi peweg. Ag profet Yona féruwa kowol nian qe sillah ih pelag. ³⁰ Niniwe danahas kowol Yona dowa ban qe peksi ge, Tiwur nug mew atan qe ag dueg. Qe sillah danahas geiri ag ole Danah Bega qere peksi ge ag dolag. ³¹ Dimba Tiwurdi uhřibak derwa kenariwari kuin sirko danahas geiri ole aseksi dessi asilag sak nou qe ambo marko ismarew pelag. Keřdi kuin qe wan atko patakwari Solomonri duak kena qe dorigri uřiye. Gam ag olagwa danah os Solomon erđak ge ewa de, am ag nusig né duak minsi. ³² Sén Tiwurdi uhřibak derwa Niniwe danahas sireksi geiri danahas ole aseksi dessi geiri danahas dilag sak nou qe ambo melag.

Keřdi ag Yona né kuswew olag bulian. Gam gei ge danah os Yona erđak ge ewa de, am ag olag buliak minsi,” eko anaran.

Féřundi Kamsahlak

³³ Yesus anan, “Danah os lam kamutko pi lariew, am wawa pi tone. Kawa, nug karan eisew nie. Géri danah lo owa nuksi ge, lam aře qe pesi. ³⁴ Na amen ge na féřundi lam sillah. Na amen kena dew ge, féřun kunum ole kamsahlakwa darig. Gam na amen nou ge, féřun kunum ole gattuwa darig. ³⁵ Qeri kamsahlak otwa de qe gattu tonewri na dahmeka koutor. ³⁶ Qeri na féřun kunum kamsahlakwa darig am gattu nagur ospi féřunwa darig ole ge, féřun kunum kamsahlakwa darig. Lam ařko atko féřunwa kamsahle qe sillah,” eko anan.

Yesus Farisi Am Řo Duak Danah Ole Alaran

³⁷ Yesus né mariko malwew ge, Farisi os nug lougwa atew ke lelasri anoran. Géri Yesus nug lougwa atko ninaqirko dian. ³⁸ Farisi qe Yesus eweg tatam pi isak ke lew peko ge, nug dorog nan. ³⁹ Géri Nařinah anan, “Farisi, ag asilag kap am plet ole dimdim ih issi, gam ag olagwa ge ameg qak am kowol nounah ole ambak. ⁴⁰ Ag né tapewnak danah! Tiwur féřnig ih te kawian? Am onig owa ole pi te san? ⁴¹ Gam asilag kap am plet ole owa keř keř dassi qe o duak danah kehnaressi mares. Ag qere selag ge, Tiwur amegwa ag olag isak perig. ⁴² Gam Farisi ag dahmes! Ag kug os pelag. Keřdi ag danahas agop sak mangu ospi sési am Tiwurdi olag pi mouse. Ag qané, lumbu am darari kes kowol kowol ge watiweg ameg 10 qere new ameg usih qe Tiwur mursi. Gam ag qere séssi am ole Tiwurdi olag mousewew am danahas agop sak mangu ses. ⁴³ Farisi ag dahmes! Ag kug os pelag. Keřdi ag binag mak lowa danah wenlag ole dilag diak awen qewa ih dalagri séssi

am ag qaglak awenwa felqareppag ih weilagri olag nari de. ⁴⁴ Ag dahmes! Ag kug os pelag. Keŕdi ag matmat bala pi kehak qe sillah, danahas pi duak qarewa tapeksi weisi,” eko anaran. ⁴⁵ Ro duak danah os anan, “Duak marak danah, na Farisi dilag ne anna qe, na sewe ig ole urnig ne.” ⁴⁶ Qeri Yesus ne noh meko anan, “Ro duak danah, ag ole dahmes! Ag kug os pelag. Ag Ro kug ole danahas qarlagwa mesi, geri ag mawakri kug aqare. Gam ag mawakri kehnareksi ewlag ospi marsi. ⁴⁷ Ag dahmes! Ag kug os pelag. Keŕdi ag alalgar profet qe aqareg am ag profet dilag matmatwa bala kehareksi bawarsi. ⁴⁸ Kowol asilag qewa danah ismarsige, ag alalgar algu profet aqareg qe kowol kena seg essi ag matmatwa bala keharsi. ⁴⁹ Qeri Tiwurdi duak kena qewa nug iril anan, ‘Da profet† am aposel† ole anwi atlag. Ag os ge nuni sarlag am gurak marlag. Am la os ge ag aqarweg mouslag.’ ⁵⁰ Qeri kug algu wan digumakwa profet aqareppag uriyew gei patak qe noh danahas geiri ag olag. ⁵¹ Algu Abel qakwari uriyew pris Sakaraia ge Tiwurdi dor manko morakri qarew mourak am Tiwur Loug gamagwa ole qeg. Da mefe anarina. Kug qe kunum noh qe danahas geiri ag olag. ⁵² Ro duak danah, ag dahmes! Ag kug os pelag. Keŕdi ag danahas Tiwur dowegri dagareg. Am ag agege Tiwur duak mineksi ge danahas Tiwur dolagri seppeg ag dagareg,” eko anaran. ⁵³ Sen Yesus lo qe minko attig sew ge, Farisi am Ro duak danah ole uhrilag bew, keger moreksi digumeksi gurgur kormoreg. ⁵⁴ Ag Yesus ne nuni os anew dueksi oralagri karéordew.

12

† 11:49 11:49 Tiwurdi ne oko mariak danah anew kekuak nusig seksi ateg ole qe. Aposel ge ole kawlieksi palawa manweg titre.

Né Darmak Kowolri Dahmes

¹ Sen qewa ih danahas kurumnah 1,000 erdak ag Yesus pelagri qagleksi agege nug tapeksi seppeg, Yesus begur dilag tatam anan. “Ag Farisi danah dilag yis* qeri dahmeksi koutores. Yis qe darmak qarlagwa ih Tiwur dimlamdak kowol. Qe sillah aw seweg. ² Ag ker ker larieksi tonak nie ge Tiwur sew ambo melag. Am ker lariakwa sesi qe ole sew kunum pelag am dolag. ³ Qeri ker ag gattuwa lugmeksi age marilag ge, dimba kemunwa danahas kunum dolag. Am ker kutiptip kurugwa marisi ge, dimba tamniakwa mariew kunum dolag.”

Tiwur Ih Farðes

⁴ “Da leilar, ag anarina. Ag danah ferlag qelag seweg qeri aw fararweg. Keŕdi ag dimba kite la os pi seweg. ⁵ Gam da ag oun farurlagri qe anwi dolag. Ag Tiwur ih farðes. Nug ge koulli karwarew mouslagri am ole dimba tourarew kew pi qouse olewa nolagri gagragsak ole. Merenah, da buliko anarina, ag Tiwur ih farðes. ⁶ Ag dossi, danah ag e reis anig tanig ole qarég nagurnah usihwa irar mesi. Gam Tiwur nug reis anig usih ospi doug katie. ⁷ Am merenah Tiwur ag kurlag urug kunum ge gane qe nug due. Qeri ag aw farweg. Am nug asilag o nie ge, e nounou kurum dilag dahme qe erdak.”

Yesusri Aw Urilag New

⁸ “Da ag anarina. Oun os nug danahas amlagwa nug da dimlamferi andig ge, Danah Bega Da ole geisah Tiwurdi doup amlagwa nug danah dasil eko andil. ⁹ Gam ounte os danahas amlagwa nug da dimirfeg ge, da ole geisah Tiwurdi doup amlagwa nug danah dasil kawa eko andil. ¹⁰ Danah oun os pi duak Danah Begari nuni andig ge,

† 11:49 11:49 Danah os Yesus nugége toqarko Yesusri mer danah. * 12:1 12:1 Yis ge palawa

Tiwur hipunin nusig kusuqrig. Gam oun os nug duelle Koulli Gun oko qurdig ge, Tiwur hipunin nusig qe ospi kusqew. ¹¹ Ag da dimlamirsi qeri danah os ag orwareksi diareksi Yuda dilag binag mak lowa am kuri danah wagé wagé am danah kuakri wittak marak ole qe nolagwa atweg ge, ke' né am areg anlagri aw dahmak ku'rum oweg. ¹² Ke'rdi ag ke' éksi anlagri ge sén qewa Koulli Gun ag ismardig," eko anan.

Danah Kéhu Oleri Né Tonak

¹³ Danah usih os danahas ameg na'ri qe olagwa nug Yesus amegwa anan, "Duak marak danah, na da awal amegwa anwe nug keke i memnitdi ge wasa'ko dasil sillah qe mirar." ¹⁴ Gam Yesus né qe noh meko anan, "Lal, oun da asilas ken watiko mattildi keprak danah toqiran?" ¹⁵ Elle ge nug kunum amlagwa anan, "Ag dahméksi koutores! Ag keke kunumdi aw amlag qew. Danah kénih na'ri ole ge, kénih qe sew nug kena ospi dew." ¹⁶ Am Yesus nug né tonak usih os amlagwa anan, "Danah kéhu ole os dar seko ke kehew mou ku'rumnah nian. ¹⁷ Qewa ge, nug nugégé dahman, 'Da ke ene oko mew diakri awen olele kawa. Qeri da aregnah séril?' ¹⁸ Am nug anan, 'Da ere séril. Geisah da ke makri lo kunum lograrko am lo wagé wagé fuarko ge, ke kunum am keke dahlar kunum ole qewa mardil. ¹⁹ Am da dagégé dasil ere andil, da ke am keke la kunum qe maka' ku'rum urwildigri olele qaglin. Aria, da sam delle ke lelle am ke na'ri selle gamal asakwa daril.' ²⁰ Gam Tiwur nug amegwa anan, 'Na né tapewnak danah! Gei tuqan ewa na mousdip. Am keke kunum bawren de ene ge geisah oun memeg mérig?' ²¹ Géri danah keke ku'rumnah wan ewari nugé nusig qagle ole qe dowá qere bérig, gam Tiwur nohwa ge nug keke kawa," eko anan.

Wan Kénihri Dahmak Na'ri nah Aw Oweg

²² Yesus bégur dilag anan, "Qeri da ag amlagwa anina. Ag wan enewa fou diakri aw dahmak ku'rum oweg. Ag ke lessi fou dalagri am fe'lag balari ole dahmak ku'rum aw oweg. ²³ Ag fou dasi qe ke érdak am ag fe'lag qe fe'lagri bala qe érdak. ²⁴ Ag kalog dilag dahmes. Ag ke pi kéhsi am ke uksi qagleksi louw pi mési, gam Tiwur ke mare. Tiwur é dahmare qe érdak ge ag dahmare. ²⁵ Ounté os olagwa dahmak ku'rum ow fou darigri sén de' usih yako terigri olele té? ²⁶ Géri ag keke nagur usih os sakri olele kawa ge, ke'rdi ag dahmak ku'rumnah keke lari usi? ²⁷ Ag bala areg besi qe dahmores. Ag teret pi sési am lamén asilag pi sési. Gam da anarina. Bala qe asilag amnak ge king Solomon féru bala kenanah qe érdak. ²⁸ Gisgar nug gei de am ke'ew ih danah kotta'ko kewba tou'ew ardig. Gisgar sam qe Tiwur nug bala mare. Qeri Tiwur ag gumardig qe gisgar gumare érdak gumardig. Ag danahas olag me're mak kutuk ole! ²⁹ Qeri ag ke' ke am le ole lelagri aw dahmak ku'rum oweg. ³⁰ Wan ewa danah Tiwur pi dosi ole ag keke qeri marieksi sik aqare. Gam ag ge, Memlag Tiwur ag keke qeri olag nie qe nug iril doko malwe. ³¹ Qeri ag Tiwurdi Kingdom meweg anqew dimlamurweg ge, nug keke qe ole mardig."

Keke Kena Saw Kappari Qaglakri Kowol

³² "Ag da beglar ku'rum kawa, gam ag aw farweg. Ag Memlag Tiwur nug o gamag asakwa Kingdom nusig mardig. ³³ Ag keke asilgar daren marweg qarég uksi o duak danah mares. Qe ge saw kappa keke kena asilag qe qaglak darig. Am qarég yanakri sogot saw kappari ge o're ole kawa. Asilag keke kena qe ospi kawa mew qe darig, yawsen danah ospi yawsen oweg am diru' ospi seweg nou mew. ³⁴ Asilag keke kenanah arewa de qewa ih ag olag

am dahmak asilag kunum ole qewa darig,” eko anan.

Nařinah Uřirigra Bawrena Da

³⁵ Yesus anaran, “Ag lamen asilag kutuk mappieksi tageksi am lam kamutweg ařewew bawressi des. ³⁶ Ag kuak nir dilag danah naři danah as wakri mallenwa uřirigri ameg méksi dasi qe sillah bawressi des. Géři sén nug uřiko ihřam qouqou orew ge, usihri ihřam nusig matleksi morlag. ³⁷ Kekuak nir are ag danah naři asilag uřirigri bawreksi us aw niweg ameg méksi deppeg buliko uřiko piarew ge, ag olag gamag asdig. Da meře anarina. Nug nugégé lamén tagko sew ag daweg ke bawarko mardig. ³⁸ Nug tuřan tugamag té kuagařdigri maru gelleppég té uřiko kuak nir ameg méksi deppeg piarew ge, ag olag gamag asdig. ³⁹ Am ag né dasil ořwes: Lo memeg os yawsen danah nug lougwa uřirigri sén qe iřil dűewew ge, yawsen danah qe loug ospi logařko owa now. ⁴⁰ Qe sillah, ag ole sansan bawressi des. Keřdi ag Danah Bega da keř sénwa buliko uřiril qe ag pi dosi,” eko anan.

Kekuak Nir Kenari Né Tonak

⁴¹ Yesus né qe anko malwew ge, Pita kořmoran. “Nařinah, na ig amnigwa ih te né tonak ene marina, kawa danahas kunum ole amlagwa te marina?” ⁴² Nařinah kořewa oko anan, “Oun ge kekuak nir kena duak kena ole qe danah naři nusig nug toqorew kuak nir la qe gumarelle ke marak sénwa ke wasařko mardig? ⁴³ Dimba danah naři nusig qe buliko uřiko am kuak nir qe kekuak mangu ih sewew perig ge, kuak nir qe nug o gamag asdig. ⁴⁴ Meřenah anarina, danah naři qe geisah sew kuak nir qe keke nusgur kunum ole gumardig. ⁴⁵ Gam kuak nir os ere dahmelo, ‘Danah naři dasil ofer ospi buliko uřiyew,’ elle nug kuak nir am kuak as la qe digumeko mourwarko ke naři seko lelle am le gagrag qe leko gar qelo. ⁴⁶ Danah naři qe deř

kuak nir qe pi dahmurdig ole qewa am sén os nug pi dorigwa uřiko kuak nir qere peko ge, nug kotřew new danah olag meře pi me dalag awen qewa touřew nurig. ⁴⁷ Kuak nir nug danah naři nusig keřdi o nie qe duelle pi bawarko dimlamdew pe, danah naři nusig sew nouninah qelag. ⁴⁸ Gam kuak nir nug danah naři nusig keřdi o nie qe pi duelle nouni sew pe, danah naři nusig naři pi qew. Tiwur danah are ag naři mare ge, ag naři morlag. Am danahas are ag keke naři gumlagri mare ge, nug ag naři bulieksi morlagri kořmardig.”

Yesus Dimlamdakwa Danahas Watilag

⁴⁹ “Da wan ewa kew méřil uřiyin, am da ol se ge kew qe iřil digumeko ařan. ⁵⁰ Am da le lourak oswa nuril. Qeri da kug naři iwřewew atew sén qe durig. ⁵¹ Ag dahméři ge diak kena te darigri wan ewa uřiyin? Kawa. Da anarina, da danahas olagwa koptak béřigri uřiyin. ⁵² Gei digumak lo usihwa danahas tanig ole qe watieksi, kiam ge ařit dilas olag usih ospi dew am ařit ge kiam qe dilag olas usih ospi dew. ⁵³ Ag watieksi memeg nug nag ole olas usih ospi dew am nag nug memeg ole olas usih ospi dew. Anig ge ařeg ole olas usih ospi dew am ařeg nug anig ole olas usih ospi dew. Am anig nug aswa ole olas usih ospi dew am aswa nug anig ole olas usih ospi dew,” eko anan.

Sén Peksi Olag Mourar!

⁵⁴ Yesus danahas kuřum amlagwa anan, “Ag fur kem nuakwa qaglew peksi ge, ofer ole ansi. ‘Gu néřigri se.’ Am qe meře, gu ne. ⁵⁵ Am sén ag ulas kenariwa yalew ge, ag ansi. ‘Geisah kem gagařdig.’ Am qe meře kem gagra. ⁵⁶ Ag darmak gařlagwa ih Tiwur dimlamdak danah! Ag wanwa am saw karan sén kitřu peko anakri ge dosi koutursi. Gam keřdi ag gei sén ewa keř keř beko ate qe peksi digu olag ospi moure? ⁵⁷ Keřdi

ag agégé kowol mangu ih sakri ospi kepréksi dimlamursi? ⁵⁸ Na danah os na kitéri yago’ mirew pe, kugri né keprak lowa pi wanak ih umuwa né qe bawreksa olas usih melasri mena pe. Kawa ge, nug na keprak danah dowa wirko wanew ró danah ewlagwa meirew kalabuswa yanirlag. ⁵⁹ Da na anirina. Na kug noh qarég makri anak qe kunum mewe atew am nagurnah ospi meka malarip ge, na kalabuswari dimdim ospi downen,” eko anan.

13

Danah Os O Pi Bulirig Ge, Paral Mérig

¹ Danah os Yesus ole sén qewa dessi Yesus anoreg. Galili danah os dor’ manko Tiwur morak qe sepppeg, Pailot anew aqarweg mousweg karlag noko dor’ karag qe ole kawlian. ² Yesus anan, “Ag dosi ge, Galili danah mouseg ole qe hipunin asilag ge Galili danah la kunum dilag hipunin qe érdak nouninah, qeri te ag kug qe og? ³ Kawa! Da ag anarina, ag olag pi buliew pe, ag ole qere ih paral melag. ⁴ Am danah 18 qere Siloam lo welah na’ri karan uwa qiko aqarew mouseg qe, ag dosi ge, ag qe Yerusalem danahas la éfारेksi hipunin nouninah te seg? ⁵ Kawanah! Da anarina, ag olag buliar. Kawa ge, ag ole qere ih paral melag,” eko anan.

Gu’aw Mou Pi Nieri Né Tonak

⁶ Am Yesus né tonak ene amlagwa marian. “Danah os wain dar nusig owa gu’aw ker os kehew dian. Géri dimba ge, gu’aw qe mou niew perigri atan, gam mou usihnah ospi niew pian. ⁷ Géri nug dar gumak danah nusig qe anoran, ‘Da maka’ kiam qere gu’aw ene mou niew perildi sén ku’um ufirém, gam mou usih ospi niew pégin. Qeri na kowe qiar. Kerdi nug awen oko delle wan kirag pi malwew.’ ⁸ Gam dar gumak danah qe ko’ewa oko anan, ‘Danah na’ri, minwe maka’ usih la os ole

dew. Am da diguwa wan kapatko mol morelle am kinkak ole diguwa méril. ⁹ Maka’ os uwa mou niew pe, qe kena. Gam mou ospi niew pe, kuwi qirig,’” eko anan.

Yesus Sabatwa As Os Sew Wa’re Pasaoran

¹⁰ Sabat de’wa Yesus Yuda dilag binag mak lowa danahas Tiwurdi Néri duak maran. ¹¹ Am as os qewa dian ge koulli nou sew nug maka’ 18 qere gumi tupiak, géri nug gumi mangu morakri olele kawa daré. ¹² Sén Yesus as qe peko ge, urwurew dow anoran, “As, da wa’re nasip séwi pasaoré.” ¹³ Yesus qere anelle eweg as qe gumiwa mew, usihri asko mangu delle Tiwur binag suman. ¹⁴ Yesus Sabatwa as qe sew kena man, qeri kuri danah Yuda dilag binag mak lori qe Yesusri uhribew danahas dilag anan, “Ag kekuak de’ la qewa ge uriyeksi anweg wa’re asilag sew pasaorar, gam Sabat de’wa uriyeksi ge ag aw anweg wa’re asilag sew pasaorew,” eko anan. ¹⁵ Géri Na’rinah kuri danah qe anoran, “Ag darmak garlagwa ih Tiwur dimlamdak danah! Ag Sabat de’wa makau am donki ole asilgar le marlagri pi te kusqareksi diareksi atsi? ¹⁶ Qeri as Abraham fu’uh ene Satan wa’ewa dagorew maka’ 18 qere dian. Nug Sabatwa kusqak murdil ge nouni te?” ¹⁷ Sén Yesus qere anew ge, danah nug keger’ moreg qe ag urlag nan. Gam danahas ge nug kuak kunum kenanah san qeri olag gamag asan.

Mastet Égri Né Tonak

¹⁸ Géri Yesus anaran, “Tiwurdi Kingdom ge kité sillah? Da qe kité sillah eko andil? ¹⁹ Qe ker os wénih mastet ég sillah qe danah os oko dar nusigwa kehan. Ker qe beko na’ri mew ewegwa é ku’um uriyeksi sik uksi dasi,” eko anan. ²⁰ Am nug buliko anaran, “Da Tiwurdi Kingdom ge kité sillahnah eko andil? ²¹ Qe yis sillah. As os yis oko palawa na’riwa gogrew now kawlian. Yis qe sew

palawa titiírko naři me qe sillah," eko anan.

Ihram Nagurdi Né Tonak

²² Yesus Yerusalem attigri atelle taun am kaw eřaran ole qe danahas doulag patelle atan. ²³ Danah os kořmoran, "Nařinah, danah usih usih te foumak uksi sansan dalag?" Qere anew ge, Yesus anaran. ²⁴ "Ag ihram nagur qewa nolagri gagrag mes. Da anarina, danahas kuřum ihram qewa nolagri selag, gam ospi noweg. ²⁵ Sėn lo memeg asko ihram manew ge, ag dimdim aseksi dessi ihram qouqou oressi anlag, 'Danah naři, ihram matulwe ig ole not,' ėksi anlag. Gam nug kořlagwa oko andig, 'Da ag pi duarina am ag arewari uřiyėw.' ²⁶ Qere anew ge, ag anlag, 'Ig na ole ke am le ole let am na ig kawrigwa dounig paten ole qe,' ėksi anlag. ²⁷ Gam nug kořlagwa oko andig, 'Da ag pi duarina am ag arewari uřiyėw. Ag kunum kowol nou sak danah, ag uwa wanes! ²⁸ Sėn qewa ge Abraham, Aisak, Yakop am profet kunum saw kappa deppeg piarlag. Gam ag ge minarak dimdim dessi, qeri olag nou mew kuanessi ėlag garmessi dalag. ²⁹ Geisah danahas kem bakwari, kem nuakwari, kenariwari am nanettiwari am wan atu kunumbari ole uřiyeksi awen asilag uksi saw kappa mallen naři qewa dalag. ³⁰ Meřenah, danahas gei ag wenlag kawa dasi ge Tiwurdi Kingdom owa ag wenlag ole dalag. Am danahas gei ag wenlag ole dasi ge ag wenlag kawa dalag,' " eko anan.

Yesus Yerusalemri Kuanan

³¹ Sėn qewa ih Farisi os duksi Yesusri aneg, "Na awen ene minka awen oswa eit, keřdi king Herod Antipas na iwirdigri se." ³² Gėri nug kořlagwa oko anan, "Ag ateksi qe dėguř qe ere anores, 'Da gei keřew ole am atak ge danahas feřlagwa koulli nou geřardil am waře danah sėwi waře pasaorlag. Am sėn dasil uřiyew ge kekuak dasil malaril.'

³³ Areg darig ge da gei, keřew, am ėrul attil. Keřdi Tiwurdi profet ge Yerusalem ih aqarweg moussi!

³⁴ O Yerusalem, Yerusalem! Ag ih Tiwurdi profet agrowa uřiyeg ge, qar touřeg am aqarweg mouseg. Sėn kuřum da maru anig nagur sougwa qaglarko tonare qe sillah, nir asilgar qaglardil sein, gam ag mineg. ³⁵ Ag qere dues! Gei Tiwur ag minarko loulag dimurdig. Da ag amlagwa anina. Ag da bulieksi ospi peiřweg atew sėn uřiyew ag ere anlag, 'Ig Nařinah Tiwur wėnihwa Danah uřirig qe binag mėnig,' ėksi anlag," eko Yesus anan.

14

Yesus Sabat Deřwa Waře Danah Os Sew Kena Man

¹ Sabat deř oswa Yesus Farisi dilag naři os lougwa ke lakri atan. Atew ag nug kařeoreksi koutoreg. ² Qewa ge, nug nohwa aminko danah os waře feřu titřarak ole qe dewew pian. ³ Yesus Farisi am Řo duak danah ole kořmaran. "Sabatwa waře danah sew kena mak ge Řo dimlamdak te?" ⁴ Gam ag né kawa deg. Gėri Yesus danah qe ořako sew kena mew ge anorew atan. ⁵ Atewew ge, Yesus kořmaran, "Ag eneri olagwa usih os nag te kawa makau nusig te os Sabat deřwa moř ořewa tolako now pe, ag ofeř pi te beřuweg bew?" ⁶ Am ag né ospi aneg.

Mallen Memeg Am Řo Danah Ole Dilag Né

⁷ Sėn Yesus danah mallenwa ke lakri uřieg qe danah wenlag ole dilag awen qewa dalagri seweg peko ge, né tonak ene anaran. ⁸ "Sėn danah os ag nug wakri mallenwa atakri anew ateksi ge, ag danah wenlag ole dilag awen qewa aw daweg. Keřdi danah os wėnih naři ole na eřdak uřwurweg uřirig ge na pi dona. ⁹ Qere dew ge, mallen memeg a ařié uřwattig ole qe doko anirdig. 'Na danah ene

awen mor,' eko anew uran newew atka danah wenlag kawa dasiwa darip. ¹⁰ Gam sen na anew atka ge, awen danah wenlag kawa dasi gewa deppe, mallen memeg doko anirdig, 'Lal, na aska atka awen kena danah wenlag ole dasiwa da,' eko anirdig. Qe ge danah mallen gewa urilag ole leipar qe nolagwa na wanim sumdig. ¹¹ Danah oun os nug nugé gé wénih sumdig ge, Tiwur danah qe wénih qew nérig. Am danah oun os nug nugé gé wénih pi sumdig ge, Tiwur nug wénih karan sumdig." ¹² Géri Yesus mallen memeg qe amegwa anan, "Sén na ke naí os seka ge, na leipar, awnar kampar ole, nasipwari am leipar kehlag ole na mourirak dasi qe aw urwarwen. Na qere sérip ge, ag ke séksi noh méksi na urwirlag. ¹³ Gam na ke naí seka ge, o duak danah, danah ewlag félag nou ole am amlag garu ole qe urwarwe ates. ¹⁴ Qere sérip ge, ag noh makri olele kawa. Gam sen danahas mangunah ag Tiwur nohwa sirlag ge, Tiwur na noh mirko wittak mirdig," eko anan.

Mallen Naíri Né Tonak

¹⁵ Danah os ke lelle Yesusri né qe doko ge anan, "Danah os mallen naí Tiwurdi kingdom owa ke lérig ge, nug Tiwur wittak kena morew o gamag asdig." ¹⁶ Yesus né qe noh meko anan, "Danah os mallen naí orwelle danah kurum urwaran. ¹⁷ Sén keke kunum bawarko malako ge kekuak nir anew atko danah urwaran qe anaran, 'Keke kunum bawakra doweg atet,' eko anaran. ¹⁸ Danah urwaran ole qe kunum ole ag kekuak la ole, géri ospi atweg éksi aneg. Danah anqak qe anan, 'Da wan fou os daren mein, géri minwe da atko wan qe kitalko peril,' eko anan. ¹⁹ Os ge nug anan. 'Da tuménah makau 10 qere daren marin. Géri ag areg kekolag qe seweg peril qeri da ospi attil,' eko anan. ²⁰ Am la os ge anan, 'Da

tuménah as win, géri ospi attil,' eko anan. ²¹ Kekuak nir qe buliko atko lo memeg qe amegwa anan. Anew ge, lo memeg qe uhríbew kuak nir nusigri anan, 'Oférah atka taunwa ih naí am nounu olewa o duak danah, ewlag félag nou ole am amlag garu ole qe diarka urí,' eko anan. ²² Kekuak nir qe qere seko ge anan, 'Danah naí, na aniíam sillah sém, gam lo ospi ambé.' ²³ Géri mallen memeg kekuak nir nusigri anan. 'Na atka taun dimdim ih naíwa am nounuwa ole keigarwe uríweg da loul ambar. ²⁴ Da anarina, da danah tatam urwarwi mineg ole qe kunum mallen dasilwa ke nagurnah ospi leweg,' eko anan," Yesus qere anaran.

Yesus Dimlamdakri Kug

²⁵ Danahas ameg naí Yesus dimlamdepeg, nug buliko danahas qe anaran. ²⁶ "Oun os dagrowa durigri dew pe, nug dasil o naí mousar. Am nug memegri am anigri, wawri, nir nusgur dilag, awgur kamgur dilag, am kéwingur dilag am nugé gé nusig o naí niew pe, nug da begal diakri olele kawa. ²⁷ Am oun os nug nugé gé nusig ker mawanak ospi mouko am da pi dimlamiíko pe, nug da begal diakri olele kawa*. ²⁸ Am ag olagwa danah usih os lo welah am karan os furigri ge, nug dako qarég gane tourko lo fuko malarigri qe dahmeko peko am digumérig. ²⁹ Keírdi nug digumeko lo lagko am pi malarig ge, danah kunum lo qe peksi siwegkoleksi ere anlag. ³⁰ 'Danah ene lo digumeko fuan gam nug malwakri olele kawa,' éksi anorlag. ³¹ Am king os 10,000 fan danah ih ole nug king os 20,000 fan danah ole fan selasri ge, nug lia qe érudigri ge delle dahmeko koutorko peko digumeko fan sérig. ³² Nug olele kawa dew pe, king os qe lawar dewew danah os anarew keí ihwa olas usih melasri koímorlagri atlag. ³³ Am ih gewa, ag oun os nug

* **14:27** 14:27 Ker mawanak mouko dimlamdakri digu ge, nugé gé nusig sak am o mourak dimorko am kug mawelle Tiwur dimlamdakri kowol.

keŕ keŕ nusig qe kunum pi dimorko pe, nug da begal diakri olele kawa.”

Sol Mumda Kawa

³⁴ “Sol ge keke kena, gam nug mumda kawa mew ge, areg seweg am buliko mumda ole darig? Kawa.

³⁵ Sol mumda ole kawa qe nug ker os diguwa wanwa meko ker ke morakri kawa, nug kekuak ole kawa. Qeri sol qe tourweg ate. Oun os doug né duakri ole dew pe, né ene doko koutorar,” eko Yesus anaran.

15

Sipsip Lariakri Né Tonak

¹ Deŕ os takis wak danah am hipunin danahas ole qe ag Yesus né mariew dolagri úriyeksi qagleg.

² Gam Farisi am Mosesri Ró duak danah ole né né marieksi aneg, “Danah ene hipunin danah ole liam pateksi arié ke lési.” ³ Géri Yesus né tonak ene anaran. ⁴ “Ag olagwa danah os nug sipsip 100 qere ole darig am sipsip usih os lariew ge, nug areg sérig? Nug 99 qe minarew awen gisgar olewa deppeg am nug atko sipsip usih larie qe pi te mariko pew? ⁵ Am sén nug peko ge, o gamag asew sipsip qe sumko guqawa meko mouko louw ate. ⁶ Atko ge, nug leigur am nusigwari qe ole úrwarew úriyeksi qagulweg anare. ‘Ig onig gamag asar. Keŕdi da sipsip dasil usih larian qe peko buliko wém.’ ⁷ Da anarina. Kowol qewa ih, hipunin danah os o buliew ge, saw kappa ole olag gamag asak naŕinah nie am danah mangu 99 olag buliakri olele kawa qe dilag olag gamag ase qe érdak.”

Qarég Lariakri Né Tonak

⁸ “Qe sillah, as os qarég silwa* ¹⁰ qere ole am usih os lariew pe, nug areg sérig? Nug lam kamutko louw kinkak ekfelle yamorko mariko mariko peko urig. ⁹ Am sén nug peko oko ge, leigur am nusigwari qe ole úrwarew úriweg

anare. ‘Ag da ole onig gamag asar, keŕdi qarég silwa dasil larian qe peko buliko wém.’ ¹⁰ Da anarina. Kowol qewa ih, hipunin danah os o buliew ge, Tiwurdi doup qe ag ole olag gamag ase,” eko anan.

Nir Geir Memeg Munurko Atanri Né Tonak

¹¹ Yesus né ene buliko anaran, “Danah os békuŕ aŕit ole daré.

¹² Géri nag dimbari ge memegri anan, ‘Mem, na keke wasarŕka dasil sillah qe miŕ.’ Géri memeg keke kunum nakuŕ dilas wasarŕko matan.

¹³ Wagam ole kawa, nag dimbari qe keke nusig kunum qaglew daren meg. Meweg qarég oko órwele atu os una qewa atan. Atko qewa delle ge, nug o mourakwa ih nouwa qarég sew kawa man. ¹⁴ Kawa mew dimba ge, atu qewa laké naŕi nian. Niew ge, nug digumeko qagrakwa dian. ¹⁵ Géri nug atu qewari danah os dowa kekurigri atew ge, danah qe sew atko awen qewa fo nusig ke marelle gumardé. ¹⁶ Nug laké qew fo tounam gone mardé ole qe lérigri o naŕi daré, gam ounté kité ospi mordé. ¹⁷ Sén dahmak kena nugrowa úriyew ge, nug nugégé anan, ‘Da memri kekuak nir ge ag ke olele, gam da ge ewa lakéri mousdil sein. ¹⁸ Da mem dowa buliko atko andil, “Mem, da Tiwur nohwa am na nomba ole hipunin sein. ¹⁹ Da na nam eka aniŕdipri olele kawa, gam sewe da kekuak nir nasip de,”’ eko andil, eko anan. ²⁰ Géri nug asko buliko memeg dow a atan. Gam nug ih una úriyewew memeg peko nusig o dow guko atko qagru oŕako gamnurko kis moran. ²¹ Géri nag memegri anan, ‘Mem, da Tiwur nohwa am na nomb a ole hipunin sein. Da na nam diakri olele kawa.’ ²² Gam memeg kekuak nir nusgur dilag anan, ‘Ag ofer féru bala kenanah qe uksi méksi mores. Eweg doŕohwa ring oŕaweg now am fég gaŕa méksi mores. ²³ Am makau

* 15:8 15:8 Silwa qarég ene drakma. Qe deŕ usihri kekuak noh.

yu titrāknah qe qéksi ke naři seweg lettū onig gamag asar. ²⁴ Keřdi ig da nal ene mousko malwan qere dahmet, gam buliko uřiýé. Nug larian, gam buliko peko wém.' Géři ag olag gamag asakwa ke naři qe leg. ²⁵ Sén qe, nag digam nug dara dian. Nug uřiko lo mourko dolle ge, kasi seppēg uttulag duan. ²⁶ Géři nug kekuak nir os uřwurew wanew ge, kořmoran, 'Uni keř sessi sési?' ²⁷ Kekuak nir qe anan, 'Na kamap ge buliko uřiýé. Am na memen makau yu titrāknah qe qew ke naři sam. Keřdi nug nag larian qe gurak ospi wan kena ih buliko uřiyew o gamag asew sé,' eko anan. ²⁸ Gam awag ge uhřibew lo owa nuak minan. Géři memeg dindim wanko lo owa nurigri sinanah kořmoran. ²⁹ Gam nug memegri anan, 'Na pe! Da makař kuřum nasip kekuak sam sein am né nasip ospi tappi nan. Gam qeri na meme yu usih ospi miřwe da leilar ole ke nag ospi séktu let. ³⁰ Sén na nam ene qarég nasip naři oko atko o mourakwa ih nouwa am ihwari as feřlagwa sew kawa mew, am buliko louw uřiyew ge, na makau yu titrāknah qeka mořam,' eko anan. ³¹ Géři memeg anan, 'Da nal, na sansan da ole dařu. Am keke dasil kunum qe nasip. ³² Gam ig ke lettū onig gamag asé, keřdi na kamap ene mousan gam fouman. Nug larian gam buliko kappa uřiyew ge, ig buliektu piam,' eko anan," Yesus qere anaran.

16

Kekuak Gumak Danah Duak Kena Ole

¹ Yesus béğur anaran, "Sén os danah kéhu oleri kuak nir dilag anqak danah keke nusig kunum gumardé ole qe daré. Deř os danah os atko danah kéhu ole qe amegwa kekuak nir nusgur dilag anqak danah qe qarég nusig sew kawa meré qeri anoran. ² Géři nug uřwurew now kořmoran, 'Danah nasip marisi qe meře te? Keřdi na

kuak qewari malwirdil, na qarég areg gumen qe kunum ole yaka miř,' eko anan. ³ Géři kekuak gumak danah qe nugégé anan, 'Danah naři da gumře ge kuakwari géřildig, géři da aregnah séřil? Da dar kekuakri gagragsak ole kawa am da nuqak uřal ne. ⁴ Sén da kekuak ewari malwiřew ge, aregnah séwi danahas wiřweg loulagwa danigri ge da duina,' eko anan. ⁵ Géři nug né mew danah naři nusig qeri qarég noh makri danah qe usih usih uřiýeg. Anuqko uřiyan qe kořmoran, 'Na keke gane bulika noh meka danah naři dasil murdip?' ⁶ Danah qe né noh meko anan, 'Oliw gořen siné 100 qere.' Kuak gumak danah anoran, 'Na pepa bulika noh makri ene oka ofeř qere daka siné 50 ih qere ya,' eko anoran. ⁷ Qe dimba am danah os dow kořmoran, 'Am na ge keke gane noh méřip?' Danah qe kořmak noh meko anan, 'Reis bek 100 qere.' Kuak gumak danah anoran, 'Pepa bulika noh makri nasip enan da oka 80 bek ih qere ya.' ⁸ Qeri danah naři qe kekuak gumak danah kena kawa qeri 'Kena sam. Na duak kena ole,' eko anoran. Keřdi danah wan ewari ag keke gumarakri duak qe ag dosi koutursi, danah kamsahlak owari dilag duak qe eřarak. ⁹ Da amlagwa anina. Keke wan ewariwa ag leilgar kehnares, geisah keke qe ole diakri sén olele morew, Tiwur ag sumarew saw kappa awen ole dalag. ¹⁰ Oun os nug keke nagur pesorko gumdig ge, nug keke naři ole pesorko gumdig. Am oun os nug keke nagur nouni gumdig ge, nug keke naři qe ole nouni gumdig. ¹¹ Géři wan kéhu nouni gumarlag ge, oun nug saw kaw kéhu meřenah qe gumlagri mardig? ¹² Am ag danah osri keke nouni gumarlag ge, oun nug keke asilagnah qe mardig? Kawa. ¹³ Kekuak nir os danah naři ařit dilas sén usihwa kekuakri olele kawa. Nug os ge dimorelle am osri ih o nirig. Nug os ge dimlamdelle

am os ge mindig. Qe sillah ag Tiwur mériwanessi am keke wan ewari ole mériwanakri olele kawa,” eko anan. ¹⁴ Qere anew ge, Farisi qarégri olag níré ole qe dueksi Yesusri né siwkolessi aneg. ¹⁵ Né siwkolessi anweg ge, nug anaran. “Ag ansi, ‘Danah amlagwa ig mangunah,’ gam Tiwur ge ag olag pe am due. Danah ag ke’r kekeri olag na’ri nie ole ge, Tiwur amegwa keke qe nouninah.”

Yesus Né Ene Ole Marian

¹⁶ “Mosesri Ró am profet dilag né kusweppeg uriyew Yonwa patan. Qe dimba ge, Tiwurdi Kingdomri né kena qeri kusweppeg uriyé. Am danahas kunum qewa nolagri kekuak na’ri sési. ¹⁷ Wan saw ole ge kawa mérigri kug kawa, gam Tiwurdi Ró Yak ge nagurnah ospi kawa mew. ¹⁸ Danah oun os waw munurko am as la urig ge, nug dor dilag kowol qe sérig. Am danah os as gému mundak urig qe ole nug dor dilag kowol qe sérig,” eko anan.

Danah Kéhu Ole Am Lasarus Ole

¹⁹ Yesus né marielle am né ene ole anaran. “Danah os kéhu ole am nug féru bala kena kenanah meré. Nug dé’r dorog keke kunum olele daré. ²⁰ Nusig ka’r ih’ramba ge o duak danah os wénih Lasarus qe níré. Lasarus nug féru kunum isi olele morak. ²¹ Am nug danah kéhu ole qe loughwari ke le minak bíra os lelemba daré. Am o duak danah ge qé isi merweppeg daré. ²² Sén dow o duak danah Lasarus mousew, Tiwurdi doup maweksi ateksi awen kena Abraham dianwa Abraham wa’rutqorweg des. Danah kéhu ole qe ole mousew suhmeg. ²³ Nug kew pi qouse olewa gurak na’rinah olle delle amnew tew ge, Abraham unanah uwa pian. Lasarus ole wa’rutqorak dewew pian. ²⁴ Géri nug Abraham ur’wuran, ‘Mem Abraham, da nuqrina. Na dasil ot dow Lasarus anwe eweg gu’r noh lewa meko lémrul oug mérigri mar. Ke’rdi da kew ewa gurak na’rinah wina,’ eko anan. ²⁵ Gam Abraham

noh meko anan, ‘Nir dasil, na dahmor. Na wanwa keke kena ot nian ole qe kunum on, gam Lasarus ge keke nou qe diaran. Gam gei ge nug gamag asewew ewa de am na ge gurakwa dana. ²⁶ Am ole, ig gamnigwa kuha’r na’rinah nie, géri oun ewari agrowa wanakri olele kawa am qewari ole igrowa ewa mata’rko duakri olele kawa.’ ²⁷ Danah kéhu ole ge Abrahamri anan. ‘Da nuqrina, mem! Lasarus anwe da memel loughwa atar. ²⁸ Ke’rdi da awlar kamlar tanig ole ena dasi. Nug gagrag anarew da gurak duina awen enewa ag aw uriweg,’ eko anan. ²⁹ Abraham noh meko anan, ‘Mosesri Ró am profet dilag né yak nie, géri minwe ag qe dues.’ ³⁰ Géri nug anan, ‘Kawa, mem Abraham. Qe olele kawa. Danah os mousko am buliko asko atko amlagwa andig qe ih ge, ag dueksi olag bulirig.’ ³¹ Abraham nug anoran, ‘Ag Moses am profet ole dilag né dueksi pi dimlamurlag ge, danah mousko am sirko anarew qe ole ospi dueksi dimlamurweg,’ ” eko Yesus anan.

17

Yesus Hipuninri Anan

¹ Yesus bégur anaran, “Sak o kowol seweg danahas hipuninwa tolalagri qe urilag, gam danah qe sérig ole ge nug kug os perig. ² Danah qe sew nir nagur ene os hipunin sew pe, nug fagwa qar na’ri eiseksi tourweg iwba nurig olele-nah. ³ Qeri dahméksi koutores. Na liap nagrowa hipunin sew pe, ga’ra morwe buliko aw sew. Am nug o buliew kowol qe minko dimorew ge, hipunin noh nusig kusuqka dowe dout katiar. ⁴ Am nug dé’r usihwa nagrowa hipunin seko 7 qere patko am buliko sén 7 qere patak uriko ‘Kowol qe nouni sém,’ elle o buliew pe, hipunin nusig kusuqka dowe dout katiar,” eko anaran.

O Me’ré Mak

5 Aposel* Nařinah anoreg, “Na sewe ig nasip onig meře mak naři mar.” 6 Nug noh meko anaran, “Ag olag meře mak nagurnah kapis ég sillah darig ge, ag ker naři giřam eneri anlag, ‘Na siřka atka iwba diřin noka be,’ éksi anweg nug dimlamurko qere sérig.”

Kuak Nirdi Kowol

7 “Né os anwi dolag. Ag olagwa usih os nug kuak nir nusig wan kopattig am sipsip gumardig. Sén nug kuak awenwari uřiyew ge, danah naři nusig ‘Na ere daka ke le,’ eko anurdig te? 8 Kawa. Nug ere andig, ‘Na le loka bawarka ke dasil se. Na amel meka deppe da ke lewi tatam, am na ke le.’ 9 Kuak nir nusig né dimlamurko keke kunum sérig, qeri danah naři nusig ‘Kena sam,’ eko ospi anew. 10 Géri ag ole Tiwur keř sakri ane qe kunum séksi malweksi ge, ag anes, ‘Ig kuak nir nasip sam. Ig kekuak migak qe sam,’ éksi anes,” eko anaran.

Yesus Lepra Danah 10 Qere Sew Pasaoreg

11 Sén Yesus Yerusalem attigri atelle Samaria atu uřiko patak qe dimlamurko atan. 12 Nug atko kaw oswa nowew, danah 10 qere leprasi ole peksi unaka pi waneg lawar deg. 13 Dessi ge, ag uřweksi anoreg. “O danah naři, Yesus! Na isanig ot duar!” 14 Sén nug piarko ge anaran, “Ag ateksi feřlag pris† ismares.” Ag atessi ge, ihwa feřlag pasaorew peg. 15 Danah 10 qe kunum feřlagwa leprasi pasaorew peg. Gam danah usih os sén féřu pasaorew peko ge, fag nařiwa qalko Tiwur binag sumelle buliko uřiyen. 16 Nug atko Yesus nohwa ole féřwa gatewa yako duk noko “Kenanah sam,” eko anoran. Am nug ge Samaria danah. 17 Yesus kořman, “Danah 10 qere séwi feřlag pasaoré. Am danah 9 qere ge arewa

dasi? 18 Aregri uřiyak danah usih ene ih Tiwur binag méřigri buliko uřiyé?” 19 Qere anelle Samariarer qeri anan, “Aska eit, na ot meře mak gewa Tiwur féřun sew pasaoré,” eko anoran.

Danah Bega Buliko Uřiyewew Sén Areg Darig

20 Deř os Farisi danah Yesus kořmoreg. “Ganeh Tiwur king beko danahas nusgur gumardig?” Yesus noh meko anaran, “Tiwurdi Kingdom digumeko béřig ge ag amlagwa peppeg pi bew. 21 Danahas ‘Enan de,’ am ‘Unan de,’ éksi ospi anweg. Keřdi Tiwurdi Kingdom iřil uřiyen danahas gamlagwa de,” eko anan. 22 Yesus béřur dilag anan, “Sén qe uřirig qewa ag da Danah Bega deř usih os peiřlagri selag, gam ag ospi peiřweg. 23 Danah anarlag, ‘Mesaiat‡ nug unan de,’ am ‘Nug enan de,’ éksi anlag. Gam ag aw gueksi dimlamareksi atweg. 24 Keřdi Danah Bega da uřirildi deřwa saw karan ampiř oko atu kunum olele more qe sillah peksi ge dolag. 25 Gam tatam ge, da gurak naři uril am geiri danahas dimiřlag. 26 Nuari sénwa danahas kowol nou seréw qe sillah Danah Begari uřiyak sénwa ole qere ih selag. 27 Danahas ke leg, le leg, danahas nug oppeg atew atew ole Nua kuh nařinah qe owa nuan. Sén qewa gu naři neko le kue naři bew paral meg. 28 Qe sillah Lotri sénwa ole qere seréw. Danahas ke lessi, le lessi, keke darendi maressi, keke fou daren maressi, ke keharessi am lo fuaressi daréw. 29 Gam Lot Sodom minko atewew sén qewa ge, Tiwur sew kew am qar ařelle saw karandi gu sillah neko ařarew kunum ole paral meg. 30 Qe sillah danahas pi bawrak deppeg deř qewa Danah Bega kamsahlak gun olewa uřirig. 31 Deř qewa danah os loug dindim darig ge, lo owa keke

* 17:5 17:5 Danah os Yesus nugégé toqarko meř arew kekuak nusig séksi ateg ole qe. Aposel ge Yesusri meř danah. † 17:14 17:14 Tiwur am danahas ole gamlagwa Tiwurdi ofa mak danah ‡ 17:23 17:23 Tiwur danahas nusgur buliko diardigri danah toqoran.

nusgur diardigri pi now. Qe sillah danah os dara darig ge, lougwa keke diardigri buliko ospi atew. ³² Keř ihwa Lot waw paral man qe dahmores. ³³ Oun os nug nugégé kowol kunum nusig dimlamurko ge, foumak sansan diakri ospi ow. Gam oun os kowol kunum nusig dimorko da dimlamrelle mousdig ge foumak sansan diakri urig. ³⁴ Da anarina. Danah Bega uririg sén qewa danah arit os tuřan arié nieppes ge, os ge olle am os ge munurdig. ³⁵ As arit os arié ke sagřessa dalas ge, os ge olle am os ge munurdig.” ³⁶ (Danah arit os arié dar usihwa dalas ge, os ge olle am os ge munurdig.) ³⁷ Yesus né mariko malwew, ag kořmoreg. “Nařinah, qe arewanah bérig?” Nug kořmak noh meko anaran. “Awen arewa doř mousak os niewew ge, tum qewa řagulsi. Qe sillah, da lugmak ospi uríwin ag dueppég uriril,” eko anaran.

18

As Qehřas Am Né Kepřak Danah Ole Dilas Né Tonak

¹ Am Yesus nug Bégur 12 unuřorak pi minweg sansan unuřorlagri né tonak ene amlagwa anan. ² Nug anan, “Né kepřak danah os taun oswa daré. Nug Tiwur pi fařurdé am danah dilag ole pi dahmeré. ³ Am as qehřas os taun qewa daré. Nug bulibuli né kepřak danah qe dow a atko nuřurko andé. ‘Kegeř dasil nouni siřan. Qeri na da dimulwa daka né dasil kepař,’ eko anan. ⁴ Sén welah né kepřak danah qe kité ospi san, gam dimba nug nugégé anan. ‘Da Tiwur pi fařdina am danah dilag ole pi dahmeina. ⁵ Gam as ene bulibuli dagnéwa uriyew sériag iwře, géri né nusig kepařko mangu murdil. Keřdi nug sew da kéwsil kawa ospi mew!’ eko anan.” ⁶ Am Yesus anan, “Né kepřak danah mangu kawa nug keř eko anan qe dues. ⁷ Am Tiwur nug danahas nusgur kepřaran qe dilag

kug tuřan kémun ole unuřorakwa mursi ge, asilag seko pi te mangu morko mare? Nug qere duelle te darig? Kawa. ⁸ Da anarina. Nug oferdi mangu morko mardig. Gam sén Danah Bega da wan ewa buliko uriko ge, o meře mak danah os piardil te?” eko kořmaran.

Farisi Danah Am Takis Wak Danah Ole Dilas Né Tonak

⁹ Danah os ag dueg ge ag mangu essi am la kunum ge sam sillah duardéw qeri Yesus né tonak ene anaran. ¹⁰ “Danah arit os unuřorlasri Tiwur Lougwa ates. Os ge Farisi danah am os ge takis wak danah. ¹¹ Farisi danah qe asko lawař delle nug unuřoran. ‘Tiwur, da na kena sam eko anirina, keřdi da danah la kunum sillah kawa. Da yawsen danah kawa, sak nou sak danah kawa, danah la walgar diko weiyak danah kawa, am takis wak danah ene sillah kawa. ¹² Da kuha usihwa kurdako arit patina am keke kunum wina ge watiwi ameg 10 qere new ameg usih qe na mirina,’ elle unuřoran. ¹³ Gam takis wak danah ge lawař asko delle saw karan os ole pi amnan, gam eweg damkowa meko delle unuřoran, ‘Tiwur, da hipunin danah. Na dasil ot dow hipunin dasil kusuřka miř,’ eko anan. ¹⁴ Da anarina. Takis wak danah qe Tiwur hipunin nusig noh kusqew Tiwur nohwa danah mangu delle lougwa atan. Gam Farisi danah ge qere kawa. Keřdi oun due nug wénih ole ge, Tiwur sew nug wénih kawa darig. Am oun nug due nug wénih kawa ge, Tiwur sew nug wénih ole darig,” eko anan.

Yesus Nir Nounu Wittak Kena Maran

¹⁵ Danahas Yesus nir yu feřlagwa eweg meko wittak kena mardigri dieksi dog. Sén Yesus bégur ag pi-areksi ge, gařa mareg. ¹⁶ Gam Yesus nir nounu urwarew nugrowa doweg ge anan. “Nir nounu pařwarweg dagrowa dos. Ag aw dagarweg. Keřdi danahas nir nounu ene sillah

qe Tiwurdi Kingdom ge asilag. ¹⁷ Da meřenah anarina. Danahas are nir nounu ene sillah ag Tiwur kallowa pi dalag ge, ag Tiwurdi Kingdom owa ospi noweg,” eko anan.

Yuda Dilag Kuri Danah Kéhu Ole

¹⁸ Yuda dilag kuri danah os Yesus kořmoran, “Duak marak danah kena, da aregnah seko foumak sansan diakri uril?” ¹⁹ Yesus kořewa oko anan, “Na keřdi dasil kena eka anam? Ounté kena os kawa. Tiwur nug nugé ih kena. ²⁰ Na Tiwurdi Řo 10 dona: ‘Na watnah dewew as la ole aw weiwes, danah aw dug kowen, yawsen aw sewen, né dar aw mewen, am anin memen ole kallolaswa denna kořlas dimlamur,’” eko anoran. ²¹ Anew kuri danah qe anan, “Řo qe kunum ole da nir nagurwa delle dimlamurwi uřiyen,” eko anan. ²² Sén Yesus né qe doko ge anoran, “Na ih usih os tugren. Na kéhun kunum anwe daren meweg am qarég oka o duak danah marka ge, na saw kappari wittak kena qe urip. Qere seka ge, doka da dimlamir,” eko anan. ²³ Gam nug danah kéhu naři ole géri, sén Yesus qere anew doko ge neko qan. ²⁴ Géri Yesus danah qe neko qew peko anan, “Danah kéhu ole os keke nusig kunum minko Tiwurdi kingdomwa nurigri ge kug ole. ²⁵ Meřenah, doř naři wénih kamel ge keke titiyakri nil ořewa nurigri ge kug ole, gam danah kéhu ole ge Tiwurdi kingdomwa nurigri ge kug qe erđak.” ²⁶ Danahas né qe dueksi Yesus kořmoreg, “Am oun ge foumak sansan diakri urig olele?” ²⁷ Yesus kořmak noh meko anaran, “Keř os danah sakri olele kawa ge, Tiwur ge sérig olele,” eko anan. ²⁸ Anew Pita anoran, “Ig na dimlamir nigri keke isangar kunum minaret,” eko anan. ²⁹ Anew Yesus anaran, “Da meřenah anarina. Danah os nug Tiwurdi kingdomri seko loug minko, waw minko awgur kamgur minarko, anig memeg ole am nir nusgur minarko asdig ge, ³⁰ nug sén wan ewa dewew

saw kappari wittak kena kuřum tatam moran qe erđak murdig am keřew né foumak sansan diakri ole murdig,” eko anaran.

Yesus Mousko Am Asdigri Buliko Anan

³¹ Yesus Béгур 12 qe uřwarew wanweg agé dessi anaran, “Ig Yerusalem tehut ge, Danah Begari né profet yeg qe kunum mou bérig. ³² Danah ag Danah Bega uksi Yuda danahas kawa la qe ewlagwa melag. Meweg ag geisah nug siwegkolessi uksiuksi qoressi sunu qessi qisleksi am qeweg mousdig. ³³ Gam deř kiamba ge nug buliko asdig,” eko anan. ³⁴ Nug Béгур ag né qe kunum dueg, gam olag ospinah mouran. Né digu lugman, géri ag nug keř eko marian ge sam sillah dueg.

Yesus Danah Ameg Gařwak Ole Sew Kena Man

³⁵ Yesus Yeriko wandigri wanewew, danah os ameg gařu ole ih dougwa ninapiřko delle nuqran. ³⁶ Sén nug danahas ameg naři duksi erđeksi ateppeg uttulag doko kořman, “Areg sé?” ³⁷ Danah os anoreg, “Yesus Nasaretrer qe doko wane,” éksi anoreg. ³⁸ Anweg ge, nug uřuko anan, “Yesus, Dewit fuřuh, na dasil ot dow pe kéhniř!” eko anan. ³⁹ Danah anqeksi waneg qe gařa moreksi, “Na torka da,” éksi anoreg. Gam nug qalko uřwan, “Dewit fuřuh, na dasil ot duar!” eko anan. ⁴⁰ Yesus fég yako delle nuqak danah qe omalko nugrowa duakri anan. Unaka dow Yesus kořmoran. ⁴¹ “Na da keř sérildi ot nie?” eko anan. Anew danah ameg gařu ge anan, “Nařinah, da amindil ol nie,” eko anan. ⁴² Anew Yesus anoran, “Na amin. Na ot meře mak qewa Tiwur sew kena mam.” ⁴³ Usihri nug ameg koptew ole Tiwur binag melle Yesus dimlamdan. Sén danah kunum qe peksi ge, ag ole Tiwur binag meg.

19

Sakias Takis Wak Danah

1 Yesus Yeriko taun owa noko ih dimlamurko atan. 2 Danah os wénih Sakias nug qewa dian. Nug takis wak danah qe dilag kuri am nug kéhu ole. 3 Nug Yesus ge oun qe perigrinah san gam olele kawa. Kerdi nug danah kutuk am danah kurum am qataorak. 4 Géri nug anuqko guko atko guraw ker nafi os teko Yesus qere wanew perigrini qewa ameg meko dian. 5 Sén Yesus awen qewa wanko amnew tew peko ge anoran, “Sakias, na ofer ne. Kerdi da gei ole na loutwa daril.” 6 Géri Sakias usihri neko gamag asakwa Yesus gamnurelle omlew lougwa ates. 7 Danahas kunum qere peksi Yesusri né né marieg, “Nug aregri hipunin danah enenah lougwa ró até,” éksi aneg. 8 Louw ge Sakias asko Nařinahri anan, “Nařinah, na né ene doka. Da keke dasil kunum gamagwa watiko leis ge o duak danah mardil. Am da oun os darmakwa qarég kardin ge wařos patak noh meko murdil,” eko anan. 9 Yesus anoran, “Gei ole Tiwur na fénarwa ole dilag hipunin noh kusqé. Am danah ene ole Abraham fuřuh. 10 Qeri Danah Bega nug oun os gattu owa de qe mariko peko buliko ow Tiwurdi uhřibak éřurdigri uřiyán,” eko anan.

Kekuak Nir 10 Dilag Né Tonak

11 Yesus né qe mariew duepppeg, nug Yerusalem mourak nuan am danahas ag Tiwurdi Kingdom usihri wanwa bérig éksi dahmeg. Géri Yesus né tonak ene anaran. 12 “Danah binlag ole qe fuřuh os atu una oswa atew king darigri wittak morew ufirigri atan. 13 Géri nug kekuak nir nusgur 10 qere anew noweg usih usih qarég gol mina* awen awen qere maran. Marko ge anan, ‘Qarég ene uksi kekuak moreppep da buliko uřiril,’ eko anaran. 14 Gam danah nusgur os danah nafi qeri olag pi nian ole qe danah la os nug dimugri meřarweg

danah nafi qe atanwa ateksi, ‘Ig danah ene king isanig diakri onig pi nie,’ ellagri ateg. 15 Gam nug king beko buliko kawagwa uřiyán. Uřiko ge, kekuak nir nusgur 10 qere qarég maran ole qe dilag né man. ‘Ag qarégwa kekuak areg seg?’ qe dorigri kořmaran. 16 Kekuak nir anuqko duan qe anan. ‘Danah nafi, qarég na miřen qe kekuak murwi qarég gol mina 10 la ole qařewa ban,’ eko anoran. 17 Anew king nusig doko ge anan, ‘Kena sen. Na kekuak nir dasil kena. Na qarég nagurwa kekuak kena sen, géri gei na taun ten qere gumardipri anina.’ 18 Am ařit patak qe doko anan, ‘King dasil, qarég nasip kekuak murwi qarég gol mina tanig ole la qařewa ban,’ eko anan. 19 Anew ge king nusig anoran, ‘Na taun tanig ole gumardip.’ 20 Am kekuak nir kiam patak qe doko anan, ‘King dasil, qarég gol mina usih nasip na miřen ge enan. Da lamén qariwa saputko pesorko méwi dian. 21 Na danah gagřan ole. Ker os na pi kehna qe na funa, am danah la os keke mési qe ole na ona. Qeri da na fařirko qere sein.’ 22 King nusig qe kořewa oko anoran, ‘Na kekuak nir nou am né nasip dimlamdak ge séwi noh urip. Na duen ge da danah gagřal ole am danah la os keke mési qe da wina am danah la kéhsi qe ole da fuina. 23 Na kerdi qarég dasil buliko uřiko qařewa noh la ole olem, gam na qarég lougwa pi men?’ eko anan. 24 Anko ge, danah aseksi deg qe dilag anan, ‘Qarég nusig kardeksi danah qarég gol mina 10 la qařewa sew ban ole qe mores.’ 25 ‘King nafi, nug qarég gol mina 10 ge iřil wé,’ éksi aneg. 26 Anweg anaran, ‘Da anarina, oun os keř os pesorko gumdig ge, fou la ole urig. Gam oun os keř nagur ole am nouni gumdig ge, da nug qe kařurdil. 27 Gam keger dasil da king asilag diakri mineg ole qe diareksi duksi da nolwa aqares,’ ” eko Yesus

* 19:13 19:13 Mina usih ge kalam kiam kekuakri noh olele.

anaran.

Yesus Yerusalem Nuan

²⁸ Yesus qere anko ge, Yerusalem attigri anuqko atan. ²⁹ Yesus kaw arit Betfage am Betani ole Oliw qouku éksi ansi qe sékuwa dasa qe mouratak wanan. Wanko ge, békuř arit meř atew anqeksa atepes anatan. ³⁰ “A kaw uniwa ateksa waneksa ge, donki os fou kena mak ounté os pi teko weiyen ole qe qagak dewew pelas. Peksa ge, kusqeksa oksa uriyes. ³¹ Oun os a kerdi donki kusuqsa eko kořmew ge anores. ‘Nařinah kekuak murdigri kusuqřu,’ eksa anores,” eko anan. ³² Békuř arit qe ateksa ge nug anan qe sillah ole pes. ³³ A donki fou kena mak qe kusqepes donki memeg kořmateg. “A kerdi donki kusuqsa?” éksi aneg. ³⁴ A kořmak noh meksa anes. “Nařinah kekuak murdigri,” eksa anares. ³⁵ Géri donki oksa Yesus dowa uriyeksa ge, siot asilas qařewari qe ureksa donki qařewa duqessa, Yesus eweg ořawes teko donki karan dian. ³⁶ Yesus donkiwa atewew, danahas siot asilag qařewari ureksi ihwa duqareppeg nug qařewa atan. ³⁷ Sén nug Oliw qouku minko nuakri ih qewa dowew ge, nug bégur dimlamdeg qe kunum ole olag gamag asakwa diguméksi qaleksi Tiwur binag sumeg. Kerdi ag Yesus mirakel sew piareg. ³⁸ “King Tiwur Nařinah wénihwa uriyé ge nug wittak more. Saw kappa Tiwur ole maror nirig am Tiwur karannah nug binag karan sumnig.” ³⁹ Am Farisi la os danah ameg naři qe owa deg qe Yesusri aneg, “Duak marak danah, na begpar gařa marwe mines,” éksi aneg. ⁴⁰ Yesus noh meko anaran, “Da anarina. Danah ene torweg ge, qar kořlag koptew urwessi binag sumlag,” eko anan.

Yesus Yerusalemri Kuanan

⁴¹ Sén Yesus atko unaka wanko Yerusalem taun naři qe peko ge, o dow kuanelle anan. ⁴² “Yerusalem

danahas, ag olag duaknah! Ag Tiwurdi maror owa kena diakri qe dollewri kenanah. Gam ag amlag gařwé dasi. ⁴³ Sén qe uriyew ge, kegeř asilag fanlag uriyeksi kař asilag taliloreksi wan qagulweg tew, o mareksi dalag. ⁴⁴ Am taun asilag logreksi ag aqeksi keke kunum ole seweg nou mérig. Am qar usih os minweg lia qařewa ospi dew. Kerdi ag sén Tiwur agrowa uriyen ge, peksi olag pi mouran,” elle kuanan.

Yesus Tiwur Lougwa Duak Maran

⁴⁵ Yesus Yerusalem noko Tiwur Lougri kař owa atko qewa danah keke irardi méksi deppeg nug piarko ge digumeko lamaran. ⁴⁶ Nug ere anelle lamaran, “Tiwurdi Né yak ere ane, ‘Da loul ge unuqorakri lo.’ Gam ag seweg yawsen danah dilag lariak awen sillah beko se,” eko anan. ⁴⁷ Nug sansan Tiwur Lougri kař owa danahas doulag patté. Gam pris dilag anqak danah, Mosesri Řo duak danah am Yuda dilag kuri danah ole ag Yesus qeweg mousdigri ih mariréw. ⁴⁸ Gam ag ih ospi peg, kerdi danahas kunum né nusig dolagri seréw.

20

Kuri Danah Yesus Kuakri Wittak Sew Pelagri Kořmoreg

¹ Deř os Yesus Tiwur Lougri kař owa danahas duak marelle am Né Kena kuswewew, pris dilag anqak danah, Mosesri Řo duak danah am Yuda dilag kuri danah ole duksi anoreg. ² “Na anwe ig duet. Na kuakri wittak arwari oka Tiwur Lougwa kuak ene sena? Na oun kuakri wittak qe mirew sena?” ³ Nug kořlagwa oko anan, “Da ole ag kořmardil. ⁴ Ag anweg due, Yon le luaran ge kuakri wittak Tiwur dowari te, kawa danah dowari te oko san?” ⁵ Ag agégé marieksi aneg, “Saw kappari ektu annig ge nug kořmigdig. ‘Ag kerdi nusig kuak qeri olag meře pi man?’ ⁶ Am ig Yonri kuakri wittak danah agopri

éktu annig ge danahas uni kunum qar uksi kuiglag, kérdi ag olag mére me ge Yon ge Tiwurdi profet.”⁷ Géri ag Yesusri aneg, “Arewari té ge ig pi dotu.”⁸ Qeri Yesus anan, “Da ole oun kuakri wittak miréw kekuina ge ospi anwi doweg,” eko anan.

Wain Dar Gumak Danah Nou Dilag Né Tonak

⁹ Am Yesus né tonak ene danahas amlagwa anan. “Sén danah os wain dar naí kehko am nug danah os wain dar nusig gumeksi morlagri mine marelle ge, nug atu una oswa atko wagam darigri atan. ¹⁰ Wain mou wegak sénwa nug sew kekuak nir nusig os wain dar gumak danah ge agop wain mou os morlagri atan. Gam wain dar gumak danah qe mourweksi anweg eweg sam buliko atan. ¹¹ Nug kekuak nir la anew atan, gam qe ole mourweksi nouni sorweg eweg sam am buliko atan. ¹² Wain dar memeg kiam patak kekuak nir os mew atew ge, mourweksi karag moreksi keigoreweg dar dimdim atan. ¹³ Géri wain dar memeg anan. ‘Da aregnah séril? Da nir dasil ol mouse ole qe attig ge, né nusig dueksi dimlamurlag té,’ elle anew wain dar gumak danah ge agop atan. ¹⁴ Gam sén wain dar gumak danah dar memeg nag qe peksi ge, ag agégé né qageksi aneg. ‘Danah ene wain dar memeg mérig. Doweg qéhut mousew dar qe isanig darig,’ éksi aneg. ¹⁵ Géri keigoreksi berweksi dar dimdim ateksi qeweg mousan. Qeri wain dar memeg ge aregnah sardig? ¹⁶ Nug uriko wain dar gumak danah qe sew aqarweg mousweg am dar oko danah la gumlagri mardig,” eko anan. Sén danahas né tonak qe dueksi ge aneg, “Qere aw bew.” ¹⁷ Yesus kittarko delle kořman, “Qere ge Né yak ene digu areg? ‘Lo fuak danah wandor mineksi gerdeg ole qe lo memeg wandor qe oko gamagwa lagew delle lo mawe.’ ¹⁸ Danah wandor qe

qařewa tolalag ole ge, kunum ole kadurłag. Am wandor qe oun os qařewa tolarig ge, maduréw nounu nérig. Qe sillah, oun os nug da dimirdig ge nug paral mérig,” eko anan. ¹⁹ Mosesri Řo duak danah am pris dilag anqak danah ole ag dueg ge, né tonak qe asilag nou qe urameko marian. Géri sén qewa ih ag ih os peksi orłagri seg, gam ag danahas dilag fařeg.

Yuda Danahas Sisari Takis Melag Te?

²⁰ Mosesri Řo duak danah am pris dilag anqak danah ole ag Yesus kařéordéw. Géri ag danah os darmak danah anweg danah mangu sillah ateksi yawssen amneksi Yesus pelag ateg. Ag nug kéř os nouni anew qewa orweksi wan atu dilag kuri danah kuakri wittak morak am gagragsak ole qe ewegwa melagri ateg. ²¹ Géri yawssen amnak danah qe Yesus kořmoreg. “Duak marak danah, ig dotu ge na né mangu ih marina, ismigna am na danah kunum nouni ospi sarna. Am na né mére Tiwur danahas areg dalagri o nie qe ismarna. ²² Na an, ig sétu sillah Sisari takis tourňig kena te, kawa te?” ²³ Yesus darmak dahmak asilag qe doko anaran. ²⁴ “Qarég silwa os seweg pewi. Oun dorogrog am wénih ole qewa de?” eko kořmaran. ²⁵ Ag kořewa uksi aneg. “Sisa dorogrog am wénih ole.” Nug anaran, “Aria! Sisari ge Sisa mores, am Tiwurdi ge Tiwur mores,” eko anan. ²⁶ Ag Yesus né nouni os anew dolagri dahmeg, gam sén nug danahas ole dessi nug né nouni usih ospi anew dueg. Ag nug né noh man, qeri dorlag new ole toreksi deg.

Mousko Am Dimba Diakri Kořmak

²⁷ Sadusi* os danah mouseksi am bulieksi pi asweg éksi andéw ole qe uriyeksi Yesus kořmoreg. ²⁸ “Duak marak danah, Moses Řo isanig yan ge danah os mousko as nir kawa

* **20:27** 20:27 Sadusi pris ameg os danah mouseksi pi bulieksi assi qeri olag mére me.

mundew ge, kamag as qe oko awagri nir os memandig. ²⁹ Sén os awag kamag 7 qere daréw, géri awlag digam as os wan, gam as qe nir kawa dewew gému qe mousan. ³⁰ Mousew am dimugwari qe wan, am qe ole as nir kawa dewew mousan. ³¹ Qe sillah kiam patak am atko 7 patak qe kunum ole as qe og, gam nir kawa dewew mouseg. ³² Qe dimba as qe ole mousan. ³³ Am buliko sirak sénwa as qe awag kamag 7 qe kunum og, géri as qe oun waw darig?” éksi kormoreg. ³⁴ Yesus né qe noh meko anan, “Danahas wan ewa dasi ag nug usi. ³⁵ Gam Tiwur sew danahas mousak sireksi foumak olag ole qe nug wak ospi niew. ³⁶ Ag saw doup sillah dalag, géri ag ospi mousweg. Ag Tiwurdi nir dalag, kérdi ag Tiwur sew sireksi foumak olag. ³⁷ Am Moses ole ker nagur os ařakri né yakwa ismige ge, mousak bulieksi sirlag. Qeri nug Nařinah Tiwurdi ere anan, ‘Abrahamri Tiwur, Aisakri Tiwur am Yakopri Tiwur ole,’ eko anan. ³⁸ Géri ig Mosesri né qewa dotu ge Abraham, Aisak am Yakop ge Tiwur ole fou dasi. Kérdi mousak danah Tiwur binag pi mési, gam danah fou dasi qe Tiwur binag mési. Kérdi nug nohwa danahas nusgur ge kunum fou dasi,” eko anan. ³⁹ Mosesri Ro duak danah os Yesusri aneg, “Duak marak danah, na né noh mangu anam.” ⁴⁰ Qeri ounté kormak fou la ole ospi san.

Yesus Dewit Fuřuhri Korman

⁴¹ Am Yesus kuri danah qe korman, “Aregri ere ansi Kristus† ge Dewit fuřuh? ⁴² King Dewitri Kasi Yakwa ere ane, ‘Nařinah Tiwur, Nařinah dasil Kristusri anan: Na ewel kenariwa deppe, ⁴³ da keger nasip taparko séwi nuksi na kallonwa dalag,’ eko ane. ⁴⁴ Dewit nug ‘Nařinah,’ eko anore, gam areg nug Dewit fuřuh darig?” eko korman.

Yuda Kuri Danah Dilag Kowol Nou

⁴⁵ Danahas kunum dueppeg Yesus bégur dilag anan. ⁴⁶ “Ag Mosesri Ro duak danah dilag dahmes. Ag feřlag bala welah kena méksi maket awenwa weiyeppeg danahas pi-areksi felqarlagri sési. Am Yuda dilag binag mak lowa danah wenlag ole dasiwa dalagri sési. Am mallen sénwa danah wenlag ole dilag diak awenwa dalagri sési. ⁴⁷ Ag as qehřas dilag keke kunum darmak ihwa memeg mési am qe tonlagri dessi unuqorak welah welah sési. Danah qere ge sak nou noh asilag qe nouninah mardig,” eko anan.

21

As Qehřas Ofa Man

¹ Yesus Tiwur Lougwa delle danah keřlag ole Tiwurdi ofa mak awenwa qarég meppeg piaran. ² Am nug as qehřas os o duak ole qarég 10 toia ařit ih ole mewew pian. ³ Peko ge nug anan. “Da meřenah anarina. As qehřas uni o duak, gam nug qarég ofa mé ge, danahas uni kunum eřarak naři mé. ⁴ Danahas la kunum ge qarég asilag naři dewew am qarég sirin ge méw, gam as uni ge o duak as gam nug keř os oko lellori sillah ge qarég qe kunum ole mé,” eko anaran.

Tiwur Loug Qiko Nérig

⁵ Sén qewa nug bégur os aneg. “Tiwur Loug ene qar kena kenawa fueg am Tiwurdi ofa meg qewa bala moreksi koutoreg,” éksi aneg. Gam Yesus anan. ⁶ “Sén os uřiyew ge, keke kunum pesi qe qiko neko kad-duřdig am qar usih os lia qarewa ospi dewew peweg,” eko anan.

Yesus Kug Uřirig Qeri Anan

⁷ Ag kormoreg, “Duak marak danah, na anam keke qe ganehnah bérig? Ig kéřnah pektu am donig ge qe bérigri sén unaka de?” ⁸ Yesus anan, “Geisah ag darmarwegra,

† 20:41 20:41 Kristus ge Mesaia. Tiwur danahas nusgur buliko diardigri danah toqoran.

dahméksi koutores. Geisah danah kuřum da wénilwa béksi ‘Da Kristus,’ am ‘Geiri kuagrak sén uriko malwé,’ éksi anlag. Gam danah qe aw dimlamarweg. ⁹ Sén ag wan atu oswa fan neihwah am karak neihwah dueksi ge, ag aw farweg. Keke qe tatam belag, gam malwakri sén qe ofer ospi bew.” ¹⁰ Yesus buliko anaran, “Wan atu os asweg wan atu la ole fan selag am king os asew king la ole fan selas. ¹¹ Mim nari atu kurumba nérig am atu kuřum laké nari niewew kousarlag am ware nouni ole belag. Am saw karan farakri keke am kowol wagé wagé ole béksi atlag. ¹² Gam keke qe kunum pi bak dewew, ag da dimlamiřlag qeri orwareksi berwareksi Yuda dilag binag mak lo owa nolag am gurak maressi nouni saressi kalabuswa yanarlag. Am ag dieksi king am wan atu dilag kuri danah agop ole wanlag. ¹³ Sén qewa ag dasil olag meře me qe ag anarlagri sén darig. ¹⁴ Qeri ag olag meře mak gagrag diar. Ag keř éksi anarlagri tatam aw dahmeweg. ¹⁵ Da ag keger asilgar dilag né noh melagri né am dahmak kena ole mardil. Qeri ag keger asilgar né asilag ospi qeweg new am ospi kotařweg. ¹⁶ Sén qewa ag da dimlamiřlag, qeri ag memelgar anilgar am awalgar kamalgar am leilgar ole keger marlag. Am geisah ag la os ge aqarweg mouslag. ¹⁷ Ag da dimlamiřlag, qeri danahas kuřum asilag olag nou mew keger marlag. ¹⁸ Gam ag kurlag urug usihnah ospi lariewra, qeri ag aw farweg. ¹⁹ Ag da dahuhul dalag ge, ag foumak sansan diakri olag.”

Yerusalem Taun Logardiğ

²⁰ “Sén ag fan danah uriyeksi Yerusalem o morweg peksi ge, ag dolag ge wagam kawa nug logarlag. ²¹ Sén qewa danahas Yuda dalag ge, kum oleksi qoukuwa ates. Am danahas taun qewa dalag ge, taun qe mineksi kum ates. Am areg os

taun dimdim dalag ge, aw bulieksi owa noweg. ²² Kerdi sén qe Tiwur Yerusalem danahas kug asilag qe noh mardig am Tiwurdi Né yakwa nie qe kunum ole mou bérig. ²³ Sén qewa ge, as olag ole am nir yu ole ge kug narinah pelag, kerdi ag kum atakri olele kawa. Kerdi kug narinah atu qewa bérig am Tiwurdi uhřibak danahas qewari dilag qe noh meko mardig. ²⁴ Danahas os ge fan barinwa kotřarlag. Am os ge orwareksi diareksi wan atu la kunumba kalabuswa atlag. Am Yerusalem taun ge Yuda danah kawa danah la qe tutuweg atew Tiwur sén moran qewa pattig,” eko anan.

Danah Bega Buliko Uririg

²⁵ Yesus buliko anaran. “Sén qewa kowol os kamba kalamba am sořwéwa ole beweg piarlag. Wanwa danahas kunum iw korkoř nari qelle urwag nérig qe dueksi olag fařew am dahmak karwarew kité ospi seweg. ²⁶ Danahas kuřum wan ewa keř bérig qe peksi olag fařew amlag tařirig. Kerdi saw karan keke gagragsak nari ole qe kunum sahařlag. ²⁷ Sén qe ge Danah Bega da lombigwa gagragsak nari ole am kamsahlak nari gun olewa uriyepi kunum peirlag. ²⁸ Sén keke qe kunum digumeko bewew ge, ag gagrag méksi aminweg karan tew des, kerdi Tiwur ag gattu owari buliko diarko kusqak mardigri sén unaka durig,” eko anan.

Guřaw Kerdi Né Tonak

²⁹ Yesus né tonak ene bégur anaran. “Guřaw ker am ker la ole piores. ³⁰ Sén ker qere lounweg ge, ag agégé dolag qe kem sén durig malwe. ³¹ Qe sillah, da aném qere bew peksi ge ag dues. Wagam kawa ge Tiwurdi Kingdom bérig*.” ³² Da meřenah anarina. Geiri danahas pi mousak deppeg keke aném qe kunum bérig. ³³ Wan saw ole ge

* **21:31** 21:31 Tiwur danahas nusgur dilag king delle gumardig.

qerórdig, gam né dasil ge nagurnah ospi kawa mew.”

Yesus Buliko Uírigri Dahmessi Des

³⁴ “Dahmessi des! Ag ke lelle am le leko gar qakri aw dahmeweg. Ag wan ewa kena diakri naí aw dahmeweg. Ag kowol qere séssi dalag ge, da agrowa pi duepppeg úiril. Kerdi dasil úriyak deí qe pelem silah darig. ³⁵ Geisah wanwari danahas kunum kug qewa dessi pelag. ³⁶ Dahméksi koutoressi am bulibuli Tiwurdi unuqorweg gagrag qarar. Qewa ge, kug belag qe érdessi deppeg Danah Bega da úriwi nolwa sirlag,” eko anaran. ³⁷ Yesus kemunwa deí dorog Tiwur Lougwa duak mardé. Am tuqan ge nug atko Oliw goukuwa daré. ³⁸ Danahas kunum furwanah Tiwur Lougwa Yesus duak mardigri qaguldéw.

22

Yudas Yesus Keger Ewlagwa Mérigri Ih Marian

¹ Yuda dilag mallen beret yis kawa oleri wénih Nanúrak Deí* qe unaka duan. ² Am pris dilag anqak danah am Mosesri Ró duak danah ole ag danahas fafareksi larieksi Yesus órweksi qeweg mousdigri ih marieg. ³ Sén qewa ge, nou memeg Satan, Yesus Béгур 12 qe olagwa usih os wénih Yudas Iskariotrer qe owa nuan. ⁴ Now ge Yudas atew pris dilag anqak danah am Tiwur Loug gumakri felag tutu dilag kuri danah ole Yesus areg ag ewlagwa mérigri né marieg. ⁵ Qeri ag olag gamag asew Yudas qarégwa daren morlagri né fag qeg. ⁶ Yudas ag aneg qeri o niew digumeko ih are os peko, danahas pi duepppeg Yesus ag ewlagwa mérigri ih marian.

Yesus Békuí Nanúrak Deí Ke Bawres

⁷ Yuda dilag mallen beret yis kawa oleri qe duan. Deí qewa ge Yuda danahas Nanúrak Deídi sipsip yu aqeksi mallen qewa lelagri sén. ⁸ Yesus Pita Yoñ ole meíatko anatan. “A ateksa Nanúrak Deídi ke lakri isanig bawres,” eko anan. ⁹ Gam a kořmores, “Naínah, i ke arewa bawarnit?” ¹⁰ Yesus anatan, “A Yerusalem taunwa noksa ge danah os le witko mouko wanew pelas. Peksa ge, dimlamurwes lo nug nurig ole qewa nos. ¹¹ Sén a lo qewa noksa ge, lo memeg ere kořmores. ‘Duak marak danah nasip ere ané: Da Beglar 12 qe ole kurug arewa Nanúrak Deídi ke lenig?’ eksi anes. ¹² Lo memeg ge lo karan awen naí os tewol ole keke kunum bawrak ismattig. Qewa ge, ig Nanúrak Deídi ke lenigri bawres,” eko anatan. ¹³ A ateksa ge, Yesus anan qe sillah keke kunum pes. Peksa ge, Nanúrak Deídi ke qewa bawres.

Naínahri Ke

¹⁴ Sén Nanúrak Deídi ke qe lakri dow ge, Yesus aposel† nusgur 12 qe ole lo qe karan ke bawres awen qewa tewol o moreksi ninaqíreksi deg. ¹⁵ Dessi ge, nug anan. “Da ol naí nie ge ag ole Nanúrak Deídi ke ene léktu tatam am da gurak oko mousdil. ¹⁶ Da anarina. Da Nanúrak Deídi ke fou la ospi léwin atew ole mallen ene digu ambo meko Tiwurdi Kingdomwa bérig,” eko anan. ¹⁷ Anko malako ge, Yesus wain kapwa qériak oko, Tiwurdi kena sam elle unuqorko Béгур dilag anan. “Ene uksi arié les. ¹⁸ Da anarina. Gei digumak da buliko wain ospi léwin atew sén úriyew Tiwur wan eneri King bérig,” eko anan. ¹⁹ Am Yesus beret os oko, Tiwurdi kena sam elle unuqorko temew nounu new marko anan. “Ene ge da féul. Da asilag seko mardil. Ag ere sesissi da dahmires,”

* **22:1** 22:1 Nanúrak Deí ge Yuda dilag mallen os. Sén Yuda danahas Isip darew qe, mousak nir danah anqakri nanúran qe dahmorakri sén. † **22:14** 22:14 Danah os Yesus nugégé toqarko anew kekuak nusig séksi ateg ole qe. Aposel ge Yesusri meí danah.

eko anan. ²⁰ Ke léksi malweksi ge, Yesus kap wain ole os oko ge anaran. “Wain kap owa ene da karal. Qewa Tiwur titwanak fou danahas dilag sérig. Da karal qe asilag seko gogoórdig. ²¹ Gam ag peksi! Danah da kegeér ewlagwa meírdig ole qe da ole tewol usihwa arié ke leú. ²² Danah Bega ge Tiwur ih man qewa mousdig. Gam danah oun nug kegeér ewlagwa mérig ole qe ge nug kug os perig,” eko anan. ²³ Sén Bégur ag né qe dueksi ge, ag agégé ounnah qere sérig essi koírmeweg wane meweg duan.

Ag Olagwa Oun Naí Darig

²⁴ Yesus Bégur ag agégé oun asilag naí qeri néwa ih kareg. ²⁵ Karweg ge, Yesus anaran. “King wan eneri ge gagragsak asilagwa danahas gumaressi bilagwa qesi. Am wan ewa danah gagragsak ole qe ag danahas kehnaarak danah éksi anarlagri férlag mési. ²⁶ Gam ag ge qere aw seweg. Oun os asilag naí de ge, nug danah sam sillah ag kallolagwa diar. Am danah oun ag gumardig ole ge nug asilag kekuak nir sillah diar. ²⁷ Qeri da koímarina. Oun ge danah naí? Danah tewolwa sam dewew ke bawreksi morweg le ole qe te? Kawa, danah ke bawre ole qe te? Ag dosi ge danah tewolwa de qe ge danah naí. Gam da ge enan. Ag olagwa danah ke bawarko mare ole qe sillah deina. ²⁸ Ag da ole kug dasil kunumba datu. ²⁹ Géri Mem da king delle danahas gumardilri kekuakri gagragsak míran. Qe sillah ag ole danahas gumarlagri kekuakri gagragsak marina. ³⁰ Qeri Kingdom dasil owa ag ole tewol dasilwa arié dettu ke am le ole léksi am kingri sia awen awenwa dessi Israel ater 12 qe gumarlag,” eko anan.

Yesus Pita Nug Dimurdig Qeri Anan

³¹ Yesus Saimonri anan. “Saimon, Saimon, na doka. Reis ulaswa gogreppeg kéwsi am kar ole yalew ate qe sillah Satan o meé mak asilag

qeperigri koíрман. ³² Gam Saimon, da na ot meé mak pi tolwewri unuqurin. Géri sén na ot buliew dagnewa bulika doka ge, kuak usih leipar olag meé mak gagrag qor,” eko anan. ³³ Anew, Pita anoran. “Naíinah, da na dimlamirwi ole arié kalabuswa atnit am mousnitri ole bawré m deina.” ³⁴ Yesus koírewa oko anan, “Pita, da anirina. Na kérew furwa maru pi gelak, na kiam patak da pi duiírna eka andip,” eko anoran.

Yesus Bégur Gagrag Dalag Anan

³⁵ Qe dimba Yesus Bégur dilag anan. “Sén tatam da kuak marwi ateg ge, ag qarég yanakri sogot, baram, am félag gaía aw oweg eko anin. Sén qewa ag kitéri os qagreg te?” “Kawa,” éksi aneg. ³⁶ Yesus anaran, “Gam gei ge oun os sogotwa qarég ole ge war am baram ole os. Am oun os fan barin kawa ole ge siot qaírewari qe qarégri mew oweg am fan barin os daren mar. ³⁷ Tiwurdi Né yakwa ane, ‘Danahas nug ró tapewnak danah sillah peg.’ Am Né yakwa dasil ane qe olele murdig am dasil Né yakwa ane qe sén mou bérigri qe unaka do,” eko anan. ³⁸ Anew nug Bégur aneg, “Naíinah, fan barin arié enan,” éksi anweg am Yesus anan. “Malwew, qe olele,” eko anan.

Yesus Oliw Qoukuwa Unuqoran

³⁹ Yesus sansan seré sillah Oliw qoukuwa atewew Bégur ole dimlamurweg arié ateg. ⁴⁰ Ateksi ge, Bégur anaran. “Ag qepiakwa pi tolaweg qeri Tiwurdi unuqores,” eko anan. ⁴¹ Nug Bégur minarko nagur lawar qar tourweg atko qe, qe sillah wanko ge gatewa yako delle unuqoran. ⁴² Unuqorko anan, “Mem, na ot niew pe, na kug naíinah wírdig ene moutina mír. Gam da ol mourak aw dimlamurwen, na ot mourak qe dimlamur,” eko anan. ⁴³ Anew ge, saw kappari Tiwurdi doup os gumurko doko nug gagrag qoran. ⁴⁴ Yesus kug naíinah doko gagrag unuqoran. Unuqorewew ge séri qeko karag sillah katré katré

wanwa nan. ⁴⁵ Nug unuqorak malako asko ge, buliko Bégur agop wanan. Wanko ge, ag olag kug qew usnieppeg piaran. ⁴⁶ Piarko ge anan, “Ag keŕdi usnisi? Aseksi qepiak uriyew tolawegra unuqores,” eko anan.

Yesus Orweg

⁴⁷ Yesus né mariewew, danah ameg naŕi teg. Yesus Bégur qe olagwa usih os wénih Yudas qe omlarew teg. Nug Yuda koulagwa Yesus kiss murdigri unaka wanan. ⁴⁸ Wanew Yesus anoran, “Yudas, na Danah Bega da keger ewlagwa méirdipri te kiss miŕdip sena?” ⁴⁹ Sén Yesus Bégur ag kug bérig sew peksi ge, koŕmoreg. “Naŕinah, ig fan barinwa fan sénig te?” ⁵⁰ Bégur qe usih os fan barinwa pris dilag kuri danahri kekuak nir doug kenari qe seiyan. ⁵¹ Yesus qere peko ge anan, “Aw! Malwam genan,” elle doug oko meko lamsiew buliko duŕduan. ⁵² Yesus pris dilag anqak danah, Tiwur Lougri felag tutu am Yuda dilag kuri danah ole nug oŕalagri uriyeg qe dilag anan. “Ag tapewnak danah te oŕalagri fan barin am ker qetak ole kahweksi uriyew?” ⁵³ Da ag ole deŕ dorog Tiwur Lougwa daram, gam ag da ospi urwileg. Am gei ge asilag sén gatturi gagragsak ag gumare,” eko anaran.

Pita Yesus Pi Duina Eko Anan

⁵⁴ Anko malwew ge, Yesus oŕweksi omleksi pris dilag kuri danah qe lougwa ateg. Ateppeg ge, Pita nug dimqeko nagur lawar qere dimlamaran. ⁵⁵ Danah os kar owa lo ihŕamba kew yaleksi urgessi deppeg, Pita ole wanew qere kew o moreksi deg. ⁵⁶ Lo qewari kekuak as os Pita kew urgelle dewew peko kitturko de de ge anan. “Danah ene ole Yesus dimlamdak weiréw,” eko anan. ⁵⁷ Gam Pita anan, “Kawa, da danah qe pi duina,” eko anan. ⁵⁸ Am wagam kawa danah os peko anan,

“Na os ole enan,” eko anan. Anew Pita anan, “Kawa, da ole kawa.” ⁵⁹ Kem ameg usih keke qere atew ge, danah os gagrag anan. “Meŕenah! Danah ene Galilirer, qeri nug Yesus ole weiréw,” eko anan. ⁶⁰ Anew Pita noh meko anan, “Na kitéri té marina ge da pi duina,” eko anewew ole maru gelan. ⁶¹ Sén gewa ole Naŕinah buliko mangu ole Pita amegwa amnan. Pew ge Pita Naŕinah ere anoran qe dahmoran. “Na keŕew furwa maru pi gelak, na kiam patak na da pi duiŕna eka andip,” eko anan qe dahmoran. ⁶² Pita dimdim wanko delle ge, owa qetko atew qalko kuanan.

Yesus Siwegkolessi Uksiuksi Qoressi Am Koreg

⁶³ Tiwur Lougri felag tutu Yesus gumessi deg qe nug diguméksi siwegkolessi am koreg. ⁶⁴ Ag Yesus lamenwa ameg qageksi koreksi am koŕmoreg. “Na profet daka pe, anwe duet. Oun na kuiré?” ⁶⁵ Ag né nouni kowol kowol Yesusri aneg.

Yudari Kuri Danah Dilag Qaglakwa Yesus Koŕmoreg

⁶⁶ Kuagŕew ge Yuda dilag kuri danah, pris dilag anqak danah am Mosesri Ro duak danah ole qagulweg ge, Yesus omleksi qaglak gewa waneg. ⁶⁷ Kuri danah wagé wagé qe Yesus koŕmoreg. “Na anwe duet. Na Kristus† qenan te?” éksi aneg. Yesus koŕlagwa oko anan, “Da anwi ge, ag dasil olag meŕe ospi mew. ⁶⁸ Am da os ag koŕmardil ge, ag né qe noh ospi meweg. ⁶⁹ Gam gei digumeko atak Danah Bega Da Tiwur gagragsak ole eweg kenariwa daril,” eko anan. ⁷⁰ Anew danah wagé wagé qe kunum bulieksi koŕmoreg. “Qenan géri na Tiwur Bega te?” éksi anweg, nug anan. “Ag anéw ge da qenan.” ⁷¹ Qewa danah wagé wagé aneg, “Ig né gagrag qorakri né la ospi

† 22:67 22:67 Kristus ge Mesaia. Tiwur danahas nusgur buliko diardigri danah toqoran.

marihut. Ig igégé nou nusig qe nug kořewa duam qe olele,” éksi aneg.

23

Yesus Uksi Pailot Dowa Ateg

¹ Yudari kuri danah wagé wagé qe kunum qaglakwari aseksi Yesus omleksi Pailot* dowa ateg. ² Qewa ge nug diguméksi yagoř moreksi aneg. “Ig danah ene danahas isangar nouni omlardig sew pet. Am Sisari takis pi tourwegri doulagwa nolle am ole nug ane, ‘Da Kristus am da king,’ eko anew orwektu uktu uriyam,” éksi aneg. ³ Géri Pailot Yesus kořmoran, “Meře te na Yuda danah dilag king?” Yesus né noh meko anan, “Na anam qenan.” ⁴ Pailot pris dilag anqak danah am danah ameg naři ole dilag anan. “Da danah ene piém ge nug kité nouni ospi san.” ⁵ Gam ag duessi bulibuli gagrag aneg. “Nug Yudia atu kunumba weiyelle né mariyelle danahas olag ye. Nug Galili tatam diguman am gei ge ewa uriyam se,” éksi aneg.

Yesus Uksi Herod Dowa Ateg

⁶ Sén Pailot qere doko ge nug kořmaran. “Danah ene Galilirer te?” ⁷ Ag kořewa uksi aneg, “Yo, nug Galilirer.” Pailot qe doko ge, ag Yesus uksi king Herod dowa ates eko anaran. Kerđi Herod nug Galili gumdé am sén qewa Herod nug ole Yerusalem dian. ⁸ Sén nug Yesus peko ge, o gamag naři asan. Kerđi nug Yesus neihwah mařiweg doko sén welah perigri o nian. Am nug Yesus mirakel os sew piardigrinah dahmeré. ⁹ Qeri Herod Yesus kořkoř moran, gam Yesus kořewa ospi wan. ¹⁰ Pris dilag anqak danah am Mosesri Řo duak danah ole qewa dessi ge, Yesus gagragnah yagoř moreg. ¹¹ Qe dimba Herod fan danah nusgur ole Yesus uksiuksi qoressi siwegkollessi kingri bala kena urwurweg

now uksi Pailot dowa bulieksi ateg. ¹² Tatam ge Herod am Pailot ole a olas usih pi daré, gam deř qewa ih ole a liam pates.

Pailot Yesus Ker Mawanakwa Katullag Anan

¹³ Pailot anew pris dilag anqak danah, danahas gumarak danah am danahas ole qagleg. ¹⁴ Qagulweg nug anaran, “Ag danah ene uksi dagnéwa uriyeksi anéw, ‘Nug danahas isangar nouni omlardigri olagwa ye,’ éksi anéw. Gam da ag nolagwa kořmorko piém ge, ag yagoř moreksi aneg sillah nug kité nouni ospi san. ¹⁵ Qeri Herod ole qere peko mew buliko ignéwa uriyé. Danah ene anwi qeweg mousdigri sillah kité nouni ospi san piém. ¹⁶ Qeri da anwi siwirwa qisleksi am pařoweg attig.” ¹⁷ (Pailot qere anan, kerđi sansan Nanřurak Deřwa kalabus danah usih os danahas ag nusig olag nie ole qe pařoweg doko dimđim ate.) ¹⁸ Gam danahas kunum urweksi aneg. “Danah qe qewe mousar! Barabas matulwe do migar!” ¹⁹ Barabas nug sew Yerusalem taun gumak danah Yuda dilag danahas ole karak naři seg am nug danah os ole qew mousan. Qeri nug kalabuswa yaneg. ²⁰ Pailot nug Yesus mundew attigri o dian, qeri buliko danahas kořmaran. ²¹ Gam danahas bulibuli urweksi aneg, “Ker mawanakwa katul! Ker mawanakwa katul!” ²² Pailot kiam patak danahas anaran, “Kiteri? Nug ker kugnah san, qeri anwi qeweg mousdig? Danah ene qeweg mousdigri sillah kité nouni ospi san piém. Géri qisleksi am pařoweg attig,” eko anan. ²³ Gam gagragnah urweksi Yesus ker mawanakwa katlakri aneksi Pailotri né qeweg nan. ²⁴ Géri Pailot minko ag aneg qe dimlamurko Yesus qeweg mousdigri anan. ²⁵ Yuda aneg sillah, Pailot anew tapewnak danah Barabas nug sew Yerusalem taun gumak

* **23:1** 23:1 Pailot nug Rom danah am Yudia wan atu qe gumdé.

danah Yuda dilag danahas ole karak nañi seg am nug danah os ole qew mousan, qeri kalabus dian qe matlew duan. Am Yuda olag nian sillah, Yesus ge qelagri Rom fan danah ewlagwa man.

Yesus Ker Mawanakwa Katleg

²⁶ Qewari ge ag Yesus uksi taun dimdim ateppeg danah os wénih Saimon Sairinirer qe uriko taun owa nurig sewew orweg. Orweksi keigoreksi ker mawanak sumeksi guqawa meweg mouko Yesus dimlamdan. ²⁷ Danahas ameg nañi Yesus dimlamdeg. Qe olagwa as os Yesusri kunnessi dimlamareg. ²⁸ Yesus piarke anaran. “Yerusalem as, ag dasil aw kuanweg. Ag agégé asilag am nir nounou asilgar ole dilag kuanes. ²⁹ Kerdi geisah sén os uriyew danahas anlag, ‘As olagwa nir kawa, as nir pi memnak am as ouma asilag nir ospi lak ole qe ge kena.’ ³⁰ Sén qewa danahas qouku wagé wagé am nounu dilag ole anlag, ‘Ag néksi tonigweg mouset,’ éksi anlag. ³¹ Kerdi ag da kité nuni ospi séwi am qere sirilag ge, ag ge nouninah sarlag,” eko anan. ³² Sén qewa Rom fan danah tapewnak danah arit os Yesus ole arié ker mawanakwa katlarlagri diareksi ateg. ³³ Ateksi awen os wénih mousak danah kuri kéwsi éksi ansi qewa ge Yesus ker mawanakwa katleg. Am tapewnak danah arit qe os ge kenariwa katleksi am la os ge nanettiwa katleg. ³⁴ Yesus unuqorko anan, “O Mem, hipunin asilag kusuq. Kerdi danah ene duessi pi sési,” eko unuqoran. Danah ameg nañi amneksi deppeg fan danah ag oun Yesus féru bala qe urigri ker masawa namba yeksi touressi sagořweg. ³⁵ Am Yuda dilag kuri danah Yesusri né siwkolessi aneg. “Nug danahas la ge kehnarko kusqaran. Géri gei ge nug meřenah Kristus Tiwur toqoran dako pe, nug nugégé kusqak urig,”

éksi aneg. ³⁶ Fan danah ole Yesusri né siwkolessi unaka waneksi wain qew morlagri seg. ³⁷ Qere séssi aneg, “Na Yuda dilag king daka pe, na nagégé kusqak o,” éksi aneg. ³⁸ Karan kuriwa ker mawanakwa ker masa oswa né os ere yak qe dian. “Ene Yuda Dilag King.” ³⁹ Danah nou os arié ker mawanakwa katlareg ole qe Yesus okoko qorko anan. “Na Kristus meře Tiwur toqiran dew pe, na nagégé kusqak oka am i ole sewe kusqak or.” ⁴⁰ Gam tapewnak danah os ge lia gařa morko anoran, “Na nug mousdig sillah ih usih qewa mousdip, qeri na Tiwur pi te fařurna? ⁴¹ I ge isanit sak nou qe ih noh mawekru mousnit, gam nug ge kité nuni ospi san,” eko anan. ⁴² Anko ge Yesusri anan, “Yesus na king beka ge, da dahmir.” ⁴³ Yesus kořewa oko anan, “Da meřenah anirina. Na gei da ole paradaiswař danit,” eko anan.

Yesus Mousan

⁴⁴ Kémun kem ameg 12wa keke qere usihri atu qe kunumba gattu tonko niewew atko tueh kem ameg 3wa keke qere malwan. ⁴⁵ Kem ameg orwew gattu tonko niewew, Tiwur Lougwa gun awen owa lamén nañi eisak nian ge gamagwa karilko neko arit patan. ⁴⁶ Géri Yesus gagrag uruko anan, “O Mem, da koullil na ewenwa meina,” elle ole mousan. ⁴⁷ Sén Rom fan danah dilag kuri qe kunum peko ge Tiwur binag meko anan, “Meřenah, danah ene mangunah,” eko anan. ⁴⁸ Am danahas kunum qe pelagri uriyeg ge peksi olagwa qetko atew bulieksi loulgarwa ateg. ⁴⁹ Gam danahas Yesus doréw qe kunum ole am as Galiliri dimlamdeksi uriyeg qe ole lawař assessi dessi keř keř beko atan qe kunum ole peg.

Yesus Uksi Ateksi Matmatwa Meg

⁵⁰ Danah os wénih Yosep nug Yudia atu owa taun Arimatearer am nug ole Yuda dilag kuri danah

† 23:43 23:43 Saw kappa awen kenanah. O meře mak danah mouseksi ge qewa Yesus ole dasi.

qaglak qewa delle kug kepaárdé. Nug danah kena am danah mangu am nug Tiwur king delle danahas nusgur gumardigri sén qe ameg meré. ⁵¹ Nug ole Yuda dilag kuri danah qagleksi kug peréw qewa daré. Gam nug kuri danah la aneg am seg qeri o olele ospi dian. ⁵² Nug Pailot dow atko Yesus gaía oko suhumdigri koímorew, Pailot mundew wan. ⁵³ Géri nug Yesus gaía ker mawanakwari oko neko lamén kena sagahwa saputko am oko atko matmat os qar oíe kutlak qewa man. Matmat qe fou am danah gaía la ospi mak ole. ⁵⁴ Deí qe Sabatri keke bawrak sén, am Sabat digumerigri sén unaka duan. ⁵⁵ As Yesus dimlamurweg Galiliri uíiyeg qe Yosep dimlamurweg matmatwa ateg. Ag Yesus gaía areg matmatwa meg qe pelagri ateg. ⁵⁶ Peksi ag bulieksi loulagwa ateksi ge, goíen muírdig kena ole qe Yesus gaía waírwurlagri bawreg. Malaweg ge Sabat diguman. Géri Mosesri Ro dimlamdak ag sik og.

24

Yesus Mousko Am Buliko Asan

¹ Kuhawa furwanah as os goíen muírdig kena ole bawreg qe ukxi matmatwa ateg. ² Ateksi qewa ge, matmat koíe megleg qar naíri qe bitlew dougwa wanak dewew peg. ³ Peksi ole ag owa nog, gam Naírinah Yesus gaía qewa ospi peg. ⁴ Qeri ag katat aqarew aseksi deppeg ge, usihri danah aít bala ampir soníe sillah mak ole qerlagwa aseksa des. ⁵ As qe faíreksi nou méksi duk nukxi gatlagwa yeksi wan kittureksi deppeg ge, danah aít qe anes. “Ag danah gei fou de ge keírdi mousak danah dilag awenwa marisi? ⁶ Nug ewa os kawa. Nug mousan gam buliko asan. Nug Galili dessi keí eko anaran qe dahmores. ⁷ Nug anan, ‘Danah Bega hipunin danah ewlagwa meweg ker mawanakwa katulweg mousdig, gam deí kiamba

buliko asdig,’ eko anan.” ⁸ Qewa ge, ag Yesus anan ge bulieksi dahmoreg. ⁹⁻¹⁰ As qe Maria Makdalarer, Yoana am Maria Yems anig am as la os ole aíe matmatwa ateg. Ag bulieksi matmatwari louw ateksi ge, Béгур ¹¹ qe am danahas la Yesus dimlamurdéw ole qe kunum keí keí ban qe anweg dueg. ¹¹ Gam ag as né aneg qe ulas né essi olag meíe ospi man. ¹² Gam sén Pita asko guko atko duk noko amnew matmat oíe owa now ge, lamén sapteksi meg ole qe ih qewa niewew pian. Peko ge, keí keí ban qeri dahmew te mew newew buliko louw atan.

Danah Aít Emeus Atakri Ihwa Yesus Pes

¹³ Deí qewa ih Yesus dimlamdak danah aít os Emeus kappa atlasri ates. Yerusalemri Emeus atak ge 11 kilomita sillah. ¹⁴ A até até keí keí Yerusalem ban qe kunum mariessa ates. ¹⁵ A qeri mariessa suíriessa atepes ge, Yesus nugégé dow ole aíe ateg. ¹⁶ A pes, gam nug oun qe a olas ospi mouran. ¹⁷ Nug koímatan, “A kitérinah né mariessa atsa?” A olasnah dow kilas nou mew aseksa des. ¹⁸ Danah os ge wénih Kliopas qe asko koímoran. “Na Yerusalemri uírina, gam na nagé té deí gane atan qewa keí keí ban qe ospi duen?” eko anan. ¹⁹ Anew ge, nug koímatan. “Keírah ban?” eko anew, a koíewa oksa anes. “Nasaretrer Yesusri né mariíu. Nug gagragsak naíri ole né marian am keí keí san. Qewa ge, Tiwur amegwa am danahas amlagwa ole nug profet gagragsak ole. ²⁰ Gam pris dilag anqak danah am gumarak danah isanig ole oíweksi ewlagwa meweg ker mawanakwa qeweg mousan. ²¹ Ig Israel nug ig kug owari buliko wigrigri onigwa niewew dahmoretu weiram. Gam qenan ih kawa, qeweg mousan am gei ole deí kiam ate, gam kité ospi be. ²² Am as isangar os gei furwanah matmat nusigwa ateksi am bulieksi uíiyeksi seweg durnig new katat iqé. ²³ Ag Yesus gaía qewa ospi

niewew piéw, gam Tiwurdi doup piatweg Yesus buliko asé eksa anap. ²⁴ Danah isanig os matmatwa ateksa ge, as anéw qe sillah ole Yesus gaía qewa ospi piap,” eksa anap. ²⁵ Géri Yesus anan, “A dahmak kutuk ole. Profet dilag né yak algurer nie, gam ag nagur olag mére ospi me. ²⁶ Ag pite dosi ge Kristus kug naíri ene oko mousko tatam am buliko asko ge kamsahlak gun olewa darig?” eko anan. ²⁷ Am nug digumeko Mosesri am profet la kunum dilag Né yakwa nugégé nusig yeg qe kunum a dolasri nug digu kusuko ismatan. ²⁸ Ag kaw ateg ole qe mourak waneksi ge, Yesus nug kaw qe éfurko attigri san. ²⁹ Gam danah aít qe gagrag meksa anes, “Na i ole ninig, kérdi ene gattu mane am kem noko malwé,” eksa anes. Géri nug a ole nilagri louw ateg. ³⁰ Ag ke lelagri arié dessi ge, Yesus beret os oko Tiwurdi kena sam elle unuqorko temko matan. ³¹ Qere sew ge, usihri a amlas fur kougwew peksa olas mouran ge nug Yesus. Gam a sén qewa nug ospi peppes ole qeroían. ³² A atété né marieksa anes. “Ig ihwa uíriyettu nug Tiwurdi Né yak digu kusuko marié ge ku’unit koré,” eksa anes. ³³ Géri a usihri aseksa ole Yerusalem bulieksa ates. Ateksa qewa ge Yesus Béгур 11 qe am leilgar la ole qagulweg piales. ³⁴ Qewa ge aneg, “Mére! Naínah buliko asan am ole Pita gumurko wanew nug pian,” éksi aneg. ³⁵ Am danah aít Emeusri qe a attowa ké’ ké’ ihwa san qe marieksa am beret temko matew ge peksa olas mouran qeri anes.

Yesus Peg

³⁶ Sén ag né qeri mariepppeg, Yesus nugégé gumarko doko olagwa qere asko delle anan. “Tiwur o maror ag

ole dalag.” ³⁷ Ag peksi ole dore piam essi olag faíko nou man. ³⁸ Gam Yesus anan, “Ag kérdi faéssi am olag aít ole de? ³⁹ Da ewel fél ole duífal ene pes. Da enan! Úrwileksi pes, da dore os kawa. Kérdi dore ge téhu am kéwsi ole kawa.” ⁴⁰ Nug qere anko ge eweg am fég ole ismaran. ⁴¹ Ag olag gamag asewew dahmak ku’rum og, qewa ag olag mére ospi man. Qeri Yesus ko’maran, “Ag kité lakri ewa os de te?” eko anan. ⁴² Anew ge ag kaké a’rak os uksi moreg. ⁴³ Morweg ge, nug oko ag peppeg ole lan. ⁴⁴ Nug anaran, “Da ag ole dettu anarin. Mosesri Ro yakwa, profet dilag Né yakwa am Dewitri Kasi Yakwa dasil ane qe kunum mérenah mou bérig,” eko anan. ⁴⁵ Anko ge, nug Tiwurdi Né yak olag mourdigri sew dahmak asilag matlan. ⁴⁶ Nug anaran, “Tiwurdi Né yakwa ane, ‘Kristus qe nug kug naíri oko mousko am de’ kiamba ge buliko asdig. ⁴⁷ Danahas olag buliew Tiwur doweg am hipunin asilag kusuqrigri né qe nug wénihwa danahas kunum agop ag Né Kena qe kusulag. Am qe Yerusalem digumelag,’ eko ane. ⁴⁸ Ag qe ih ké’ ké’ ban peg qe kunum ole mariweg dues. ⁴⁹ Da Mem né fagqan qe dimlamurko Koulli Gun méwi u’irig. Am ag taun ewa ih daweg atew Tiwur gagragsak mardig,” eko anan.

Yesus Saw Kappa Atan

⁵⁰ Qe dimba Yesus béгур omlarew taun pa’weksi Betani mourak ateksi eweg sumko wittak maran. ⁵¹ Nug wittak marewew Tiwur sumko oko tew minarko saw kappa atan. ⁵² Géri ag Yesus binag méksi am olag gamag asak naíriwa bulieksi Yerusalem ateg. ⁵³ Am ag Tiwur Lougwa dessi Tiwur binag sumdéw.